



T 25 12 / 4933

CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY
NOV 1 6 1941





綱鑑會編卷五

哈佛大學漢和圖書館珍藏印

文安 劉德芳 訂正

崑山 葉 澐 輯錄

東周紀

頃王 名壬臣襄王之
子在位六年

○癸卯元年春毛伯如魯求金二月魯叔孫得臣如京師辛丑葬襄王○編襄王之喪公孫敖之幣不至于是有求金之使魯侯使得臣會葬焉

○三月楚人伐鄭○編范山言于楚子曰晉君少不在諸侯北方可圖也于是楚子興師伐鄭鄭及楚平魯公子遂會晉趙盾宋華耦衛孔達許大夫救鄭不及楚師

天子正仲不
拆極矣之其
舉動失禮也
以使之也

○秋八月曹共公卒。在位三十五年子壽嗣。是為文公

○冬楚子使椒聘于魯。○編楚使越椒聘于魯。執幣傲叔仲惠伯曰：是必滅若敖氏之宗，傲其先君，神弗福也。

○燕襄公卒。在位四十年桓公立。

○乙巳三年冬十月，魯叔孫得臣敗狄師于鹹。在今開州○編鄭音

滿平聲狄國名防風氏之後漆姓侵齊，遂伐魯。文公使得臣追之，敗狄于

鹹，獲長狄僑如。

○丙午四年冬十二月，晉人秦人戰于河曲。○編秦為令狐之

役，故伐晉。晉人禦之，師于河曲。叟駢曰：秦不能久，請浹壘固軍以待之。從之。秦人欲戰，士會曰：趙氏新出其屬，曰叟駢必實為此謀，將以老我師也。趙有側室子曰穿，晉君之壻也。有

寵而弱，好勇而狂，且惡叟駢之佐上軍也。若使輕者肆焉，其可。秦軍掩上軍，穿欲獨出追之。宣子曰：秦獲穿也，獲一卿矣。秦以勝歸，我何以報？乃皆出戰，交綏。秦行人夜戒晉師曰：兩軍之事，皆未愁也。明日請相見也。叟駢曰：使者目動而言肆，懼我也。將遁矣。薄諸河，必敗之。趙穿沮之而止。秦師夜遁，晉人患秦之用士會也。趙宣子曰：隨會在秦，賈季在狄，難日至矣。中行桓子請復賈季，卻成子請復隨會，乃使魏壽餘偽以魏叛者以誘士會。及秦，履士會之足于朝，壽餘請東人之能與二三有司言者。吾與之先使士會。士會辭曰：晉人虎狼也，若背其言，臣死。妻子為戮。秦伯曰：若背其言，所不歸爾帑者，有如河。乃行。繞朝贈之以策曰：子無謂秦無人，吾謀適不用。

臣有冷眼人

也既濟魏人謀而還秦人歸其帑

○丁未五年夏五月陳共公卒在位十八年子平國嗣是為靈公

○邾文公卒子纘音夔嗣是為定公○編初邾文公卜遷于繹今鄒縣地

史曰利于民而不利于君邾子曰苟利于民孤之利也天生民而樹之君以利之也民既利矣孤必與焉左右曰命可長也君何弗為邾子曰命在養民死之短長時也苟利矣遷也吉莫如之遂遷于繹五月邾子卒君子曰知命

○冬楚商臣死子旅嗣是為莊王

○戊申六年春王崩子班立○夏五月齊昭公卒在位二十年子舍

嗣是為殤公○秋七月有星孛入北斗○編叔服曰不出七年晉

齊宋君皆將死亂

邾文公可稱
民之母得
君道矣

○九月齊公子商人弒其君舍而自立是為懿公殤公即位四月遇弒○冬

魯使單伯如齊齊人執單伯遂執其君舍之母魯子叔姬○

編子叔姬妃齊昭公生舍叔姬無寵舍無威公子商人驟施

于國而多聚士舍即位商人弒之魯襄仲使告于王請以王

寵求昭姬即叔姬于齊曰殺其子焉用其母請受而罪之冬單

伯如齊請子叔姬齊人執之又執子叔姬公穀二氏曰單伯周大夫子叔姬魯

女單伯淫于子叔姬故齊人執之

匡王名班頃王之子在位六年

○己酉元年春魯季孫行父如晉○編季文子如晉為單伯與

子叔姬故也

○夏六月單伯自齊反于魯十有二月齊亦歸子叔姬于魯

○冬十一月齊侵魯西部遂伐曹人其郛○編季文子曰齊侯其不免乎已則無禮而討于有禮者曰汝何故行禮禮以順天天之道也已則反天而又以討人難以免矣

○蔡莊侯卒在位三十四年子申嗣是為文公

○庚二年夏五月魯侯四不視朔

○六月楚人秦人巴人今巴縣地滅庸今竹山與安之境○編楚大饑戎

伐其西南又伐其東南庸人帥羣蠻以叛楚麋音君人率百濮

夷聚于選楚地將伐楚楚人謀徙于阪高地楚地為賈曰不可不如

伐庸夫麋與百濮謂我饑不能師故伐我也若我出師必懼

而歸百濮離居將各走其邑誰暇謀人乃出師旬有五日百

濮乃罷庸人不設備楚子乘驛會師以伐庸遂滅之

○冬十一月宋人弑其君杵臼昭公在位九年遇弑而立其弟鮑是為文公

○編宋公子鮑禮于國人宋饑竭其粟而貸之國之材人無

不事也親自桓以下無不恤也襄夫人助之施昭公無道將

田孟諸澤名夫人王姬使帥甸攻而殺之

○壬四年春魯文公卒在位十八年子赤嗣○秦康公卒在位十二年

子稻嗣是為共公○夏五月齊人弑其君商人懿公在位四年遇弑而立其

兄元是為惠公○編懿公之為公子也與邴歆之父爭田弗勝及

即位乃掘而刑之而使歆僕納閭職之妻而使職驟乘夏公

遊于申池二人浴于池歆以扑扶職職怒歆曰人奪女妻而

不怒一扶女庸何傷職曰與刑其父而弗能病者何如乃謀

弑懿公納諸竹中歸舍爵而行齊人立公子元

○秋魯公子遂弑其君之子赤及公子視立公子倭是為宣公○

編文公夫人姜氏生赤二妃敬嬴生倭敬嬴嬖而私事襄仲

即公子遂倭長屬諸襄仲襄仲欲立之叔仲不可襄仲見于齊侯

而請之齊侯新立而欲親魯許之十月襄仲殺赤及視赤母弟

而立宣公以君命召叔仲其宰公冉務人止之弗聽乃入殺

而埋之馬矢之中夫人姜氏歸于齊將行哭而過市曰天乎

仲為不道殺嫡立庶市人皆哭魯人謂之哀姜

○莒太子僕弑其君庶其○編莒紀公生太子僕又生季佗

愛季佗而黜僕且多行無禮于國僕因國人以弑紀公以其

寶玉來奔納諸公公命與之邑曰今日必授季文子使司寇

出諸境曰今日必達公問其故文子對曰先大夫教行父事

父子殊短

君之禮行父奉以周旋弗敢失墜見有禮于其君者事之如
孝子之養父母也見無禮于其君者誅之如鷹鷂之逐鳥雀
也今莒僕弑君父而竊寶玉則為凶德是以去之

○癸丑五年夏齊侯魯侯會于平州在今新泰縣齊人取魯濟西田

○編公子遂如齊逆女遂以婦姜至季文子如齊納賂以請

會會于平州以定公位遂復如齊拜成齊人取濟西之田為

立公故以賂齊也

○甲寅六年春宋華元帥師及鄭公子歸生戰于大棘宋師敗

績獲宋華元○編鄭公子歸生受命于楚伐宋宋華元樂呂

禦之戰于大棘今寧陵縣地宋師敗績囚華元獲樂呂及甲車四

百六十乘俘二百五十人馘百人將戰華元殺羊食士其御

羊斟小人債
國事之罪宜
矣華為國
物之失也生
矣

羊斟不與及戰日疇昔之羊子為政今日之事我為政與人
鄭師故敗宋人以兵車百乘文馬百駟贖華元于鄭半入華
元逃歸立于門外告而入見叔牂即羊斟曰子之馬然也對曰
非馬也其人也既合答也而奔魯

○秋九月晉趙盾弑其君夷臯在位十四年遇弑迎襄公弟黑臀于

周立之是為成公○編靈公不君厚斂以彫牆從臺上彈人而觀

其避尤也宰夫肺熊蹯不熟殺之寘諸畚使婦人載以過朝

盾驟諫公患之使鉏麇賊之晨往寢門闢矣盛服將朝尚早

坐而假寐麇退歎而言曰不忘恭敬民之主也賊民之主不

忠棄君之命不信有一于此不如死也觸槐而死九月晉侯

飲趙盾酒伏甲將攻之其右提彌明知之趨登曰臣侍君宴

千古義士

辭以義正古
史官之權重也
此

過三爵非禮也遂扶以下公噉夫葵焉明搏而殺之闔且出

明死之靈轍與為公介倒戟以禦公徒而免之趙穿攻靈公

于桃園宣子未出山而復太史董狐書曰趙盾弑其君以示于

朝宣子曰不然對曰子為正卿亡不越境反不討賊非子而

誰宣子曰嗚呼我之懷矣自貽伊慙其我之謂矣宣子使趙

穿逆公子黑臀于周立之

○冬十月王崩弟瑜立

定王名瑜匡王之弟在位二十一年

○乙卯元年春正月楚子伐陸渾之戎王使王孫滿勞楚子○

編楚子伐陸渾之戎遂至于雒觀兵于周郊王使王孫滿勞

之楚子問鼎之大小輕重焉滿對曰在德不在鼎昔夏之方

尚如佛手

有德也。鑄鼎象物，用能協于上下，以承天休。桀有昏德，鼎遷于商。商紂暴虐，鼎遷于周。德之休明，雖小重也。其姦回昏亂，雖大輕也。天祚明德，有所底止。成王定鼎于郊，鄴卜世三十，卜年八百。天所命也。周德雖衰，天命未改。鼎之輕重，未可問也。楚子慚而退。

○冬十月，鄭穆公卒。

在位二十二年子夷嗣。是為靈公

○**編**初，鄭文公有

賤妾曰燕姑。

南燕國姓

夢天使與已，蘭曰：余為伯儵。音由余而祖也。

南燕之祖

以是為而子。以蘭有國，香人服媚之。如是，既而文公見

之，與之蘭而御之。辭曰：妾不才，幸而有子，將不信，敢徵蘭乎。

公曰：諾。生穆公，名之曰蘭。及穆公有疾，曰：蘭死，吾其死乎？吾

所以生也。刈蘭而卒。

○**丙**二年春，秦共公卒。

在位四年子榮嗣。是為桓公

○夏六月，鄭公子歸生弒其君夷。

靈公在位一年遇弒

弟堅立。

是為襄公

編楚人獻鼃于靈公。公子宋與子家將見子公之食指

動，以示子家曰：他日我如此，必嘗異味。及入宰夫將解鼃，相

視而笑。公問之。子家以告。及食，大夫鼃召子公而弗與也。子

公怒，染指于鼎，嘗之而出。公怒，欲殺子公子。公與子家謀先

夏弒公而謚之曰幽。襄公立八年，子家卒。鄭人討幽公之亂，

斷子家之棺，而逐其族，改葬幽公。謚之曰靈。

○楚殺越椒。○**編**初，楚司馬子良子文之弟生子越椒。子文曰：必

殺之，是子熊虎之狀，而豺狼之聲，弗殺，必滅若敖氏矣。子良

不可。子文以為大憾，將死，聚其族曰：椒也，知政，乃速行矣。毋

羊斟以不及羊
而臨其子公
其君為上固夫
往而為下三悼
遂之去其時
而相矣

及于難且泣曰鬼猶求食若敖之鬼不其餒而而助及子文

卒鬪般為令尹般子椒為司馬為賈為工正椒譖般而殺之

己為令尹又殺為賈將攻王王與戰于臯泝楚地椒敗遂滅若

敖氏鬪般之子箴尹克黃使于齊及宋聞亂人止之不可遂

復命而自拘于司敗刑官王思子文之治楚也日子文無後何

以勸善使復其所改命曰生

○紀五年秋河徙矜礫音零歷地名自禹導河至是年已歷十七甲子以後漸失禹之故跡矣

○冬燕桓公卒在位十年宣公立

○庚申六年夏楚人滅舒蓼○編楚為眾舒叛故伐舒蓼舊注舒蓼

二國名但襄王三十年楚已滅之楚子疆及滑汭今光州境盟吳越而還

○冬十月王使單子聘于宋遂自陳聘于楚○編單子歸告

王曰陳侯不有大咎國必亡王曰何故對曰夫辰角星名見寒露

節而雨畢天根氏亢之間見亦見于寒露而水涸木氏星見而草木節解

駟房星見而隕霜火星名見而清風戒寒故先王之教曰雨畢而

除道水涸而成梁草木節解而備藏隕霜而冬裘具清風至而

修城郭宮室故夏令曰九月除道十月成梁其時儆曰收而

場功侍同序而畚音本土梲昇土之器也營室星名小之中土功其

始火之初見期于司里期會也致其築作之具會于司里之官此先王之所以

不用財賄而廣施德于天下者也今陳火朝覲矣而道路若塞

野場若棄澤不陂障川無舟梁是廢先王之教也其能久乎

○辛酉七年秋八月滕宣公卒文公嗣○九月晉成公卒在位七年

子孺嗣。是為景公 ○冬十月，衛成公卒。在位十五年 子遯嗣。是為穆公

○陳殺其大夫洩冶。○**編**夏姬，鄭穆公女也，嫁于陳大夫夏

御叔。靈公與其大夫孔寧儀行父通焉，皆衷其相音日小衣服以

戲于朝。洩冶諫曰：「公卿宣淫，民無效焉。」公曰：「吾能改矣。」公告

二子，二子請殺之。公弗禁，遂殺洩冶。

○**王**八年夏四月，齊惠公卒。在位十年 子無野嗣。是為頃公

○陳夏徵舒弑其君平國。靈公在位十五年遇弑 子午嗣。是為成公 ○**編**靈

公與孔寧儀行父飲于夏氏，公謂行父曰：「徵舒似汝。」對曰：「亦

似君。」徵舒病之，公出自其廐射而殺之。二子奔楚。

○秋，王使王季子聘于魯。○**編**發幣于大夫季文子、孟獻子

皆儉。叔孫宣子、東門子家皆侈。季子歸，王問魯大夫孰賢，對

竹行醜至此

曰：「季孟其長處魯乎？」叔孫東門其亡乎？若家不亡，身必不免。王曰：「何故？」對曰：「季孟二子儉，儉則能足用矣。用足則族可以庇。叔孫東門二子侈，侈則不恤。匱匱而不恤，憂必及之。亡之道也。」後如其言。十六年東門子家奔齊，簡王十一年叔孫宣伯亦奔齊。

○**癸亥**九年冬十月，楚子入陳。○**編**楚子以陳夏氏之亂，遂伐

陳，殺夏徵舒。因縣陳，陳侯在晉。楚申叔時自齊還，人不賀。楚

子讓之曰：「徵舒為不道，寡人討而戮之，諸侯縣公皆慶寡人。」

女獨不慶。寡人何故？」對曰：「徵舒弑君，其罪大矣。討而戮之，君

之義也。人有言曰：「牽牛以蹊人之田，而奪之牛。」牽牛以蹊者，

信有罪矣。而奪之牛，罰不重乎？」諸侯之從也。曰：「討有罪也，今

縣陳，貪其富也。以討召諸侯，而以貪歸之，毋乃不可乎？」楚子

周生

曰善乃復封陳納公孫寧儀行父于陳

○十年春楚子圍鄭甲子○編楚圍鄭旬有七日國人大臨楚

子退師鄭人修城楚復圍之三月克之入自皇門至于達路

鄭伯肉袒牽羊以逆曰孤不天不能事君使君懷怒以及敝

邑孤之罪也敢不惟命是聽若惠顧前好邀福于厲宣桓武

不民其社稷使改事君夷于九縣時楚滅九國以為縣夷同

江六蓼庸也君之惠也孤之願也非所敢望也左右曰不可許也

得國無赦楚子曰其君能下人必能信用其民矣庸可幾乎

退三十里而許之平潘旭入盟子良出質

○夏六月晉荀林父帥師及楚子戰于邲鄭地晉師敗績○編

晉師救鄭荀林父將中軍先穀佐之及河聞鄭及楚平欲還

先穀不可遂濟師及敗林父請死晉侯欲許之士會諫曰林
父之事君也進思盡忠退思補過社稷之衛也夫其敗也如
日月之食何損于明晉侯使復其位

○晉屠岸賈音古殺趙朔于下宮滅其家○編初趙夙事晉夙

生成子衰衰生宣子盾人曰趙衰冬日之日也趙盾夏日之

日也冬日可愛夏日可畏盾生朔朔娶晉成公姊莊姬賈始

有寵于靈公至景公三年為司寇乃治靈公之賊徧告諸將

曰盾雖不知猶為賊首以臣弑君子孫在朝何以懲罪請誅
之韓厥曰靈公遇賊趙盾在外先君以為無罪故不誅今誅
其後非先君之意妄誅謂之亂臣有大事而君不聞是無君
也賈不聽韓厥告趙朔趣亡朔不肯曰子必不絕趙氏朔死

事有不可見法
書而不見法
事者如趙盾
書其罪也
直以趙盾之
刑之不也
實滅趙宗
畢竟用董
狐一語為口
實可不惟打

無恨厥許諾賈擅與諸將攻趙氏于下宮殺趙朔朔妻有遺腹走公宮匿既免身生男屠岸賈聞之索于宮中夫人置兒袴中祝曰趙宗滅乎若號即不滅若無聲及索兒無聲已脫朔客程嬰公孫杵臼相與謀曰立孤與死孰難嬰曰死易立孤難耳杵臼曰子彊為其難者吾為其易者乃取他兒匿山中嬰出謬曰與我千金吾告趙氏孤處賈喜乃使人隨嬰殺杵臼及兒趙氏真孤乃反在嬰卒與俱匿山中名曰武按左氏魯成四年趙嬰通于趙莊姬五年春趙嬰出亡于齊同括逐之也七年晉殺趙同趙括滅其族魯成之七年則晉景之十七年而周簡王之三年也史記載屠岸賈滅趙氏乃在晉景之三年則周定王之十年也相去殆十五年而左氏亦不載屠岸賈事每言同括之滅由于趙姬之讒今南氏前編依史記以類次但左氏之年月亦必有所本附誌之以俟博辨者

○冬十二月楚子滅蕭今徐州蕭縣地○編楚圍蕭蕭潰申公巫臣

曰師人多寒王巡三軍拊而勉之三軍之士皆如挾纊遂克蕭滅之

○丙寅十有二年夏曹文公卒在位三十三年子廬嗣是為宣公

○秋九月楚子圍宋○編楚子使申舟即無畏聘于齊曰無假道于宋申舟以孟諸之役惡宋曰我則必死言宋必殺我楚子曰殺汝我伐之見犀無畏之子而行以子託王示必死也及宋宋人止之怒其不假道而執之華元曰過我而不假道鄙我也鄙我亡也殺其使者必伐我伐我亦亡也亡一也乃殺之楚子聞之投袂而起屢及于室皇寢門之闕劍及于寢門之外車及于蒲胥楚市名之市皆言其速也秋圍宋

○丁卯十有三年夏五月宋人及楚人平○編宋使樂嬰齊告

急于晉。晉侯欲救之。伯宗曰：「雖鞭之長，不及馬腹。天方授楚，未可與爭。雖晉之強，能違天乎？君其待之。」乃止。使解揚如宋，使無降楚。曰：「晉師悉起，將至矣。過鄭，鄭人囚而獻諸楚。楚子賂之，使反其言，不許。三而許之，登諸樓車，使呼宋人而告之。遂致其君命。楚子將殺之，對曰：「君能制命為義，臣能承命為信。義無二信，信無二命。君之賂臣，不知命也。受命以出，有死無賈。」廢又可賂乎？死而成命，臣之祿也。死又何求？楚子舍之。以歸。五月，楚師將去宋，申犀稽首于馬前曰：「無畏。」申犀之父知死而不敢廢王命。王棄言焉。王不能答。申叔時僕也。僕御曰：「築室反耕者，宋必聽命。從之。宋人懼，使華元夜入楚師，登子反之牀，起之曰：「寡君使元以病告曰：「敝邑易子而食，析骸以爨，雖

然城下之盟，有以國斃，不能從也。去我三十里，惟命是聽。子反懼，與之盟而告王。退三十里。宋及楚平。華元為質。盟曰：「我無爾詐，爾無我虞。」

○六月，晉滅赤狄潞氏。潞，今山西潞城縣。以潞子嬰兒歸。

○秦人伐晉。○編晉魏顆敗秦師于輔氏。晉地。獲杜回。秦之力

人也。初，魏武子有嬖妾無子。武子疾，命顆曰：「必嫁。是疾病，則曰：「必以為殉。」及卒，顆嫁之。曰：「疾病，則亂。吾從其治也。」及輔氏之役，顆見老人結草以抗杜回，回躓而顛，故獲之。夜夢之曰：「余而所嫁婦人之父也。爾用先人之治命，余是以報。」

○王札子殺召伯毛伯。○編王孫蘇王札子與召伯毛伯爭政。

使王子捷殺戴公及毛伯。衛卒立召襄。戴公之子。

○秋魯初稅畝此公田什而取二之始也

○戊辰十有四年夏成周宣榭火宣王之廟也廟制有堂無室日榭人火日火天火日災

○巳巳十有五年春正月許召公卒在位三年靈公嗣○蔡文侯

卒在位三年子固嗣是為景侯

○夏六月晉侯會魯侯衛侯曹伯邾子同盟于斷道晉地○編

晉侯使卻克徵會于齊齊頃公惟婦人齊侯母蕭同叔子也使觀之卻

子登卻子跛齊人使跛者逐之按穀梁成公元年冬十月傳云季孫行父禿晉卻克眇衛孫良夫跛曹公子首僂同

時聘于齊齊使禿者御禿者眇者御眇者跛者御跛者僂者御僂者蕭同叔子處臺上而笑之則跛者乃孫良夫非卻克也

婦人笑于房獻子克謚怒出而誓曰所不此報無能涉河獻

子歸請伐齊弗許齊侯使高固晏弱蔡朝南郭偃會晉人執

之苗賁皇使見晏桓子歸言于晉侯乃緩之逸范武子老卻

獻子為政

○庚午十有六年秋七月楚子旅卒在位二年子審嗣是為共王○冬

十月魯宣公卒在位八年子黑肱嗣是為成公

○魯公孫歸父奔齊○編公孫歸父以襄仲之立宣公也有

寵欲去三桓以張公室謀而聘于晉欲以晉人去之公薨季

文子逐東門氏襄仲居東門故曰東門氏子家歸父字還及笙地名未詳壇帷復

命于介袒括髮即位以公薨故行喪禮乃去哭踊遂奔齊

○辛未十有七年春三月魯作丘甲○編十六井為丘犬司馬

之制必四丘之甸而後備一卒出長轂一乘則從征少而休

多作丘甲是丘賦一乘也休少而從征多矣

○壬申十有八年夏四月衛孫良夫帥師及齊戰于新築衛地敗

績○編新築人仲叔于奚救之良夫是以免衛賞之邑辭請

曲縣音繁纓以朝許之孔子曰惜也不如多與之邑惟器

與名不可假人若以假人與人政也政亡則國家從之曲縣謂懸

鐘磬也王宮縣四面懸如宮牆諸侯軒縣缺其南面繁纓馬飾也

○六月魯季孫行父臧孫許叔孫僑如公孫嬰齊帥師會晉

卻克衛孫良夫曹公子首及齊戰于鞏齊地齊師敗績秋七月

齊侯使國佐如師晉師及國佐盟于袁婁齊地○編孫桓子良夫

謚還于新築不入遂如晉乞師臧宣叔許謚亦如晉乞師皆主

卻獻子晉侯許之卻克及士燮范文子欒書韓厥將以救魯衛

臧宣叔逆晉師且道之季文子帥師會之師戰于鞏齊師敗

績齊侯使賓媚人即國佐賂以紀甗音憲○甗甗之無底者紀國之古器也玉磬

與地晉人不可曰必以蕭同叔子為質而使齊之封內盡東

其畝國佐對曰蕭同叔子非他寡君之母也若以匹敵則亦

晉君之母也今吾子布大命于諸侯而必質其母以為信是

以不孝令也先王疆理天下物土之宜而布其利故詩曰我

疆我理南東其畝今吾子疆理諸侯而欲盡東其畝唯吾子

戎車是利無顧土宜是反先王也反先王則不義何以為盟

主今吾子惠徼齊國之福不泯其社稷使繼舊好唯是先君

之敝器土地不敢愛子又不許請收合餘燼背城借一敝邑

之幸亦云從也如其不幸敢不唯命是聽魯衛諫曰齊疾我

矣子若不許讐我必甚齊晉亦唯天所授豈必晉晉人許之

使齊人歸魯汶陽之田乃還

○八月宋文公卒。在位十二年子固嗣。是為共公○衛穆公卒。在位十一年

子臧嗣。是為定公

○二十年春三月鄭襄公卒。在位八年子費嗣。是為悼公○冬燕

宣公卒。在位五年昭公立。

○二十有一年夏梁山崩壅河三日。梁山在今韓城縣北古韓國之地

○冬十一月王崩子夷立。

○吳子去齊卒子乘嗣。是為壽夢自泰伯傳弟仲雍至壽夢凡十九世吳始強大

簡王。名夷定王之子在位十四年

○元年夏四月晉遷于新田。故地在今曲沃縣西南一云即今絳縣○編晉

人謀去故絳。即士蔿所營之都諸大夫皆欲居郇瑕。今猗氏縣地氏之地。

韓獻子曰不如新田土厚水澆居之不疾有汾澮以流其惡。

且民從教十世之利也公說遷都新田謂之絳以絳為故絳。

○六月鄭悼公卒。在位二年弟踰立。是為成公

○冬吳壽夢來朝。○編壽夢朝周適楚觀諸侯禮樂魯成公

會于鍾離。古國名今臨淮縣問周公禮樂成公悉為陳前王之禮樂

因為咏歌三代之風壽夢曰孤在蠻夷徒以椎髻為事豈有

斯之服哉因歎而去。

○二年春吳伐郟。國名今海州地○秋楚公子嬰齊帥師伐鄭晉

帥諸侯之師救鄭八月同盟于馬陵。衛地○編楚子重嬰齊伐鄭

師于汜諸侯救鄭鄭共仲侯羽軍楚師。二人皆鄭大夫囚鄭公鍾儀

獻諸晉同盟于馬陵晉人以鍾儀歸囚諸軍府。

○吳入州來。楚屬國今壽州地○編楚之討陳夏氏也楚莊欲納夏

吳始見于春秋

吳世世方
仇世此其
端也

姬申公巫臣曰不可君召諸侯以討罪也今納夏姬貪其色也貪色為淫淫為大罰乃止子反公子欲取之巫臣曰是不祥人也是天子蠻夏姬殺御叔夏姬弑靈侯戮夏南徵舒出孔儀孔寧儀喪陳國何不祥如是子反乃止王以子連尹襄老行父襄老死于邲不獲其尸其子黑要烝焉巫臣使道焉曰歸吾聘汝王遣夏姬歸鄭巫臣聘諸鄭鄭伯許之及楚共王即位使巫臣聘于齊巫臣盡室以行申叔跪申叔從其父將適郢遇之曰異哉夫子有三軍之懼而又有桑中之喜宜將竊妻以逃者也及鄭使介介副反幣而以夏姬行遂奔晉因卻至以臣于晉子反請以重幣錮之楚子曰止其自為謀也則過矣其為吾先君謀也則忠初圍宋之役子重楚令尹請取于申

呂以為賞田巫臣不可子重是以怨巫臣于是子重子反殺巫臣之族而分其室巫臣自晉遺二子書曰爾以讒慝貪怵事君而多殺不辜余必使爾罷于奔命以死巫臣請使于吳晉侯許之吳子壽夢說之乃通吳于晉教吳車戰使之伐楚馬陵之會遂入州來子重子反一歲七奔命蠻夷屬于楚者吳盡取之是以始大通于上國

○戊寅三年秋七月王使召伯錫魯侯命

胡安國曰諸侯嗣立而入見則有賜已修聘禮而來朝則有賜能敵王所愾而獻功則有賜成公即位服喪已畢而不入見又未嘗敵王所愾也何為賜命乎春秋罪邦君之不王譏天子之僭賞也

○己卯四年晉侯及齊宋魯衛鄭曹莒杞同盟于蒲衛地今長垣縣有蒲

城○編初晉侯使韓穿于魯言汶陽之田歸于齊季文子餞

之曰大國謂汶陽之田。敝邑之舊也。而用師于齊。歸諸敝邑。今命復歸於齊。七年之中。一予一奪。霸王將德是用。而以二三之行。父懼晉之失諸侯也。諸侯果貳于晉。晉人懼。故有是會。是行也。將始會吳。吳人不至。

○秋齊頃公卒。在位十七年子環嗣。是為靈公

○晉侯歸鍾儀于楚。楚子使公子辰如晉。○編晉侯觀于軍府。見鍾儀南冠而縶。召問其族。曰伶人也。問能樂。曰先君之職官也。與之琴。操南音。公問楚子曰。其為太子也。師保奉之以朝于嬰齊。子重名夕于側。子反名也。公語范文子。范文子曰。楚囚君子也。言稱先職。不肯本也。樂操土風。不忘舊也。稱太子無私也。名其二卿。嬰齊側乃二卿之名尊君也。君盍歸之。以合晉楚之成。

公乃重為之禮而歸之。楚子使公子辰如晉。報鍾儀之使。請修好結成。

○庚辰五年夏。晉侯會諸侯之師伐鄭。○編鄭公子班聞叔申

公子申之謀。立公子緇。夏。鄭人殺緇。立髡頑。班奔許。欒武子欒書

之謚曰鄭人立君。我執一人焉。何益。不如伐鄭而歸其君。以求

成焉。晉侯有疾。立子州蒲為君。而會諸侯以伐鄭。鄭子罕賂以襄鍾子然。盟于修澤。鄭地子駟為質。鄭伯歸。討立君者。殺叔

申叔禽。

○晉景公卒。在位十九年子州蒲嗣。是為厲公

○秋。晉程嬰攻屠岸賈。滅其族。復趙氏。○編晉景公疾。卜之。大業之後不遂者為祟。韓厥言于晉侯曰。成季趙衰之勳。宣孟

乃所謂難耳
考男子

趙盾之忠而無後為善者懼矣諸將入問疾景公因韓厥之眾以脅諸將而見趙武諸將皆曰昔下宮之難屠岸賈為之矯以君命微君之疾羣臣固且請立趙後于是趙武徧拜諸將遂與韓厥程嬰攻屠岸賈滅其族乃立武而反其田邑如故及趙武冠成人程嬰乃辭諸大夫謂武曰昔下宮之難我非不能死思立趙氏之後今武既立我將下報宣孟與公孫杵臼遂自殺武服齊衰三年為之祭邑春秋祀之世世勿絕

○壬午七年夏晉侯魯侯衛侯會于瑣澤地名未詳宋華元合晉楚

之成○編華元善于令尹子重又善于欒武子如楚遂如晉

合晉楚之成夏晉士燮會楚公子罷許偃盟于宋西門之外

○未八年春二月魯侯及諸侯來朝夏五月魯侯自京師遂

會晉齊宋衛鄭曹邾滕之師伐秦曹宣公卒于師在位十七年公

子負芻殺世子而自立是為成公秋七月成肅公卒于瑕○編往

年秦晉為成將會于令狐今猗氏縣地晉侯先至秦伯不肯涉河

使史頽盟晉侯于河東晉卻犇盟秦伯于河西秦伯歸而背

晉成是年晉侯使卻錡克子如魯乞師三月公如京師及諸侯

朝王遂從劉康公成肅公會諸侯伐秦成子受賑于社不敬

劉子曰民受天地之中以生所謂命也是以有動作禮義威

儀之則以定命也能者養之以福不能者敗以取禍國之大

事在祀與戎祀有執燔戎有受賑神之節也今成子惰棄

其命矣其不反乎夏晉侯使呂相魏錡子絕秦語詳左傳初秦桓公

既與晉厲公為令狐之盟而又召狄與楚欲道以伐晉諸侯

是以睦于晉五月晉師以諸侯之師及秦師戰于麻隧秦師敗績曹宣公卒于師師遂濟涇及侯麗而還迓晉侯于新楚成肅公卒于瑕麻隧侯麗新楚秦地瑕晉邑

○甲九年冬十月衛定公卒在位十一年子衎嗣是為獻公○秦桓公

卒在位二十八年子嗣是為景公

○乙十年春三月晉侯及宋魯衛齊鄭曹邾盟于戚晉侯執

曹伯歸于京師○編初晉合諸侯伐秦曹宣公卒于師曹人

使公子負芻守使公子欣時逆曹伯之喪負芻殺其太子而

自立諸侯請討之晉侯以其役之勞請侯他年至是晉侯執

之歸于京師使即天刑○諸侯立曹公子臧辭不受奔宋○編曹成公既執諸侯將

見子臧于王而立之子臧辭曰聖達節次守節下失節為君非吾節也雖不能聖敢失守乎遂逃奔宋○夏六月宋共公卒在位十三年子成嗣是為平公○秋宋華元出奔晉復自晉歸于宋宋殺其大夫山宋魚石出奔楚○編宋六卿魚氏蕩氏向氏鱗氏皆桓族也華氏戴族也蕩氏汰而驕共公卒蕩澤弱公室殺公子肥華元曰我

司君臣之訓而不能正罪大矣不能治官敢賴寵乎乃出奔晉魚石將止之魚府曰元反必討是無桓氏也石曰彼多大勲國人所與不反懼桓氏之無祀于宋也遂自止元于河上元歸使國人攻桓氏殺蕩山出魚石國然後定

○丙十有一年夏四月滕文公卒子原嗣是為成公

東坡云文子不欲戰若懦而無謀矣終不及

一年三御 殊厲公 有童死 稟書中行 假裝不免 禍晉大死 郭陸之功 定使之功 也

○六月晉侯及楚子鄭伯戰于鄢陵楚師鄭師敗績楚殺其大夫公子側○編楚子以汝陰之田求成于鄭鄭叛晉子駟從楚子盟于武城地名未詳晉侯將伐鄭范文子曰若逞我願諸侯皆叛晉可以逞若惟鄭叛晉國之憂可立侯也欒武子曰不可以當吾世而失諸侯必伐鄭乃興師鄭人聞有晉師使告于楚楚子救鄭五月晉師濟河聞楚師將至范文子欲反曰我偽逃楚可以紓憂夫合諸侯非吾所能也以遺能者我若羣臣輯睦以事君多矣武子指不和不可六月晉楚遇于鄢陵范文子不欲戰卻至曰韓之戰惠公不振旅敗于秦也箕之役先軫不反命死于狄也邲之師荀伯不復從荀林父為主將亦大敗也皆晉之恥也子亦見先君之事矣今我避楚又益恥也文子曰我先君之

亟戰也有故秦狄齊楚皆強不盡力子孫將弱今三強服矣敵楚而已惟聖人能內外無患自非聖人外寧必有內憂盍釋楚以為外懼乎欒書曰楚師輕窳固壘待之三日必退退而擊之必獲勝焉卻至曰楚有六間其二卿相惡王卒以舊鄭陳而不整我必克之苗賁皇言于晉侯曰楚之良在其中軍而已請分良以擊其左右而三軍萃于王卒必大敗之及戰呂錡射楚子中目囚楚公子蔑子反命軍吏察夷傷補卒乘繕甲兵展車馬雞鳴而食惟命是聽晉人患之苗賁皇徇曰蒐乘補卒秣馬利兵修陳固列蓐食申禱明日復戰乃逸楚囚楚子聞之召子反謀子反醉不能見楚子曰天敗楚也夫余不可以待乃宵遁晉入楚軍三日穀范文子立于戎馬

之前曰君幼諸臣不佞何以及此君其戒之楚師還及瑕楚子使謂子反曰先大夫子之覆師徒者君不在子無以為過不穀之罪也子重使謂子反曰初隕師徒者子成王賜死而亦聞之矣蓋圖之楚子使止之弗及而卒

○秋晉侯及齊魯宋邾諸侯會于沙隨今寧陵縣伐鄭九月晉人

執魯季孫行父冬卻犇盟于扈鄭地而歸之○編初魯宣伯孫叔

僑通于穆姜成公母欲去季孟而取其室公將行穆姜送公而

使逐二子秋會于沙隨謀伐鄭也宣伯使告卻犇曰魯侯待

于壞墮以待勝者卻犇取貨于宣伯而訴公于晉侯晉侯不

見七月公會尹武公及諸侯伐鄭將行姜又命公如初諸侯

之師次于鄭西宣伯又使告卻犇曰魯之有季孟猶晉之有

欒范也政今于是乎成令其謀曰晉政多門不可從請止行

父而殺之我斃菴也而事晉菴有貳矣九月晉人執季文子

于茗丘晉地公還待于鄆魯地使子叔聲伯嬰齊請季孫于晉卻犇

曰苟去仲孫菴而止季孫行父吾與子國親于公室對曰僑

如之情子必聞之矣若去菴與行父是大棄魯國而罪寡君

也夫二人者魯國社稷之臣也若朝亡之魯必夕亡以魯之

密邇仇讐亡而為讐治之何及范文子謂欒武子曰季孫于

魯相二君矣妾不衣帛馬不食粟忠也信讒慝而棄忠良若

諸侯何嬰齊奉君命無私謀國家不貳圖其身不忘其君若

虛其請是棄善人也子其圖之乃許魯平赦季孫十月出叔

孫僑如而盟之僑如犇齊齊聲孟子齊靈公母宋女又通僑如使立

于高國之間。僑如曰：不可以再罪。犇衛，亦間于卿。

○晉侯使卻至來獻楚捷。○**編**卻至獻楚捷于周，與單襄公

語。驟稱其伐。單子語諸大夫曰：溫季即卻其亡乎？位于七人

之下，而求掩其上，怨之所聚，亂之本也。多怨階亂，何以在位？

○**丁**十有二年夏，尹子單子會晉齊魯宋衛曹邾諸侯伐鄭。

同盟于柯陵。○**編**柯陵之會，單襄公見晉厲公視遠步高，卻

錡見其語犯，卻犇見其語迂，卻至見其語伐，齊國佐見其語

盡，魯成公見單子言及晉難，及卻犇之譖。單子曰：君何患焉？

晉將有亂，其君與三卻當之乎？魯侯曰：寡人懼不免于晉。今

君曰將有亂，敢問天道乎？抑人故也？單子曰：吾非瞽史，焉知

天道？吾見晉君之容而聽三卻之語矣，殆必禍者也。雖齊國

子亦將不免。今偪于晉而鄰于齊，齊晉有禍，可以取伯。

○齊高無咎出奔莒。○**編**齊慶克通于聲孟子，與婦人蒙衣

乘輦而入于闕。巷門鮑牽見之，以告國武子。武子召慶克而謂

之：慶克久不出，而告夫人。聲孟子曰：國子謫我。言譴責也夫人怒，國

子相靈公以會。伐鄭之會高無咎鮑牽處守，及還，將至，閉門而索客。

蒐姦也孟子夫訴之曰：高鮑將不納君而立公子角。國子知之。

七月，別牽而逐無咎。無咎奔莒。高弱無咎子以盧叛。盧高氏邑十一

月，齊侯使崔杼慶克帥師圍盧，國佐歸如盧，師殺慶克，以穀

地名叛。齊侯與之盟而復之。十二月，盧降。

○冬十二月，邾定公卒，慆立。是為宣公

○晉殺其大夫卻錡，卻犇卻至。○**編**初，范文子反自鄆陵，使

綱鑑會編卷五

東周紀 簡王 三

其祝宗祈死曰君驕侈而克敵是天益其疾也難將作矣愛我者惟祝我使我速死無及于難范氏之福也六月士燮卒厲公侈多外嬖反自鄆陵欲盡去羣大夫而立其左右胥童克子以胥克之廢也怨卻氏而嬖于厲公卻錡奪夷羊五田卻克子與長魚矯爭田執而梏之五與矯皆嬖于厲公厲公將作難胥童曰必先三卻族大多怨去大族不偏敵多怨有庸公曰然卻氏聞之卻錡欲攻公卻至不可胥童夷羊五攻卻氏長魚矯以戈殺卻錡卻犇于其位殺卻至于其車皆尸諸朝胥童以甲劫欒書中行偃荀林之孫荀夷之子于朝長魚矯曰不殺二子憂必及君厲公曰一朝而尸三卿余不忍益也對曰人將忍君臣聞亂在外為姦在內為軌御姦以德御軌以刑德刑

外寧而內憂也
生厲公之謂也

不立姦軌並至臣請行遂出奔狄厲公使辭于二子乃皆歸公使胥童為卿公遊于匠麗氏欒書中行偃遂執公焉召士甸士甸辭召韓厥韓厥辭曰古人有言殺老牛莫之敢尸而況君乎二三子不能事君焉用厥也

○燕昭公卒在位十三年武公立○楚人滅舒庸東夷也道吳伐楚故楚人滅之

○戊子十有三年春正月晉殺其大夫胥童晉欒書中行偃弑其君州蒲厲公在位八年遇弑晉人迎公孫周于京師立之是為悼公○編

欒書中行偃殺胥童使程滑弑厲公葬之翼東門之外以車一乘使荀瑩士魴士會子逆周子晉襄公生桓叔捷捷生惠伯談談生周于京師

而立之生十四年矣大夫逆于清原周子曰孤始願不及此雖及此豈非天乎抑人之求君使出命也立而不從將安用

君二三子用我今日否亦今日共而從君神之所福也對曰羣臣之願也敢不惟命是聽盟而後入朝于武宮逐不臣者七人悼公即位命百官施舍已責逮鰥寡振廢滯匡困乏救災患禁淫慝薄賦斂宥罪戾節器用時用民使魏魴魏頡趙武為卿凡六官之長皆民譽也舉不失職官不易方爵不踰德旅不逼師民無謗言所以能復霸業

○齊殺其大夫國佐為專殺慶克以穀叛也○夏楚子鄭伯伐宋魚石

復入于彭城宋地○秋八月魯成公卒在位十年子午嗣是為襄公

○巳十有四年秋九月王崩太子泄心立

靈王名泄心簡王之子在位二十七年

○庚寅元年春正月葬簡王五月而葬速也

○夏六月鄭成公卒在位十四年子髡頑嗣是為僖公

○辛卯二年春楚公子嬰齊帥師伐吳○編楚子重伐吳吳人要擊敗之是役也所獲不如所亡楚人以其咎子重子重發疾卒

○壬辰三年春三月陳成公卒在位三十年子弱嗣是為哀公

○冬晉大夫魏絳盟諸戎○編無終山戎國名今順天府玉田縣子嘉父

使孟樂如晉因魏絳請納虎豹之皮以和戎晉侯曰戎狄無親而貪不如伐之魏絳曰諸侯新服陳鄭來和將觀于我我德則睦否則攜貳因陳和戎有五利戎狄游居貴貨易土可

賈音古焉一也邊鄙不聳民狎其野穡人成功二也戎狄事晉四鄰震動諸侯威懷三也以德綏戎師徒不勤甲兵不頓四

和我五利

唐公好獵叔曰聖后冊

也鑒于后羿而用德度遠至邇安五也晉侯悅使絳盟諸戎修民事田以時

○癸巳四年秋晉宋魯陳衛鄭曹莒邾滕薛鄆諸侯及齊世子光會吳于戚○編初吳子使壽越如晉請聽諸侯之好晉人

將為之合諸侯使魯衛先會吳且告會期故孟獻子孫文子林會吳于善道在今宿州西北九月盟于戚會吳且命戍陳也

○甲午五年春三月杞桓公卒在位十七年子句嗣是為孝公○夏莒人滅鄆時鄆女為莒夫人立所出為鄆後蓋以異姓篡嗣故春秋書滅○冬十二月齊人滅邾

夷國今黃縣地○乙未六年冬楚公子貞帥師圍陳晉宋魯陳衛曹莒邾諸侯會于鄆音燥○僖公在位五年遇弒立

會于鄆音危鄭伯髡頑如會未見諸侯卒于鄆音燥○僖公在位五年遇弒立

其于嘉是為簡公陳侯逃歸○編楚子囊圍陳諸侯會于鄆鄭地以救

之鄭伯將會諸侯其大夫諫曰中國不足歸也不若與楚鄭伯不可來會及鄆亦鄭地時子駟相行鄭伯不禮子駟子駟怨

鄭伯使賊夜弒公而以瘞疾赴于諸侯簡公生五年矣奉而立之明年春鄭羣公子以僖公之死也謀于駟子駟先之殺

子狐子熙子侯子丁陳人患楚楚圍陳故慶寅慶虎二慶陳謂楚執政也人曰吾使公子黃陳哀公弟往而執之楚人從之二慶使告陳侯

于會曰楚人執公子黃矣君若不來羣臣不忍社稷宗廟懼有二圖陳侯逃歸

○丙申七年夏鄭人侵蔡獲公子燮○編鄭人獲燮皆喜子產

子國子獨曰小國無文德而有武功禍莫大焉楚人來討能

勿從乎。從之。晉師必至。自今鄭弗得寧矣。冬，楚公子貞帥師伐鄭，討其侵蔡也。子駟子國子耳欲從楚，子孔子、子蟻子展欲待晉。子駟曰：周詩有云：侯河之清，人壽幾何？民急矣，姑從楚以紓吾民。晉師至，吾又從之。乃及楚平，使告于晉。知武子曰：君有楚命，亦不使一介行李告于寡君，而即安于楚君之所欲也。誰敢違君？寡君將帥諸侯以見于城下，惟君圖之。

○西八年冬，晉侯會諸侯之師伐鄭。十二月，同盟于戲。鄭地子伐鄭。○紀晉侯會諸侯伐鄭，鄭人恐，乃行成。晉許之，盟于戲。楚子伐鄭，又及楚平。晉侯歸謀，所以息民。魏絳請施舍，輸積聚以貸，自公以下，苟有積者，盡出之。國無滯積，亦無困人。公無禁利，亦無貪民，所以幣更實，以犧牲器用，不作車服，從

給行之期年。國乃有節。三駕而楚不能與爭。

○戊九年春，晉宋魯衛曹莒邾滕薛杞小邾齊世子光會吳

于相。楚地夏五月，遂滅偃陽。姁姓國○編會吳子壽夢也。晉荀

偃士句請伐偃陽而封宋。向戌荀瑩曰：城小而固，勝之不武。不勝為笑，固請圍之。弗克。偃陽人啓門，諸侯之士門焉。縣同

門發郚。魯邑人紇。郚邑大夫抉之以出門者。諸侯之師久于偃

陽。荀偃士句請班師。知伯荀瑩怒曰：女既勤君而興諸侯，牽帥老夫以至于此，而又欲易余罪，七日不克，必爾乎取之。偃句

攻偃陽滅之，以與向戌。向戌辭，乃予宋公。

○楚公子貞、鄭公孫輒。子良子帥師伐宋。○編楚子囊、鄭子耳伐宋，圍之。衛師救宋，又侵衛。秋，子囊子耳伐魯，西鄙還圍

霄此晉悼公三駕之三○編九月諸侯悉師以復伐鄭鄭人使良霄石

奐如楚告將服于晉楚人執之諸侯之師觀兵于鄭東門鄭人使王子伯駢行成晉趙武入盟鄭伯鄭子展出盟晉侯會于蕭魚赦鄭囚鄭人賂晉以歌鐘罍磬女樂悼公以其半賜魏絳曰子教寡人和諸戎狄以正諸華八年之中九合諸侯如樂之和無所不諧請與子樂之辭曰夫和戎狄國之福也九合諸侯諸侯無慝君之靈也二三子之勞也臣何力之有焉抑臣願君安其樂而思其終也夫樂以安德義以處之禮以行之信以成之仁以厲之而後可以毀邦國同福祿來遠人所謂樂也書曰居安思危思則有備有備無患敢以此規公曰子之教敢不承命夫賞國之典也子其受之絳于是始

有金石之樂

○庚子十有一年秋九月吳子乘即壽卒長子諸樊嗣○編壽

夢有四子長諸樊次餘祭次餘昧次季札壽夢見札賢欲立之札辭乃立諸樊復讓札謝曰曹人欲立子臧子臧去之以成曹君札雖不才願附于子臧之義諸樊卒餘祭立及餘昧欲傳以次必致國于季札卒不受曰有國非吾節也固立之棄其室而耕乃舍之封之延陵今常州府故號延陵季子

○辛丑十有二年夏晉作三軍○編使士匄將中軍辭曰伯游

荀偃長使韓起將上軍辭以趙武又使欒黶辭曰臣不如起起願上武君其聽之于是荀偃將中軍士匄佐之趙武將上軍韓起佐之欒黶將下軍魏絳佐之晉國之民是以大和諸侯

遂睦。

○秋九月，楚子審卒。在位三年子昭嗣。是為康王世子出奔吳。吳侵楚，敗績。

○王十有三年夏四月，晉荀偃帥諸侯之師伐秦。○編諸侯之大夫從晉侯伐秦，報櫟之役。十年冬秦敗晉師于櫟也。晉侯待于境，使六卿帥諸侯之師以進，及涇。秦人毒涇，上流師人多死。荀偃令曰：「鷄鳴而起，塞井夷竈，惟余馬首是瞻。」欒黶曰：「晉國之命，未有是也。余馬欲東，乃歸。」下軍從之。荀偃曰：「吾令實過，悔之何及！」乃命大還。晉人謂之遷延之役。欒鍼黶弟曰：「此報櫟之敗也。又無功，晉之恥也。」與士鞅偃子馳秦師死焉。士鞅反，欒黶謂荀偃曰：「余弟死而而汝子來，是而子殺余弟也。弗逐，余亦

將殺之。士鞅奔秦。秦伯問曰：「晉大夫其誰先亡？」對曰：「欒氏。秦伯曰：「以其汰乎？」對曰：「然。欒黶汰虐已甚，猶可以免。其在盈乎？」武子書之德在民，如周人之思召公，愛其苳棠，況其子乎？欒死，盈之善未能及人。武子所施設矣，而黶之怨實章。將于是乎在？」秦伯以為知言，為之請于晉而復之。

○衛侯出奔齊。衛人立公孫剽。○編衛獻公戒孫文子林、甯

惠子殖食戒食召之食也皆服而朝。日旰不召，而射鴻于囿。二子從

之不釋皮弁而與之言。二子怒。孫文子如戚，公使子嶠子伯

子皮與孫子盟。孫子皆殺之。子展奔齊。公如鄆。衛地今僕州使子

行于孫子。孫子又殺之。公出奔齊。子鮮鱒從公。公使祝宗告

亡，且告無罪。定姜曰：「無神何告？若有不可誣也，有罪若何告？」

無告亡而已無告無罪齊人以邾寄衛侯邾齊所滅之國使衛侯寄居其地

衛人立公孫剽孫林父甯殖相之以聽命于諸侯

○秋楚公子貞帥師伐吳敗績

○冬晉士句會諸侯之大夫于戚謀定衛也

○癸卯十有四年冬十一月晉侯周卒在位十五年子彪嗣是為平公

○邾人伐魯魯使告于晉晉將為會以討邾莒晉侯有疾乃止悼公卒遂不克會

○甲辰十有五年春三月晉侯會諸侯于湨古閭反梁湨水在今濟源縣

大夫盟晉人執莒子邾子以歸○編葬晉悼公平公即位改服修官烝于曲沃警守而下會于湨梁命歸侵田以魯故執邾宣公莒黎比公且曰通齊楚之使晉侯與諸侯宴于温使

諸大夫舞曰歌詩必類齊高厚之詩不類荀偃怒且曰諸侯

有異志矣使諸大夫盟高厚高厚逃歸于是魯叔孫豹晉荀偃宋向戌衛甯殖鄭公孫蠆小邾之大夫盟曰同討不庭

○乙巳十有六年春二月邾宣公卒華立是為悼公

○夏衛石買帥師伐曹○編衛孫蒯林父子田于曹隧飲馬于

重丘毀其瓶重丘人閉門而詢呼丘反之曰親逐而君而父

為厲是之不憂而何以田為夏衛石買孫蒯伐曹取重丘曹

人愬于晉

○丙午十有七年夏晉人執衛行人石買○編晉人執石買于

長子今為縣執孫蒯于純今屯留縣為曹故也

○秋齊師伐魯北鄙冬十月晉侯以諸侯之師伐齊○編晉

子重

子重

子重

子重

子重

侯伐齊將濟河中行獻子以朱絲繫玉二鼓禱于神沉玉而
 濟冬會于魯濟尋淇梁之言同伐齊齊侯禦諸平陰今為登縣
 巫山以望晉師晉人使司馬斥山澤之險雖所不至必旆而
 䟽陳之使乘車者左實右僞以旆先與曳柴而從之齊侯見
 之畏其衆也乃脫歸齊師夜遁師曠告晉侯曰烏烏之聲樂
 齊師其遁邢伯告荀偃曰有班馬之聲齊師其遁叔向羊舌赤子
 告晉侯曰城上有烏齊師其遁入平陰遂從齊師夙沙衛
 齊之連大車以塞隧而殿殖綽郭最二人齊勇士曰子殿國師齊
 之辱也子姑先乎乃代之殿衛殺馬于隘以塞道晉州綽及
 之射殖綽中肩兩矢夾脰其右具丙縛郭最皆衿甲面縛坐
 于中軍之鼓下荀偃士句以中軍克京茲魏絳欒盈以下軍

克郭趙武韓起以上軍圍盧京茲郭盧皆齊地俱在平陰附近齊侯駕將走
 郵棠齊邑太子抽劍斷鞅乃止東侵及濰南及沂

○曹成公卒于師在位二十三年子滕嗣是為武公

○楚公子午帥師伐鄭○編鄭子孔公子嘉欲去諸大夫將叛

晉而起楚師以去之使告子庚公子午弗許楚子使告子庚曰
 不穀卽位于今五年矣師徒不出人其以不穀為自逸而忘
 先君之業矣子庚乃帥師治兵于汾今襄城縣東北有汾丘于是子蟜

伯有子張從鄭伯伐齊子孔子展子西守二子知子孔之謀
 完守入保子孔不敢會楚師楚師伐鄭至于純門信于城下

而還涉于魚齒山名在汝州東南之間甚雨及之楚師多凍役徒幾
 盡晉人聞有楚師師曠曰不害吾驟歌北風又歌南風南風

不競多死聲楚必無功。

○燕武公卒。在位十九年文公立。

○丁未十有八年春正月。晉人執邾子。魯取邾田自澗水。○編

執邾悼公以其伐魯故。遂次于泗上。疆魯田。疆理魯之田也取邾田

自澗水歸之于魯。

○魯季孫宿如晉。○編季武子如晉拜師。晉侯享之。范宣子

為政賦黍苗。季武子再拜稽首曰。小國之仰大國也。如百穀

之仰膏雨焉。若常膏之。其天下輯睦。豈惟敝邑。賦六月。季武

子以所得于齊之兵作林鐘。而銘魯功焉。臧武仲曰。非禮也。

夫銘天子令德。諸侯言時計功。大夫稱伐。今稱伐則下等也。

計功則借人也。言時則妨民多矣。何以為銘。

○秋七月。齊靈公卒。在位二十八年子光嗣。是為莊公○編初靈公娶于

魯曰顏懿姬。無子。其姪釀聲姬。顏釀皆二生光。以為太子。諸

子仲子戎子。諸子諸妾也戎子嬖。仲子生牙。屬諸戎子。戎子

請以為太子。靈公遂徙太子于東。使高厚傅牙。以為太子。夙

沙衛為少傅。齊侯疾。崔杼微逆光而立之。光殺戎子。尸諸朝。

靈公卒。光即位。執公子牙。夙沙衛奔高唐。齊邑以叛。八月。崔杼

殺高厚而弗其室。冬。莊公圍高唐。獲夙沙衛而醢之。

○八月。鄭殺其大夫公子嘉。即子孔以公孫僑。子產為大夫。○編

鄭子孔之為政也。專。國人惡之。子展子西帥國人殺之。而分

其室。鄭人使子展當國。子西聽政。立子產為卿。

○己酉二十年秋。晉欒盈出奔楚。○編初欒桓子。厲娶于范宣

子生懷子。盈范鞅以其亡也怨欒氏桓子卒欒祁桓子妻盈之母也范

姓祁與其老家宰州賓通懷子患之祁懼其討也愬諸宣子曰

盈將為亂范鞅為之徵懷子好施士多歸之宣子畏其多士

也信之使城著著晉邑而遂逐之欒盈奔楚宣子殺盈之黨羊

舌虎等十大夫囚伯華叔向籍偃樂王鮒見叔向曰吾為子

請叔向不應出不拜人皆咎叔向叔向曰必祁大夫奚矣樂

王鮒從君者也何能行祁大夫外舉不棄讐內舉不失親其

獨遺我乎于是祁奚老矣聞之乘驛而見宣子曰謀而鮮過

惠訓不倦叔向有焉社稷之固也猶將十世宥之以勸能者

今壹不免其身以棄社稷不亦惑乎宣子悅與之乘以言諸

公而免之不見叔向而歸叔向亦不告免焉而朝初叔向之

母妬叔虎之母美而不使不使見叔向父其子皆諫之母曰深山大

澤實生龍蛇彼美余懼其生龍蛇以禍汝余何愛焉使往視

寢生叔虎美而有勇力變盈嬖之故羊舌氏之族及于難

○九月朔日有食之○冬十月朔日有食之

○晉侯及齊宋魯衛鄭曹莒諸侯會于商任地名未詳○編鋼欒

氏也禁諸國不得受之也齊侯衛侯不敬叔向曰二君者必不免會朝

禮之經也禮政之興也政身之守也怠禮失政失政不立是

以亂也後齊衛二君俱被殺

○辛亥二十有二年春三月杞孝公卒在位十七年弟姑容立是為文公

○冬晉侯齊侯宋公魯侯衛侯鄭伯曹伯莒子邾子薛伯杞

伯小邾子會于沙隨宋地○編欒盈自楚適齊晏平仲弱子謂名嬰

齊侯曰商任之會受命于晉今納欒氏將安用之小所以事大信也失信不立君其圖之弗聽會于沙隨復錮欒氏也欒盈猶在齊晏子曰禍將作矣晉將伐齊不可以不懼

○十一月孔子生○編孔子之先殷之後也初周命微子啓為殷後國于宋其弟名衍嗣微子之後號微仲生宋公稽稽生丁公申申生緡公共及襄公熙熙生弗父何及厲公方弗父何以下世為宋卿何生宋父周周生勝勝生正考甫考甫生孔父嘉五世親盡別為公族故後以孔為氏孔父生木金父金父生睪夷睪夷生防叔避華氏之禍而奔魯防叔生伯夏伯夏生叔梁紇有九女無子妾生孟皮有足病于是求婚于顏氏顏父問三女曰鄆大夫雖父祖為士然其先聖王之裔今其人身長十尺武力絕倫雖年長性嚴不足為疑三子孰能為之妻小女徵在進曰從父所制父曰即爾能矣遂以妻之徵在既廟見以夫之年長懼不時有男而私禱尼丘之山以祈焉生孔子因名丘字仲尼孔子三歲而叔梁紇卒

此其所以為聖人之母

○晉欒盈復入于晉入于曲沃○編齊侯以藩車有障蔽者載欒

盈及其士納諸曲沃盈夜見胥午而告之午觴曲沃人盈出徧拜之遂帥曲沃之甲因魏獻子以晝入絳范宣子使范鞅強逆魏舒獻子于公宮而使鞅禦盈戰于公門欒樂死欒魴傷欒盈奔曲沃晉人圍之

○秋齊侯伐衛遂伐晉魯叔孫豹帥師救晉次于雍榆今修武縣地冬十月晉人殺欒盈齊侯襲莒○編齊侯伐衛先驅自衛

遂伐晉取朝歌為二隊入孟門登太行張武軍于熒庭晉地成

郟邵取晉邑而守之封少水封晉尸于少水以為京觀以報平陰之役乃還八月

叔孫豹救晉次雍榆晉人克欒盈于曲沃盡殺欒氏之族黨

齊侯還自晉遂襲莒傷股而退莒人獲杞梁莒人行成齊侯

歸遇杞梁之妻于郊使弔之辭曰殖梁名之有罪何辱命焉若

免于罪猶有先人之敝廬在下妾不得與郊弔命弔諸其室

○穀洛二水名在別闕王城之南北○編穀洛闕將毀王宮王欲壅之太

子晉諫曰不可晉聞古之長民者不墮山不崇藪不竇澤故

上下能相固以待不虞今吾執政無乃實有所避而滑夫二

川之神使至于爭明以妨王宮王而飾之無乃不可乎是飾

亂而佐闕也王卒壅之

○子王二十有三年春魯叔孫豹如晉○編賀克欒氏也范宣

子逆之問曰死而不朽何謂也豹曰聞之太上立德其次立

功其次立言雖久不廢此之謂不朽若保姓受氏世不絕嗣

無國無之祿之大者不可謂不朽

○二月鄭伯如晉○編范宣子為政諸侯之幣重鄭人病之

鄭伯如晉為幣重故且請伐陳也子產寓書于子西以告宣

子曰子為晉國四鄰諸侯不聞令德而聞重幣僑也惑之僑

聞君子長國家者非無賄之患而無令名之難夫諸侯之賄

聚于公室則諸侯貳若吾子賴之則晉國貳諸侯貳則晉國

壞晉國貳則子家壞何沒沒也將焉用賄象有齒以焚其身

賄也宣子說乃輕幣

○齊楚交聘○編齊侯既伐晉而懼將欲見楚子楚子使遠啓疆如齊聘且請期齊社蒐軍實使客觀之陳文子曰齊將有寇吾聞之兵不戢必取其族

○秋七月甲子朔日有食之既○八月癸巳朔日有食之○燕文公卒在位六年懿公立

○癸丑二十有四年夏五月齊崔杼弑其君光若公在位六年遇弑立其弟杵臼是為景公○編齊棠公死崔杼弑焉見其妻棠姜美而取之棠姜與崔杼同姓莊公通焉驟如崔氏以崔子之冠賜人崔子因是又以其間伐晉也曰晉必將報欲弑公以說于晉而不得問公鞭侍人賈舉而又近之乃為崔子間公五月莒子朝齊享諸北郭崔子稱疾不視事公問崔子遂從姜氏姜入于室

與崔子自側戶出公拊楹而歌賈舉止衆從者而入閉門甲與遂弑之祝陀父申蒯侍漁者與其宰皆死晏嬰立于崔氏之門外其人曰死乎曰獨吾君也乎哉吾死也曰行乎曰吾罪也乎哉吾行也曰歸乎曰君死安歸且人有君而弑之吾焉得死之而焉得亡之將庸何歸門啓而入枕公股而哭與三踊而出人謂崔子必殺之崔子曰民之望也舍之得民太史書曰崔杼弑其君崔子殺之其弟嗣書而死者二人其弟又書乃舍之南史氏聞太史盡死執簡以往聞既書矣乃還○晉侯會諸侯于夷儀○編晉侯濟自泮會于夷儀本邢地衛滅邢

与董狐一例

因以為邑伐齊以報朝歌之役二十二年齊人使隰鉏請成慶封如晉師賂晉侯以宗器樂器自六正五吏三十帥三軍之

大夫百官之正長師旅及處守者皆有賂晉侯許之。

○六月鄭公孫舍之帥師入陳。○編初陳侯會楚子伐鄭當

陳隧者井堙木刊鄭人怨之六月鄭子展子產帥車七百乘

伐陳宵突陳城遂入之陳侯扶其太子偃師奔墓而免使司

馬桓子賂以宗器陳侯免音問喪服擁社抱社主使其眾男女別而

纍以待于朝子展執紼而見再拜稽首承飲而進獻子產入

數俘而出祝祓社司徒致民司馬致節司空致地乃還陳極盡降

服之禮故鄭舍之

○冬十二月吳子遏卽諸樊伐楚門于巢卒在位十三年弟餘祭立

○編吳子諸樊伐楚以報舟師之役門于巢吳楚間小國巢牛臣

曰吳王勇而輕若啓之將親門我獲射之必殪是君也死疆

其少安從之吳子門焉牛臣隱于短牆以射之卒。

○甲寅二十有五年春二月衛甯喜弒其君剽剽在位十二年遇弒○編

衛甯惠子疾召悼子殖子喜曰吾得罪于君悔無及也名在諸

侯之策曰孫林父甯殖出其君君入則掩之掩之則吾子也

悼子許諾遂卒獻公使與喜言曰苟反政由甯氏祭則寡人

喜告蘧伯玉對曰媛不得聞君之出敢聞其入遂行太叔文

子儀曰甯子視君不如奕棋其何以免奕者舉棋不定不勝

其耦況置君不定乎九世卿族一舉滅之可哀也哉。

○衛孫林父入于戚以叛以戚如晉也○衛侯衎復歸于衛。

○夏魯侯會晉人鄭良霄宋人曹人于澶淵晉人執衛甯喜

○編公會晉趙武宋向戌鄭良霄曹人于澶淵以討衛于是

獨監會編卷五 東周已 靈王 維伯

衛侯會之。晉人執甯喜。衛侯如晉，亦執而囚之。齊侯鄭伯為衛侯故如晉。晉侯兼享之。晉侯賦嘉樂。齊侯賦蓼蕭。鄭伯賦緇衣。叔向命晉侯拜二君曰：寡君敢拜齊君之安我先君之宗祧也。敢拜鄭君之不貳也。國子使晏子私於叔向曰：晉君宣其明德于諸侯，恤其患而補其闕，正其違而治其煩，所以為盟主也。今為臣執君若之何？晉君言衛侯之罪，使叔向告二君。國子賦鸞之柔矣。子展賦將仲子兮。晉侯許歸衛侯。衛侯歸衛姬。衛侯之女于晉，乃釋衛侯。君子是以知平公之失政。

○秋八月，許靈公卒于楚。子悼公嗣。冬，楚子蔡侯、陳侯伐鄭。○編許靈公如楚，請伐鄭。曰：師不興，孤不歸矣。卒于楚。楚子于是伐鄭。鄭人將禦之。子產曰：晉楚將平，諸侯將和。楚子于是而歸。

故昧于一來，不如使逞而歸。十二月，人南里，墮其城，涉于汜而歸。

○乙卯二十有六年春，晉使胥梁帶以侵地歸諸侯。○編趙文子言于晉侯曰：晉為盟主，諸侯或相侵也，則討而使歸其地。今諸侯之地有為晉所侵者，請歸之。晉侯使胥梁帶詣諸喪邑者，具車徒以受地。諸侯是以睦于晉。

○衛殺其大夫甯喜。衛侯之弟鱣出奔晉。○編衛甯喜專獻公患之。公孫免餘請殺之。公曰：微甯子不及此，吾與之言矣。事未可知。祇成惡名止也。對曰：臣殺之，君勿與知。乃攻甯氏，殺甯喜。及右宰穀尸諸朝。子鮮曰：逐我者出，納我者死。賞罰無章，何以沮勸？且鱣實使之，遂出奔晉。公使止之，止使者而

盟于河託于木門晉邑終身不仕公使免餘為卿辭曰太叔儀不貳能贊大事君其命之乃使文子為卿

○秋七月諸侯之大夫盟于宋○編宋公及諸侯之大夫盟

于蒙門之外晉楚爭先爭先歃血晉人曰晉固為諸侯盟主未有

先晉者也楚人曰子言晉楚匹也若晉常先是楚弱也且晉

楚狎主諸侯之盟也久矣豈專在晉叔向謂趙孟曰諸侯歸

晉之德非歸其尸主盟也子務德無爭先且諸侯盟小國固

必有尸盟者楚為晉細不亦可乎乃先楚人子木問于趙孟

曰范武子士之德何如對曰夫子之家事治言于晉國無隱

情其祝史陳言于鬼神無愧辭子木歸以語王王曰尚矣哉

能歆神人宜其光輔五君以為盟主也子木又語王曰宜晉

晉楚同盟
夏盟始此

之霸也有叔向以佐其卿楚無以當之不可與爭晉荀盈遂

如楚涖盟鄭伯享趙孟于垂隴在今滎陽縣地子展伯有子西子產

子太叔二子石從趙孟曰七子從君以寵武也請皆賦以卒

君貺武亦以觀七子之志子展賦草蟲伯有賦鶉之賁賁子

西賦黍苗卒章子產賦隰桑子太叔賦野有蔓草印段賦蟋

蟀公孫段賦桑扈卒享文子告叔向曰伯有將為戮矣詩以

言志志誣其上其能久乎其餘皆數世之主也子展其後亡

者也

○齊慶封滅崔杼之族專國政

○丙辰二十有七年冬齊慶封奔魯○編慶封好田而嗜酒與

慶舍政舍封之子則以其內實遷于盧蒲嫫氏易內而飲酒數日

綱鑑會編卷五
靈王
四百九十七

國遷朝焉。就于盧蒲癸氏以朝見。亡人盧蒲癸王何作亂攻慶氏殺慶

舍。慶封奔魯獻車于季武子。美澤可以鑑。展莊叔見之曰。車

甚澤。人必瘁。宜其亡也。既而齊人來讓。責魯之受慶封。奔吳。

○十二月王崩。太子晉母弟貴立。○楚子昭卒。在位十一年。子熊

麋嗣。是為郝敖。○燕懿公卒。在位四年。子欵嗣。是為簡公。

綱鑑會編卷五

綱鑑會編卷六

文安 劉德芳 訂正

崑山 葉澧 輯錄

東周紀

景王 名貴靈王之子在位二十五年

○丁元年夏五月衛侯術卒。在位二十一年又出奔十二年。子惡嗣。是為襄公。

○闞殺吳子餘祭。在位四年遇弒。弟夷昧立。改名餘昧。○編吳人伐越獲

俘焉。以為闞使守舟。餘祭觀舟。闞人弑之。

○晉荀盈會諸侯之大夫城杞。晉平公杞出也故城杞。

○吳子使札聘于魯。遂歷聘于齊鄭魯。○編公子札至魯。

見叔孫穆子曰。子其不得死乎。好善而不能擇人。吾聞君子

後知家審

務在擇人。吾子為魯宗卿，而任其大政，不慎舉，何以堪之。禍必及子。請觀周樂。魯人為奏六代之樂。雲門黃帝樂也。咸池堯樂也。大韶舜樂也。大夏禹樂也。大濩湯樂也。大武武王樂也。遂聘于齊，謂晏平仲。子速納邑與政，乃免于難。聘于鄭，見子產，如舊相識，與之縞帶。子產獻紵衣焉。謂子產曰：鄭之執政，侈難將至矣。政必及子。子為政，慎之以禮。不然，鄭國將敗。適衛，說蘧瑗、史狗、史鰌、公子荆、公叔發、公子朝曰：衛多君子，未有患也。自衛如晉，說趙文子、韓宣子、魏獻子曰：晉國其萃于三。以乎。說叔向將行，謂之曰：吾子勉之。君侈而多良，大夫皆富，政將在家。吾子好直，必思自免于難。過徐徐君，愛其寶劍，季子心知而許之，使還。徐君已歿，遂解劍懸其墓而去。

○戊午二年夏，蔡世子般弑其君固。景公在位四十九年，遇弑。般自立。是為靈公。

○編蔡景公為太子般娶于楚，通焉。太子弑之。

○五月，宋災。宋伯姬卒。○編伯姬之舍失火，左右曰：夫人少避火乎。伯姬曰：婦人之義，傅姆不在，宵不下堂，遂逮乎火而死。

○冬十月，鄭使公孫僑為政。○編鄭伯有嗜酒，為窟室，夜飲酒，朝至未已。子皙以駟氏之甲伐而焚之。伯有奔雍梁。鄭醒邑。

而後知之，遂奔許。國人盟而擯之。伯有怒，潛入鄭以攻舊北門。駟帶率國人伐之。伯有死于羊肆。子皮子虎遂授子產以政。

子產辭曰：國小而偏，族大寵多，不可為也。子皮曰：虎帥以聽，誰敢犯子。子善相之。國無小，小能事大國，乃寬。子產為政，使

章者尊
甲者級
制度服志
衣服之飾
伍者五人
為伍使相
保如今保甲
法

都鄙有章。上下有服。田有封洫。廬井有伍。大夫之忠儉者。從而與之。汰侈者。因而斃之。從政一年。輿人誦之曰。取我衣冠而褫之。取我田疇而伍之。孰殺子產。吾其與之。及三年。又誦之曰。我有子弟。子產誨之。我有田疇。子產殖之。子產而死。誰其嗣之。○子皮欲使尹何為邑。子產不可。子皮曰。愿吾愛之。使往而學之。夫亦愈知治矣。子產曰。人之愛人。求利之也。今子愛人。則以政。猶未能操刀而使割。其傷實多。子之愛人。傷之而已。其誰敢求愛于子。子有美錦。不使人學製焉。大官大邑。身之所庇也。而使學者製焉。其為美錦。不既多乎。僑聞學而後入政。未聞以政學也。若果行此。必有害。子皮以為忠。故委政焉。子產是以能為國。○鄭人游于鄉校。以議執政。然明

謂子產毀鄉校如何。子產曰。夫人朝夕退而游焉。以議執政之善否。其所善者。吾則行之。其所惡者。吾則改之。是吾師也。若之何毀之。我聞忠善以損怨。不聞作威以防怨。豈不遽止。然猶防川。大決所犯。傷人必多。吾不克救也。不如小決。使道不如。吾聞而藥之也。然明日。今而後知吾子之信可事也。若果行此。鄭國實賴之。豈惟二三臣。魯仲尼聞之曰。謂子產不仁。吾不信也。

○己未三年夏六月。魯襄公卒于楚宮。在位三十一年子野立。秋九月。

子野卒。公子稠立。是為昭公○編魯襄公作楚宮。穆叔曰。君欲楚

也。故作其宮。若不復適楚。必死是宮也。六月。公卒于楚宮。立胡女敬歸之子子野。九月。卒。毀也。立敬歸之姊齊歸之子公

子稠穆叔不欲曰太子死有母弟則立之無則立長年鈞擇賢義鈞則卜古之道也非適嗣何必弟之子且是人也居喪而不哀在戚而有嘉容是謂不度不度之人鮮不為患若果立之必為季氏憂武子不聽卒立之比及葬三易衰衰社如故衰于是昭公十九年矣猶有童心君子是以知其不能終也

○鄭伯如晉○編子產為相晉侯以魯喪故未之見也子產使盡壞其館之垣而納車馬焉晉士文伯讓之子產曰以敝邑褊小介于大國誅求無時是以不敢寧居悉索敝賦以來會而未得見又不獲聞命未知見時不敢輸幣亦不敢暴露若獲薦幣修垣而行君之惠也趙文子使謝不敏晉侯見鄭

伯有加禮厚其宴好而歸之叔向曰辭之不可已也如是夫子產有辭諸侯賴之

○冬十一月莒人弑其君密州子展輿嗣○編莒黎比公生去疾及展輿既立展輿又廢之黎比公虐國人患之展輿因國人以攻莒子弑之乃立去疾奔齊齊出也展輿吳出也

○庚申四年春晉趙武及諸侯之大夫會于虢魯取鄆王使劉子勞趙武于潁水名在潁登封縣○編楚公子圍聘于鄭且娶于公孫

段氏子石伍舉椒為介遂會于虢尋宋之盟也魯季武子伐莒取鄆莒邑莒人告于會楚告于晉曰尋盟未退而魯伐莒瀆齊

盟請戮其使樂桓子王相欲求貨于叔孫而為之請叔孫弗與曰諸侯之會衛社稷也我以貨免魯必受師是禍之也何

衛之爲雖怨季孫魯國何罪叔出季處有自來矣吾又誰怨
趙孟聞之曰臨患不忘國忠也思難不越官信也圖國忘死
貞也謀主三者義也可戮乎固請諸楚楚人許之乃免叔
孫王使劉定公勞趙孟館于雒汭劉子曰美哉禹功明德遠
矣微禹吾其魚乎吾與子弁冕端委以治民臨諸侯禹之功
也子盍遠纘禹功而大庇民乎對曰老夫罪戾是懼焉能恤
遠吾儕偷食朝不謀夕何其長也劉子歸以語王曰諺所謂
老將智而耄及之其趙孟之謂乎爲晉正卿以主諸侯而儕
于隸人朝不謀夕棄神人矣何以能久

○鄭遂公孫楚○編鄭徐吾犯之妹美公孫楚字子南聘之矣
公孫黑字子哲又使強委禽焉犯懼告子產子產曰是國無政

非子之患也唯所
犯請于二子請使女擇焉皆許之子
皙盛飾入布幣而出子南戎服入左右射超乘而出女自房
觀之曰子皙信美矣抑子南夫也夫夫婦婦所謂順也適子
南氏子皙怒旣而橐甲以見子南欲殺之而取其妻子南執
戈逐之子皙傷而歸子產執子南數而放之于吳次年公孫
黑將作亂子產縊殺之

○夏邾悼公卒穿立是爲莊公

○莒去疾自齊入于莒莒展輿出奔吳○編莒展輿立而奪

羣公子秩羣公子召去疾于齊齊公子鉏納去疾展輿奔吳

○冬十一月楚公子圍弒其君麇而自立是爲靈王楚公子比奔

晉○編楚公子圍將聘于鄭未出境聞楚子有疾而還入問

疾縊殺之并殺其二子幕及平夏右尹子干出奔晉宮廐尹子皙出奔鄭殺太宰伯州犂葬楚子于邲鄭謂之邲敖圍遂即位。

○辛酉五年春晉使韓起聘于魯○編晉侯使韓宣子厥之子名起諡

宣聘魯觀書于太史氏見易象與魯春秋曰周禮盡在魯矣

吾乃今知周公之德與周之所以王也公享之季武子賦緜

之卒章韓子賦角弓季武子拜曰敢拜子之彌縫敝邑寡君

有望矣武子賦節之卒章

○壬戌六年春滕成公卒子寧嗣是為悼公

○齊晏嬰如晉○編齊使晏嬰請繼室于晉叔向從之宴相與語叔向曰齊其何如晏子曰此季世也齊其為陳氏矣公

棄其民而歸于陳氏其愛之如父母而歸之如流水欲無獲民將焉避之叔向曰然雖吾公室今亦季世也政在家門民無所依君日不悛以樂悖憂公室之卑其何日之有晏子曰子將若何叔向曰胙之宗十一族惟羊舌氏在胙又無子公室無度幸而得死豈其獲祀

○冬北燕伯款出奔齊燕人立悼公○編燕簡公多嬖寵欲

去諸大夫而立其寵人燕大夫比以殺公之外嬖公懼奔齊

○癸亥七年夏楚子會諸侯于申楚地楚人執徐子○編鄭伯許

男如楚楚子止之使椒舉如晉求諸侯二君待之椒舉致命

晉侯欲勿許司馬侯曰楚子方侈天或者欲逞其心以厚其

毒而降之罰未可知也君其許之而修德以待其歸乃許楚

使夏諸侯如楚曹邾辭以難魯辭以時祭衛侯辭以疾鄭伯先待于申六月楚子合諸侯會于申椒舉言于楚子曰臣聞諸侯無歸禮以為歸今君始得諸侯其慎禮矣霸之濟否在此會也夏啓有鈞臺之享商湯有景亳之命周武有孟津之誓成有岐陽之蒐康有艷宮之朝穆有塗山之會齊桓有召陵之師晉文有踐土之盟君其何用楚子曰吾用齊桓宋太子佐後至楚子久而弗見徐子吳出也以爲貳焉故執諸申楚子示諸侯侈椒舉曰夫六王二公之事皆所以示諸侯禮也諸侯所由用命也夏桀爲仍之會有緡叛之商紂爲黎之蒐東夷叛之周幽爲太室之盟犬戎叛之皆所以示諸侯汰也諸侯所由棄命也今君以汰無乃不濟乎弗聽子產見左

師曰吾不患楚矣汰而復諫不過十年左師曰然不十年後其惡不遠惡遠而後棄善亦如之德遠而後興

○秋七月楚子以諸侯之師伐吳執齊慶封殺之遂滅賴國名

○編初齊慶封自魯奔吳處以朱方邑名今丹徒縣聚其族而居之

富于其舊魯子服惠伯孟椒曰天殆富淫人叔孫穆子剡曰善

人富謂之賞淫人富謂之殃其將聚而殲旃至是楚子以諸侯伐吳使屈申圍朱方克之執慶封而盡滅其族將戮慶封負之斧鉞以徇于諸侯使言曰無或如齊慶封弑其君弱其孤以盟其大夫慶封曰無或如楚共王之庶子圍弑其君兄之子麋而代之以盟諸侯楚子使速殺之遂以諸侯滅賴故地

在今壽州南遷賴人于鄆楚邑近郢都楚子欲遷許于賴使鬬韋龜與

綱鑑會編卷六 東周已景王 志行

公子棄疾城之而還。

○鄭作丘賦。○編鄭子產作丘賦。國人謗之。曰：其父死于路，已為蠶尾，以令于國。國將若之？何？渾罕以告子產。曰：苟利社稷，死生以之。且吾聞為善者不改其度，故能有濟也。民不可逞，度不可改。詩曰：禮義不愆，何恤于人言。吾不遷矣。渾罕曰：國氏其先亡乎？君子作法于涼，其敝猶貪；作法于貪，敝將若之？何？

加派
古制十二井為
甸出馬一匹牛
二頭今又別
賦民田
取民法極
曰涼

○冬十二月，魯叔孫豹卒。○編初，豹避僑如之難，奔齊。及庚宗，魯地時魯成公十六年事遇婦人，使私為食而宿焉。問其行，告之故，哭而送之。適齊，娶于國氏。生孟丙、仲壬。夢天壓己，弗勝，顧而見人黑而上，僂，深目而豸喙，號之曰牛。助余，乃勝之。旦而名其

徒，皆無之。且曰：志之。既而魯人召豹為卿。既立，所宿庚宗之婦人獻以雉，曰：余子長矣，能奉雉而從我矣。召而見之，則所夢也。未問其名，號之曰牛。使為豎，有寵。以符夢故及長，使為政。公

孫明，齊大夫知叔孫豹于齊。二人親厚豹歸，未迎國姜。豹在齊之妻子明

娶之，故怒其子。孟丙仲壬長而後使迎之。豹田于丘菑，魯地遂遇疾。

豎牛欲亂其室而有之，矯殺孟仲，奔齊。叔孫豹不食而死。牛立昭子，媼相之。豹既葬，仲至自齊。季孫欲立之，南遺不可。季氏

家臣使國人助豎牛以殺仲。牛取叔孫氏三十邑以賂南遺。昭子即位，逐豎牛。牛奔齊。孟仲之子殺諸闕塞之外。

○甲子八年春正月，魯舍音捨中軍。○編卑公室也。初作中軍，三

分公室而各有其一，及其舍之也。四分公室，季氏擇二，二子

周監會編卷六
東周已景王
志行

各一皆盡征之而貢于公公如晉自郊勞至于贈賄無失禮
 晉侯謂女音叔齊音侯曰魯侯不亦善于禮乎對曰是儀也
 不可謂禮禮所以守其國行其政令無失其民者也今政令
 在家不能取也有子家羈弗能用也公室四分民食于他難
 將及身不恤其所禮之本末將于此乎在而屑屑焉習儀以
 亟言善于禮不亦遠乎

○秦景公卒子嗣是為哀公

○乙丑九年春杞文公卒在位十四年郁釐嗣是為平公

○鄭人鑄刑書○編晉叔向貽書子產以戒之子產不從詳語

左傳士文伯名句聞之曰火見鄭其火乎火未出而作火以鑄刑器藏爭辟焉不火何為

○丙寅十年春楚為章華之宮楚王納亡人以實之

○鄭以公孫洩良止為大夫○編初鄭人相驚以伯有曰伯有至矣則皆走二月或夢伯有介而行曰壬子余將殺帶也

明年壬寅余又將殺段也及壬子駟帶卒國人益懼明年正月壬寅公孫段卒國人愈懼于是子產立公孫洩子孔及良

止伯有子以撫之乃止子孔亦先為鄭人殺者

○秋八月衛襄公卒在位九年子元嗣是為靈公王使成子弔追錫命

○丁卯十有一年春石言于晉魏榆晉地○編晉侯問于師曠曰

石何故言對曰石不能言或馮焉不然民聽濫也抑臣又聞之曰作事不音恐音動于民則有非言之物而言今宮室崇侈民力彫盡怨讟並作莫保其性石言不亦宜乎于是晉

侯方築虎祁之宮叔向曰子野師曠之言君子哉信而有徵

○陳侯之弟招殺陳世子偃師○編陳哀公元妃鄭姬生悼

公太子偃師二妃生公子留下妃生公子勝二妃嬖留有寵

屬諸司徒招與公子過哀公有廢疾三月公子招公子過殺

太子偃師而立公子留

○夏四月陳侯溺卒在位三十五年楚人執陳行人于徵師陳大夫殺

之陳公子留出奔鄭○編陳哀公縊于徵師赴于楚且皆有

立君公子勝愬之于楚楚人執而殺之公子留奔鄭

○秋陳人殺其大夫公子過冬十月楚師滅陳執陳公子招

放之于越殺陳孔奐○編公子招歸罪于公子過而殺之九

月楚公子棄疾帥師圍陳十一月滅陳使穿封戌楚大夫為陳

公縣尹晉侯問于史趙曰陳其遂亡乎對曰未也陳顓頊之族

歲在鶉火午年是以卒滅陳將如之今在析木之津寅年猶將復

且陳氏得政于齊而後陳卒亡物無兩盛之理臣聞盛德必百世祀

虞之世數未也繼守將在齊矣

○戊辰十有二年春二月王使詹桓如晉晉侯使趙成來致闔

田○編周甘人與晉閻嘉爭閻田晉梁丙張趯帥陰戎陸渾之

戎伐潁周邑王使詹桓伯辭于晉曰先王居檇杌于四裔以禦

魘魅故允姓戎之祖之姦居于瓜州今陝西甘涼之境伯父惠公歸自

秦而誘以來魯僖公十五年秦晉遷陸渾之戎于伊川使偪我諸姬入我郊甸則

戎焉取之我在伯父猶衣服有冠冕木水有本原民人之有

謀主也伯父若裂冠毀冕拔本塞原專棄謀主雖戎狄其何

有余一人。時晉帥戎以伐周故云。叔向謂范宣子曰：王辭直子其圖之。宣子說：王有姻喪，使成如周，且致閭田。反，賴俘，王亦執甘大夫，襄以說于晉，晉人禮而歸之。

○夏四月，陳災。○編鄭裨竈曰：五年，陳將復封。封五十二年而遂亡。子產問其故，對曰：陳，水屬也。陳顓頊之後，其先以水德王。火，水妃

音配也。而楚所相也。相治也。楚之先祝融為火正。今火出而火陳，逐楚而建

陳也。妃以五成，故曰五年。歲及鶉火，午年而後陳卒亡。楚克有

之天之道也。故曰五十二年。

○已十有三年夏，齊欒施奔魯。○編齊欒施字高疆字氏皆

嗜酒，信內多怨，彊于陳。桓子鮑文子無字鮑國氏而惡之。夏有告陳桓

子曰：子旗子良將攻陳。鮑、陳、鮑方睦，遂伐欒。高氏子良曰：先

得公，陳鮑焉往，遂伐虎門。公之寢門晏平仲端委立于門外，四族名之，無所往。公召之而後入。公使王黑戰于稷。國中之地，齊有稷下欒

高敗，國人追之，又敗諸鹿門。齊城門欒施高彊奔魯，陳鮑分其室。晏子謂桓子必致諸公，桓子盡致諸公，而請老于莒。

○秋七月，晉平公卒。在位二十六年子夷嗣。是為昭公○編是年正月，有

星出于婺女。鄭裨竈言于子產曰：七月戊子，晉君將死。至是果卒。

○魯以孔子為委吏。○編孔子年十九，娶于宋，開官氏，一歲而生伯魚。伯魚之生也，魯公以鯉賜孔子。孔子榮君之貺，故

名鯉，而字伯魚。

○冬十二月，宋平公卒。在位十四年子佐嗣。是為元公

○庚午十有四年夏四月楚子誘蔡侯般殺之于申楚公子棄疾帥師圍蔡○編楚子在申召蔡侯將往蔡大夫曰楚貪而無信幣重言甘誘我也不如無往蔡侯不可楚子伏甲享蔡侯醉執而殺之刑其士七十人公子棄疾帥師圍蔡晉韓宣子問于叔向曰楚其克乎對曰克哉蔡侯獲罪于其君而不能其民天將假手于楚以斃之然胥聞之不信以幸不可再也楚子討陳曰將定而國陳人聽命而遂縣之今又誘蔡而殺其君以圍其國雖幸而克必受其咎弗能久矣

○冬十一月楚師滅蔡執蔡世子有以歸用之○編楚滅蔡用隱太子岡山殺之以祭山也申無宇曰不祥五牲不相為用況用諸侯乎王必悔之

○楚子使公子棄疾為蔡公○編楚子問申無宇曰棄疾在蔡何如對曰臣聞五大謂五宮之長也不在邊五細五細無考大率謂細人也不在庭親不在外羈不在內今棄疾在外鄭丹在內君其少戒楚子曰國有大城何如對曰未大必折尾大不掉徒弔君所知也

○辛未十有五年春齊高偃帥師納北燕伯款于陽一作唐燕邑名○三月鄭伯嘉卒在位三十二年子寧嗣是為定公

○冬十月魯公子慙出奔齊○編季平子立不禮于南蒯費邑宰蒯謂子仲公子慙曰吾出季氏而歸其室于公子更其位我以費為公臣子仲許之告公而遂從公如晉南蒯懼不克以

費叛如齊子仲還及衛聞亂逃介副使而先及郊聞費叛遂奔

齊

○楚子伐徐○編楚子狩于州來

今壽州北下蔡城也

次于賴尾

今賴上縣

地使蕩侯潘子司馬督囂尹午陵尹喜帥師圍徐以懼吳楚

子次于乾谿

在亳州舊城父城南

以為之援

語詳左傳

○王十有六年夏四月楚公子比自晉歸弒其君虔于乾谿

靈王在位十二年遇弒

楚公子棄疾殺公子比而自立

是為平王

○編楚子

之在乾谿也觀從

楚大夫觀起之子也靈王二十一年楚殺令尹子南車裂觀起

以蔡公

棄疾

之命名子干

比子皙

黑肱

而與之盟遂帥陳蔡不羹

城名在今襄城縣

許葉

俱楚邑

之師以入楚蔡公使人先入殺太子祿及公子罷

敵公子比為王黑肱為令尹次于魚陂

竟陵縣地

棄疾為司馬先

除宮使觀從從師于乾谿而遂告之楚子師歸而潰五月楚

子縊于申亥氏觀從謂子干曰不殺棄疾雖得國猶受禍也

子干曰余不忍也觀從曰子不忍人人將忍子吾不忍俟也

乃行國每夜駭曰王入矣棄疾夜使人周走而呼曰王至矣

國人大驚使蔓成然走告子干子皙曰王至矣國人殺君司

馬將來矣君早自圖也又有呼而走至者曰眾至矣二子皆

自殺棄疾即位名曰熊居使子旗

即蔓成然

為令尹封陳蔡復遷

邑致羣賂施舍寬民宥罪舉職初楚共王無冢適有子五人

乃徧以璧見于羣望請于神曰當璧而拜者神所立也與巴

姬密埋璧于太室之庭使五子以次入拜康王跨之靈王加

肘焉子干子皙皆遠之平王弱抱而入再拜皆壓紐故卒得

立焉

平王殺之
先鞭片之
辱之
報之

○秋劉子晉侯及齊宋魯衛鄭曹莒邾滕薛杞小邾會于平丘同盟魯侯不與晉人執季孫意如以歸○編晉成虎音祈

宮名諸侯朝而歸者皆有貳心叔向曰諸侯不可以不示威乃並徵會七月治兵於邾南甲車四千乘遂合諸侯于平丘地衛

今長垣縣境邾人莒人愬于晉曰魯朝夕伐我我之不共供以魯

之故晉侯不見魯侯使叔向辭同盟于平丘魯侯不與盟晉人執季平子如意以歸將討魯罪子服湫從

○蔡侯廬歸于蔡陳侯吳歸于陳○編楚子既封陳蔡而復之隱太子之子廬歸于蔡悼太子之子吳歸于陳

○吳滅州來○編楚令尹子旗請伐吳楚子弗許曰吾未撫民人未事鬼神未修守備未定國家而用民力敗不可悔州

來在吳猶在楚也子姑待之

○燕悼公卒在位十年共公嗣

○癸酉十有七年春晉釋魯季孫意如○編季平子在晉子服

惠伯湫私于中行穆子荀曰魯事晉何以不如夷之小國魯

兄弟也土地猶大所命能具若為夷棄之使事齊楚其何瘳

于晉穆子以告韓宣子且曰楚滅陳蔡不能救而為夷執親

將焉用之乃歸季孫

○三月曹伯滕卒武公在位二十七年子須嗣是為平公

○甲戌十有八年春正月吳子夷昧卒在位七年子僚嗣○編夷

昧卒吳人曰先王有命兄卒弟立必致季子季子今逃位則

王夷昧後乃立夷昧之子僚

○夏六月王太子壽卒秋八月王后穆氏崩

○晉荀吳帥師伐鮮虞狄之別種今新樂縣地○編圍鼓鮮虞之邑鼓人或

請以城叛穆子弗許使鼓人殺叛人而繕守備圍鼓三月鼓

人或請降使其民見曰猶有食色姑修而城鼓人告食竭力

盡而後取之克鼓而反不戮一人以鼓子戴鞮歸

○冬十二月晉荀躒如周葬穆后○編文伯荀躒如周葬穆后

籍談為介既葬除服以文伯宴王求彝器歸告叔向叔向日

王其不終乎吾聞之所樂必卒焉今王樂憂若卒以憂不可

謂終王一歲而有三年之喪二焉于是乎以喪賓燕又求彝

器樂憂甚矣且非禮也三年之喪雖貴遂服禮也王雖弗遂

宴樂以早亦非禮也禮王之大經也一動而失二禮無大經

矣

○乙亥十有九年秋八月晉侯夷卒昭公在位六年子去疾嗣是為頃公

○丙子二十年秋鄭子朝于魯○編昭子問曰少皞氏鳥名官

何故也對曰吾祖也昔我高祖少皞摯之立也鳳鳥適至故

紀于鳥為鳥師而鳥名仲尼聞之見于鄭子而學之既而告

人曰吾聞之天子失官學在四夷猶信

○八月晉荀吳帥師滅陸渾之戎以其貳于楚也

○冬有星孛于大辰西及漢○編魯申須曰彗所以除舊布

新也今除于火火出必布焉諸侯其有火災乎梓慎曰若火

作在宋衛陳鄭乎宋大辰之虛也陳太皞之虛也鄭祝融之

虛也星孛及漢漢水祥也衛顓頊之虛也其星為大水水火

之牡也雄也其以丙子若壬午作乎水火所以合也鄭裨竈言于子產曰宋衛陳鄭將同日火若我用瓊斝玉瓚鄭必不火子產弗與

○楚人及吳戰于長岸楚地○編吳伐楚楚大敗吳師獲其乘舟餘皇使人守之吳公子光使長鬣者三人潛伏于舟側曰我呼餘皇則對師夜從之三呼皆迭對楚人從而殺之楚師亂吳人大敗之取餘皇以歸

○丁丑二十有一年春三月曹伯須卒平公在位四年子午嗣是為悼公

○夏五月宋衛陳鄭災○編五月火始昏見丙子風梓慎曰是謂融風火之始也七日其火作乎壬午風益甚宋衛陳鄭皆火裨竈曰不用吾言鄭又將火鄭人請用之子產不可子

太叔曰寶以保民也若有火國將亡可以救亡子何愛焉子產曰天道遠人道邇竈焉知天道是亦多言耳豈不或信遂不與亦不復火

胡宏曰裨竈所言蓋以象推非妄也而鄭不復火者子產當國方有令政此以德消變之驗矣是知吉凶固

有可移之理古人所以必先人事而後言命也

○冬燕共公卒在位五年平公嗣○鑄大錢○編王鑄大錢單穆

錢法

公曰不可古者天災降戾于是乎量資幣權輕重以振救民民患輕則為之作重幣以行之若不堪重則多作輕而行之亦不廢重今王廢輕而作重民失其資能無匱乎若匱王用將有所乏乏則將厚取于民民不給將有遠志是離民也毋乃不可乎王弗聽

○戊寅二十有二年夏五月許世子止弑其君買子斯嗣是為元公
 ○編許悼公瘡飲太子止之藥而卒止曰我與夫弑者不立乎其位以與其弟斯而奔晉哭泣歆飭粥嗑不容粒未踰年而死

○冬楚用費無極放世子建于城父○編初楚子在蔡生太子建及即位使伍奢為之師費無極譖之曰建可室矣為之聘于秦無極逆勸楚子自取之無極又言于楚子曰晉之伯適于諸夏而楚僻陋故弗能與之爭若大城城父而寘太子以通北方王收南方是得天下也從之故建出居城父在亳州南

○鄭大水○編時鄭有龍鬪于時門之外洧淵水名國人請為禱音子產弗許

○編二十有三年春孔子適周既而反乎魯○編魯大夫孟僖子病且死誠其嗣懿子曰孔丘聖人之後也湯也滅于宋孔子六世

祖孔父嘉為宋華督所殺其祖弗父何孔父嘉之高祖宋愍公長子厲公兄以有宋而授厲

公及正考父佐宋三命滋益恭一命受職再命受服三命受爵故鼎銘云一命而僂音呂再命而偃音區上三命而俯低首近股故循牆

而走亦莫敢余侮饋于是以餽予口其恭如是吾聞聖人有明德者雖不當世其後必有達人今其將在孔丘乎

及僖子卒懿子與南宮敬叔往學禮焉敬叔與孔子俱至周問禮于老聃聃李姓名耳字伯陽楚之聃告之曰良賈音深

藏若虛君子盛德容貌若愚孔子去謂弟子曰鳥吾知其能飛魚吾知其能遊獸吾知其能走走者可以為網遊者可以

綱鑑會編卷六 東周紀 景王 二 邛珍

為綸飛者可以為增。至于龍吾不能知其乘風雲而上天也。今見老子其猶龍乎。訪樂于萇弘。歷郊社之所。考明堂之則。察廟朝之度。于是喟然嘆曰。吾乃今知周公之聖。與周之所以王也。孔子自周反于魯。弟子稍益進。

○楚世子建自城父奔宋。楚子殺其傅伍奢。及子尚。伍負音奔吳。○編初費無極言建與奢將叛。楚子執奢。使城父司馬奮揚殺建。未至。使遣之。建奔宋。楚子召奮揚曰。言出于余口。

入于爾耳。誰告建也。對曰。臣告之。王命臣事建。如事余。奉初以還。不忍後命。故遣之。楚子赦之。無極曰。奢之子材。若在吳必憂楚國。蓋以免其父。召之。彼仁必來。使召之。尚謂負曰。吾知不逮。吾能死。爾能報。奔死免父。孝也。度功而行仁也。擇在

還人固極
至於此

子香始事

而往。智也。知死不避。勇也。父不可棄。名不可廢。爾其勉之。尚歸。奢聞負不來。曰。楚君大夫其盱食乎。楚人皆殺之。負如吳。言伐楚之利。公子光曰。是家為戮。而欲反其仇。不可從也。負知光有他志。乃求勇士專諸。見之光。光喜。乃客伍子胥。子胥退而耕于野。以待專諸之事。

○冬十一月。蔡侯廬卒。平公在位八年子朱嗣。是為悼公

○十二月。鄭大夫公孫僑卒。○編子產有疾。謂子太叔曰。我

死。子必為政。唯有德者能以寬服民。其次莫如猛。夫火烈。民

望而畏之。故鮮死焉。水懦弱。民狎而翫之。則多死焉。故寬難。

疾數月而卒。魯仲尼聞之。出涕曰。古之遺愛也。

○庚辰二十有四年春。鑄無射。○編王將鑄無射。而為之大林。

子香始事

鐘之單穆公諫不聽鐘成伶州鳩曰王其以心疾死乎夫音

樂之輿也因音而行鐘音之器也天子省風以作樂器以鐘之聚

也輿以行之小者不窳音挑細而不滿大者不櫛音扈橫火不入則和于物

而嘉成聲入于耳而藏于心心億安也則樂窳則不咸不充也櫛

則不容心不堪容心是以感感實生疾今鐘櫛矣王心弗堪其能

久乎

○冬蔡平侯弟東國攻蔡蔡侯朱出奔楚東國自立是為悼侯

○辛巳二十有五年夏四月王崩子猛立是為悼王六月葬景王王

室亂○編太子壽早卒王少子朝有寵王欲立之未果會崩

單子劉子立王次子猛為王子朝因舊官百工之喪職秩者

帥三邑之甲以逐劉子劉子奔揚周邑單子奉子猛于莊宮子

朝之徒夜使人取猛以歸單子出奔子朝之徒奉王猛以追

單子秋晉人帥師納王猛于王城冬猛卒諸大夫奉王猛母

弟句為王

敬王名句景王之子在位四十四年

○壬午元年夏六月蔡侯東國卒于楚在位三年弟申立是為昭侯

○秋七月吳敗頓胡沈蔡陳許之師于雞父今壽州南地胡子髡

沈子逞滅獲陳夏鬻○編吳人伐州來楚遠越帥師及諸侯

之師救之吳人禦諸鍾離子瑕卒楚令尹卒于軍楚師燿音尖火滅也吳

公子光曰諸侯從于楚者眾而皆小國也不獲已來胡沈之

君幼而狂陳大夫鬻壯而頑頓與許蔡疾楚政楚令尹死帥

賤政令不一若分師先犯胡沈與陳必先奔諸侯之師搖楚

必大奔吳子從之戰于雞父三國敗獲胡沈之君及陳大夫楚師大敗

○王居于狄泉即成周也尹氏立王子朝○**編**敬王即位館于子

旅氏單子劉子以王如劉即狄泉謂之東王尹氏固以王子

朝入于王城謂之西王單子劉子與晉師攻之未克

○八月丁酉地震周南宮極震死○**編**萇弘謂劉文公曰君

其勉之先君之力可濟也周之亡也其三川震今西王之大

臣亦震天棄之矣東王必大克南宮桓王子朝之臣故曰西王

○癸未二年春正月王在狄泉二月王子朝入于鄆○**編**晉侯

使士景伯涖問周故士伯立于乾祭王城北門而問于介衆子朝

曲乃辭子朝不納其使

○夏五月鄭伯如晉○**編**子太叔相去聲見范獻子問曰若王

室何對曰老夫其國家不能恤敢及王室抑人亦有言曰婺

不恤其緯而憂宗國之隕為將及焉今王室實蠢蠢動擾貌焉

吾小國懼矣然大國之憂也子其早圖之獻子懼而與宣子

圖之乃徵會于諸侯期以明年

○秋八月杞伯郁釐卒在位十八年子成嗣

○冬吳滅巢○**編**楚子為舟師以略吳疆沈尹戌曰此行也

楚必亡邑不撫民而勞之吳不動而速之吳踵楚而疆場無

備邑能無亡乎楚子及圍陽楚地而還吳人踵楚而邊人不備

遂滅巢及鍾離而還沈尹戌曰亡郢之始于此在矣

○甲申三年夏晉趙鞅會諸侯于黃父楚地○**編**謀王室也趙簡

子敬王

子武之令諸侯之大夫輸王粟具戍人曰明年將納王。

○魯鸚鵡來巢。○編師曰魯大夫曰異哉我聞文成之世童謠

云鸚音瞿之鵠音欲之公出辱之鸚鵡跣跣公在乾侯鸚鵡之巢

遠哉遙遙禍父喪勞宋父以驕昭公名稠童謠有是今鸚鵡

來巢其將及乎。

○秋九月魯侯出奔齊次于陽州齊地○編初昭公聽郈昭伯

季公若之言欲去季平子遂伐季氏平子登臺而請曰君不

察臣之罪使有司討臣以干戈臣請待于沂上以察罪弗許

請囚于費弗許請以五乘亡弗許子家羈勸公許之郈孫曰

必殺之孟懿子叔孫氏帥徒以救季氏執郈孫殺之遂伐公

徒公係于齊。

昭公生奔

○齊侯唁魯侯于野井在祝阿今禹城縣界○編齊侯曰自莒疆以西

請致于社以待君命公喜子家子曰齊君無信不如早之晉

弗從。

○冬十月魯叔孫舍卒。○編叔孫昭子自闕歸見平子平子

稽顙曰子若我何昭子曰人誰不死子以逐君成名子孫不

忘不亦傷乎將若子何平子曰苟使意如得改事君所謂生

死而骨肉也昭子從公于齊與公言將安衆而納公公使昭

子歸平子有異志不欲復納公也十月辛酉昭子齋于其寢使祝宗

祈死戊辰卒。○十一月宋元公卒在位十五年子頭曼嗣是為景公○編宋元公為

魯昭公故如晉卒于曲棘今杞縣

綱鑑會編卷六 東周已敬王 三 志行

嬰可憐也
庶幾和氣
不獲子古
七名平兒
出此而甘
世口實情

○孔子自魯適齊。○**編**初魯昭公出奔，魯亂，孔子于是適齊。為高昭子家臣，以通乎景公。時齊旱，飢，景公問曰：「如之何？」對曰：「凶年力役不興，馳道不修，所以幣玉祀以下牲，此賢君自貶以救民之禮也。公欲封以尼谿之田，晏嬰不可。孔子遂行，反乎魯。」

○**乙**四年春三月，魯侯至自齊，居于鄆。魯邑，今東平州地。秋，齊侯魯

侯莒子邾子杞伯盟于鄆陵。地名，未詳。○謀。

○九月，楚子居卒。平王在位十三年。子軫嗣。是為昭王。○**編**楚平王卒，令

尹子常囊瓦欲立子西。平王庶長子。曰：「太子壬，即軫，弱其母，王子建實聘之子，西長而好善，立長則順，建善則治，可不務乎？」子西怒

曰：「是亂國而惡君王也。」楚國何為必殺令尹？令尹懼，乃立昭

王。

○冬十月，王入于成周，尹氏召伯毛伯以王子朝奔楚。○**編**

晉知躒即荀躒趙鞅帥師納王，使女寬晉大夫守闕塞。洛陽西南伊闕口也。

王起師于滑，次于尸。在鞏縣地。晉師克鞏。今鞏縣。召伯盈逐王子朝。

王子朝及召氏之族、毛伯得、尹氏固、南宮嚳奉周之典籍以

奔楚。召伯逆王及劉子單子盟，王入于成周，盟于襄宮。晉師

使成公般戍周而還。

○**丙**五年夏，吳弑其君僚。僚在位十二年，遇弑。諸樊之子光立。是為闔閭。○

編吳子欲因楚喪伐之，使公子掩餘燭庸帥師圍潛。今廬江縣地。

使延州來季子聘上國，以觀諸侯。楚莠尹然工尹麋二尹楚官名

帥師救潛，吳師不能退。公子光曰：「時不可失也。」告專諸曰：「我

志行

王嗣也。吾欲求之事。若克季子。雖至不我廢也。專諸曰。王可弑也。母老子弱。是無若我何。光曰。我爾身也。言我猶爾也四月。光伏甲于堀室而享王。專諸寘劍于魚中以進。遂弑王。季子至曰。苟先君無廢祀。民神無廢主。社稷有奉。國家無傾。乃吾君也。吾誰敢怨。復命哭墓。復位而待。掩餘奔徐。燭庸奔鍾吾。楚師聞吳亂而還。

○楚殺其大夫卻宛。○**編**卻宛直而和。國人說之。鄢將師與費無極比而惡之。無極譖宛于子常。子常告鄢將師。將師遂令攻卻氏。且蕪之。宛自殺。令尹盡滅卻氏之族黨。

○秋。晉士鞅。宋樂祁犁。衛北宮喜。曹人邾人滕人會于扈。○**編**會于扈。在滎陽縣北令戍周。且謀納魯侯也。宋衛皆利納魯侯。

固請之。范獻子士鞅取貨于季氏。不欲納魯侯。乃辭諸小國。而以難復。以難納魯君也

○楚誅讒臣費無極。○**編**楚卻宛之難。謗言未已。沈尹戍謂子常曰。左尹何罪。而子殺之。以興謗。仁者殺人以掩謗。猶弗為也。今吾子殺人以興謗。不亦異乎。無極楚之讒人也。民莫不知。鄢將師矯吾子之命。以滅三族。國之良也。吳有新君。疆場日駭。楚國若有大事。子其危哉。子常乃殺費無極。與鄢將師盡滅其族。以說于國。謗言乃止。

○冬十月。曹伯午卒。悼公在位九年弟野立。是為聲公

○**丁亥**六年春。魯侯如晉。次于乾侯。晉邑。今成安縣地○**編**子家子曰。有求于人。而卽其安。人孰矜之。其造于境。弗聽。使請逆于晉。

晉人曰天禍魯國君淹恤在外亦不使一介辱在寡人而即安于甥舅其亦使逆君使公復于境而後逆之

○夏四月鄭定公卒在位十子蠆嗣是為獻公

○六月晉殺祁盈奚孫午子及楊食我似我○編祁勝與鄆臧通室

祁盈執之祁勝賂荀躒使言于晉侯晉侯執祁盈盈之臣曰鈞將皆死愬使吾君聞勝與臧之死也以為快乃殺之六月

晉殺祁盈及其黨楊食我食我叔向之子其母乃夏姬之女遂滅祁氏羊舌

氏晉韓宣子卒魏獻子舒為政分祁氏之田為七縣羊舌氏之田為三縣

○秋七月滕子寧卒子公結嗣是為頃公

○戊子七年春殺召伯盈尹氏固原伯魯之子皆子朝之黨也

○己丑八年夏六月晉頃公卒在位十四年子午嗣是為定公

○冬十二月吳滅徐徐子章禹奔楚○編吳子問伍員曰初

而言伐楚余知其可也而恐其使余往也又惡人之有余之功也今余將自有之矣伐楚何如對曰楚執政眾而乖莫適任患若為三師以肄焉一師至彼必皆出彼出則歸彼歸則出楚必道罷既罷然後以三軍繼之必大克吳子從之楚始

病

○庚寅九年春正月魯侯在乾侯季孫意如會晉荀躒于適歷

晉地○編魯侯在乾侯晉侯將以師納之士鞅曰若召季孫而不來則信不臣矣然後伐之若何晉人召季孫鞅使私焉曰子必來我受其無咎意如會荀躒于適歷

○夏四月薛獻公卒子定嗣是為襄公○秋吳人侵楚

○辛卯十年夏吳伐越○編史墨曰不及四十年越其有吳乎

越得歲歲木星也時歲在星紀星紀越之分野而吳伐之必受其凶

○冬十一月晉韓簡子起之孫名不佞如京師合諸侯之大夫于狄

泉尋盟且令城成周以免戌周之役

○十二月魯昭公卒于乾侯在位二十四年出奔在外八年

○壬辰十有一年夏六月魯季孫意如廢世子而立昭公之弟

宋是為定公○編公之喪至自乾侯定公即位季孫使役如闕今東

平州地魯先公墓所在公氏將溝焉季孫惡昭公欲溝絕其域兆不使與先君同也榮駕鵝曰

生不能事死又離之以自旌也縱子忍之後必或恥之乃止

季孫曰我欲為君諡加以惡諡使子孫知之對曰生弗能事死又

舍東都而居下都其甚矣

惡之以自信也將焉用之乃止七月葬昭公于墓道南孔子之為司寇也溝而合諸墓

○甲午十有三年春二月邾子穿卒子乞嗣是為隱公

○乙未十有四年春陳侯吳卒在位十四年子柳嗣是為懷公

○三月劉子晉侯會諸侯于召陵侵楚○編蔡昭侯為兩佩

與兩裘以如楚獻一佩一裘于楚子楚子服之以享蔡侯蔡

侯亦服其一子常欲之弗與三年止之唐成公如楚有兩肅

爽馬子常欲之弗與亦三年止之唐人相與謀竊馬以獻子

常子常歸唐侯蔡人聞之固請而獻佩于子常蔡侯歸及漢

沉玉曰余有所濟漢而南者有若大川蔡侯如晉以其子元為質焉而請伐楚三月劉子合諸侯于召陵謀伐楚也

○夏五月杞悼公卒于會

在位十二年

過嗣

是為倍公

○秋七月楚人圍蔡冬十一月蔡侯以吳子及楚人戰于柏舉楚師敗績楚囊瓦出奔鄭吳入郢

○編沈人不會召陵晉人使蔡伐之滅沈楚故圍蔡伍員為吳行人以謀楚楚之殺

郤宛也伯氏之族出伯州犁之孫嚭為吳太宰以謀楚楚自

昭王即位無歲不有吳師蔡侯以其子乾為質于吳冬蔡侯

吳子唐侯伐楚舍舟于淮汭自豫章

楚漢東之地非江南之豫章也

與楚夾

漢子常濟漢而陳自小別至于大別

二別山名在江漢之間

三戰子常

知不可欲奔史皇曰安求其事難而逃之將何所入子必死

之初罪必盡說脫十一月二師陳于柏舉

楚地

闔閭之弟夫槩

曰楚瓦不仁其臣莫有死志先伐之其卒必奔而後大師繼

之必克弗許夫槩不待命以其屬五千先擊子常之卒楚師

亂吳師大敗之子常奔鄭史皇死吳從楚師五戰及郢吳入

郢

楚都在今江陵城東北

壞宗廟徙陳器撻平王之墓以班處宮

君居其君

之寢而妻其君之妻大夫居其大夫之寢而妻其大夫之妻蓋吳王妻楚王之母故春秋惡之楚子濟江入

于雲中

雲夢澤中也

盜攻之奔郢

今安陸縣地

鄭公辛之弟懷將殺之

曰平王殺我父我殺其子不亦可乎辛曰君討臣誰敢讐之

鬪辛與其弟巢以楚子奔隨吳人從之謂隨人曰周之子孫

在漢川者楚實盡之天誘其衷致罰于楚而君又竄之周室

何罪君若顧報周室施及寡人以獎天衷君之惠也隨不聽

命吳人乃退

○丙申十有五年春王使人殺王子朝于楚○編王子朝在楚

十二年至是因楚亂殺之

○三月于越入吳因吳在楚也

○夏六月魯季孫意如卒○編季平子行東野還未至卒于房陽虎將以璵璠斂仲梁懷弗與曰改步改玉君薨以璵璠斂

○楚申包胥以秦師至敗吳師○編初伍員與申包胥友其亡也謂包胥曰吾必覆楚包胥曰子能覆楚我必能興之及

昭王在隨包胥如秦乞師曰吳為封豕長蛇以荐食上國虐始于楚寡君失守社稷使下臣告急秦伯使就館對曰寡君

越在草莽未獲所伏下臣何敢即安立依于庭牆而哭日夜不絕聲勺飲不入口者七日秦伯為之賦無衣九頓首而坐

秦師乃出申包胥以秦師至吳師大敗吳子還

其父無君
務必至此

○秋七月魯季氏家臣陽虎囚季孫斯意如之子○編陽虎囚

季桓子及公父文伯桓子從昆弟名歆而逐仲梁懷冬殺何藐盟桓

子于稷門之內大誣逐公父歆及秦遄平子始婿皆奔晉

○楚子入于郢○編楚子賞申包胥等包胥曰吾為君也非

為身也君既定矣又何求遂逃賞初楚子奔郢鍾建負季芊

昭王之妹以從楚子將嫁季芊季芊辭曰所以為女子遠丈夫也

今鍾建負我矣乃以妻鍾建以為樂尹

○冬燕平公卒在位九年簡公立

○丁酉十有六年春鄭游速帥師滅許以許男斯歸

○夏六月鄭寇胥靡等邑晉人入戍○編周儋翩率王子朝

之徒因鄭人以作亂鄭于是伐馮滑胥靡負黍狐人闕外皆周

邑 晉閻沒戍周且城胥靡

○冬十二月王處于姑蓀地名未詳○避僖公之亂也

○戊十有七年春二月周僖公入于儀栗周邑以叛單子劉子

敗尹氏于窮谷尹氏復黨僖公共為亂故敗之

○冬十二月王入于王城○編單子劉子逆王于慶氏晉籍

秦送王十二月王入于王城館于公族黨氏而後朝于莊宮

○己亥十有八年春正月單子伐穀城簡城劉子伐儀栗孟以

定王室四邑皆僖公之黨相助作亂者

○曹伯露卒靖公在位四年子伯陽嗣

○秋七月陳侯柳卒于吳懷公在位四年國人立其子越是為閔公○編

吳復召陳懷公吳人鄂時召之懷公恐如吳吳怒其前不往留之因

卒于吳陳人乃立懷公之子越

○魯陽虎作亂攻三家不克奔齊○編陽虎欲去三桓以季

寤桓子之弟更季氏以叔孫輒叔孫庶子更叔孫氏已更孟氏十月將

享季氏于蒲圃而殺之公斂處父告孟孫為備陽虎劫公與

武叔叔孫州仇以伐孟氏季孫在孟氏故伐之公斂處父與陽氏戰于棘下

城內地名陽氏敗陽虎脫甲如公宮取寶玉夏后氏之璜大弓封父之繁弱

以出入于謹陽關以叛明年歸寶玉大弓六月伐陽關陽虎

出奔齊又奔宋又奔晉適趙氏仲尼曰趙氏其世有亂乎

○庚子十有九年夏四月王獻公卒在位十三年子滕嗣是為聲公

○魯以孔子為中都今上縣○編孔子治中都制為養生送

死之節長幼異食強弱異任男女別塗路無拾遺器不彫偽

魯國孔子

為四寸之棺五寸之槨因丘陵為墳不封不樹行之一年而四方之諸侯則焉

○秋秦哀公卒在位三子嗣是為惠公

○辛丑二十年春魯以孔子為司空進為大司寇○編孔子為

司空乃別五土之性而物得其生之宜咸得厥所由司空為大司寇設法而不用無姦民

○夏魯侯會齊侯于夾谷今萊蕪縣地魯侯至自夾谷齊人歸魯

鄆皆魯邑名謹龜陰田○編齊大夫言于景公曰魯用孔丘其勢

危齊乃使使告魯為好會會于夾谷魯定公且以乘車好往

孔子攝相事曰臣聞有文事者必有武備請具左右司馬以從既會齊有司請奏四方之樂于是旗旄劍戟鼓譟而至孔

孔子為大司寇

子趨而進曰吾兩君為好會夷狄之樂何為于此齊景公心

怍麾之使退齊有司請奏宮中之樂優倡侏儒為戲而前孔子

趨而進曰匹夫熒惑諸侯者罪當誅請命有司加法焉首足

異處景公懼歸謫其臣曰魯以君子之道輔其君而子獨以

夷狄之道教寡人于是齊人歸所侵魯汶陽之田以謝過

○冬晉趙鞅定無恤為嗣○編趙簡子之長子曰伯魯幼曰

無恤將置後不知所立乃書訓戒之詞于二簡以授二子曰

謹識之三年而問之伯魯不能舉其詞求其簡已失之矣問

無恤誦其詞甚習求其簡出諸袖中奏之于是立無恤為後

○癸卯二十有二年春薛襄公卒子比嗣

○魯叔孫州仇帥師墮郈季孫斯仲孫何忌帥師墮費魯侯

圍成弗克。○編孔子言于定公曰：臣不藏甲，大夫無百雉之城，使仲由為季氏宰，將墮三都。于是叔孫氏墮郕。在今沂州境季氏將墮費。今費縣公山不狃、叔孫輒率費人以襲魯。公與三子入季氏之宮，登武子之臺。費人攻之，弗克，遂墮費。將墮成。在今寧陽縣境公斂處父謂孟孫曰：墮成，齊人必至于北門。且成，孟氏之保障，無成，是無孟氏也。子偽不知，我將不墮。十二月，公圍成，不克。

綱鑑會編卷六

綱鑑會編卷七

文安 劉德芳 訂正

崑山 葉 澧 輯錄

東周紀

敬王

○甲辰二十有三年秋，晉趙鞅入于晉陽以叛。○編趙鞅謂邯

鄲午曰：歸我衛貢五百家。先衛人所貢之五百家，鞅置之邯鄲，今欲徙之也。吾舍諸

晉陽。午許諾，歸告其父兄，皆曰：不可。鞅怒，殺午，圍邯鄲。邯鄲

午，荀寅吳子之甥也。荀寅，士吉射士鞅子之姻也。而相與睦，故不

與圍邯鄲。將作亂。秋七月，范氏中行氏伐趙氏，鞅奔晉陽。晉

人圍之。

○冬晉荀寅士吉射入于朝歌以叛。○編知文子荀韓簡子躒不魏襄子多與荀寅士吉射相惡將逐荀范荀躒言于晉侯曰君命大臣始禍者死載書在河今三臣始禍而獨逐鞅刑已不均矣請皆逐之遂伐二子弗克二子將伐公齊高彊曰三折肱知為良醫惟伐君為不可民弗與也弗聽遂伐公國人助公二子敗奔朝歌。

○晉趙鞅歸于晉。○編荀范奔朝歌韓魏以趙氏為請十二月趙鞅入于絳盟于公宮。

○魯以孔子攝相事。○編孔子為相攝朝七日而誅亂政大夫少正卯門人問曰少正卯魯之聞人也夫子為政而始誅之得無失乎孔子曰人有大惡者五而盜竊不與焉一曰心

逆而險二曰行辟而堅三曰言偽而辯四曰記醜而博五曰順非而澤此五者有一于人則不得免于君子之誅而少正卯兼有之故居處足以聚徒成羣言談足以飾邪營眾彊足以反是獨立此小人之桀雄也不可以不誅是以湯誅尹諧文王誅潘正周公誅管蔡太公誅華仕管仲誅付里乙子產誅鄧析央何此七子者皆異世同心不可不誅也。○初魯之販羊有沈猶氏常朝飲其羊以詐市人有公慎氏者妻淫不制有慎潰氏者奢侈踰法魯之鬻六畜者飾之以儲價及孔子為政沈猶氏不敢朝飲其羊公慎氏出其妻慎潰氏越境而徙三月則鬻牛馬者不儲價賣羔羊者不加飾男女行者別其塗道不拾遺男尚忠信女尚貞順。

○薛弒其君比子夷立。是為惠公

○齊人歸女樂于魯。孔子適衛。○編孔子相魯三月，魯大治。齊人聞之，懼曰：「孔子為政，必霸。霸則吾地近焉，我為之先，井矣。盍致地焉？」犁鉏曰：「請先嘗沮之，沮之不可，則致地庸遲乎？」于是選齊國中美女八十人，皆衣文衣而舞康樂，文馬三十匹，遺魯君。陳女樂文馬于魯城南高門外。季桓子微服往觀，再三將受，乃語魯君為周道游，往觀終日，怠于政事。子路曰：「夫子可以行矣。」孔子曰：「魯今且郊，如致餼于大夫，則吾猶可以止。桓子卒受齊女樂，三日不聽政，郊又不致餼俎于大夫，孔子遂行。始孔子由大司寇攝相事，其初人謗曰：『麤裘而鞞，投之無炭，鞞之麤裘，投之無郵。』三月政成，化行，民誦之曰：『袞衣章甫，實獲我所，章甫袞衣，惠我無私。』」

○越子允常卒，子勾踐嗣。是為莢執

○編夏少康之庶子，封于會稽，號曰無余。後二十餘世，傳至允常。允常之時，與吳王闔閭戰而互相怨伐。

○乙巳二十有四年春，楚滅頓。今項城縣地以頓子牂歸。

○夏五月，於越敗吳于檣李。音嘉興府吳子光卒，子夫差嗣。

○編吳伐越，越勾踐禦之，陳于檣李，大敗之。靈姑浮越大夫以戈擊闔閭，闔閭傷，將指足大取其一履，還卒于陘，去檣李七里。

夫差使人立于庭，苟出入，必謂已曰：「夫差而忘越王之殺而父乎？」則對曰：「唯不敢忘。」三年，乃報越。

○秋，衛世子蒯聵出奔宋。○編初，衛侯為夫人南子召宋朝。

此英雄自勵也

太子蒯聵獻孟衛邑于齊。過宋野，野人歌之曰：「既定爾婁豬，盍歸我艾豎。」太子羞之，謂戲陽速曰：「從我朝少君，少君見我，我顧乃殺之。」速曰：「諾。」乃朝夫人。夫人見太子，太子三顧，速不進。夫人見其色，啼而走曰：「蒯聵將殺余，公執其手以登臺。」太子奔宋，盡逐其黨。

○孔子自衛適陳，畏于匡，復反于衛。○**編**孔子在衛，主顏濁鄒家，衛人致粟六萬石，居十月去衛，將適陳，過匡，匡人圍之，數匝而弦歌不輟，無幾何，將甲者辭曰：「以為陽虎也，故圍之，今非也，請辭而退。」孔子去匡，即過蒲。匡蒲衛邑皆在長垣縣境月餘，反乎衛，主蘧伯玉家，靈公夫人南子使人謂孔子曰：「四方之君子不辱欲與寡君為兄弟者，必見寡小君，寡小君願見孔子，辭。」

謝不得已而見之，夫人在絺帷中，孔子入門，北面稽首，夫人自帷中再拜，環佩玉聲璆然。孔子曰：「吾鄉為弗見，見之禮答焉。」

○冬，晉人敗范中行氏之師，又敗鄭師。○**編**十二月，晉人敗范中行氏師于潞，獲籍秦、高彊，又敗鄭師及范氏師于百泉。籍高二子皆范氏黨，鄭亦助范氏者。

○**丙午**二十有五年春，孔子去衛過曹。○**編**孔子居衛，靈公與夫人同車，宦者雍渠參乘，出使孔子為次，乘招搖過市，孔子醜之，去衛過曹。

○二月，楚子滅胡，以胡子豹歸。胡在今潁州西北

○夏五月，魯定公卒。在位十五年子蔣嗣。是為哀公

○秋九月孔子自曹適宋及鄭至陳。○編孔子至宋與弟子習禮大樹下。宋司馬桓魋欲殺孔子伐其樹孔子去之適鄭與弟子相失孔子獨立郭東門鄭人或謂子貢曰東門有人其顙似堯。河目而隆顙其項類臯陶其肩類子產其要音腰以下不及禹三寸。纍纍不得意貌若喪家之狗子貢以告孔子笑曰形狀未也似喪家之狗然哉然哉遂至陳主于司城貞子家。

○丁未二十有六年春楚子陳侯隨侯許男圍蔡。報柏舉之役

○吳子敗越于夫椒。山名在大湖濱○編報樵李也遂入越越子以

甲楯五千棲于會稽使大夫種因吳太宰嚭以行成請委國為臣妾夫差將許之伍員諫曰不可臣聞之樹德莫如滋去疾莫如盡勾踐能親而務施施不失人親不棄勞與我同壤

料敵如神
史墨言數
適合

而世為讐敵于是乎克而弗取將又存之違天而長寇讐後雖悔之不可及已弗聽退而告人曰越十年生聚而十年教訓二十年之外吳其為沼乎越及吳平。

○秋八月吳侵陳。○編夫差克越乃修先君之舊怨故侵陳

吳師在陳楚大夫皆懼子西曰二三子無患吳矣昔闔閭食不二味居不重席室不崇壇器不彫鏤宮室不觀舟車不飾衣服財用擇不取費在國天有蓄癘親巡孤寡而共其乏困在軍熟食者分而後敢食勤恤其民而與之勞逸是以民不罷勞死知不曠今聞夫差次有臺榭陂池焉宿有妃嬪嬪御焉一日之行所欲必成玩好必從珍異是聚觀樂是務視民如讐而用之日新先自敗也已安能敗我。

○戊申二十有七年春孔子自陳反于衛○編孔子去陳過蒲會公叔氏以蒲叛蒲人止孔子弟子公良孺鬪甚疾蒲人懼乃出孔子孔子適衛衛靈公郊迎孔子然老怠于政不用孔子

○晉中牟宰佛肸據邑以叛○編佛肸為中牟今中牟縣有佛肸城宰

趙簡子攻范中行氏伐中牟佛肸置鼎于庭不與已者烹之使人召孔子孔子欲往不果行

○孔子自衛如晉不果反乎衛復如陳○編孔子既不用于

衛晉趙簡子使人來聘孔子將西見之至河欲渡聞竇鳴犢舜華之死臨河而歎曰美哉水洋洋乎丘之不濟此命也夫

子貢問曰何謂也孔子曰二子晉國之賢大夫也趙氏未得

志之時用此兩人而後從政今得志乃殺之君子惡傷其類

故余云然遂反乎衛復如陳陳侯起陵陽之臺未畢而死者

數人又執三監吏將殺之問孔子曰周作靈臺亦戮人乎對

曰文王之興附者六州六州之眾以子道來不日成之何戮

之有陳侯赦監吏遂罷役

○夏四月衛侯元卒靈公在位四十五年蒯聵之子輒嗣立是為出公晉趙

鞅帥師納衛世子蒯聵于戚衛地○編初衛侯謂公子郢曰余

無子將立女對曰郢不足以辱社稷君其改圖靈公卒夫人

曰命公子郢為太子君命也對曰郢異于他子且君没于吾

手若有之郢必聞之且亡人之子輒在乃立輒六月晉趙鞅

納衛太子于戚宵迷陽虎曰右河而南必至焉使太子統八

人衰經偽自衛逆者告于門哭而入遂居之

○冬十一月燕簡公卒在位十年獻公立

○配二十有八年春齊國夏衛石曼姑帥師圍戚

○夏五月魯桓宮僖宮災編司鐸火火踰公宮桓僖災二

之廟亦火孔子在陳聞火曰其桓僖乎二廟親盡不祧宜為天所災

○六月周殺其大夫萇弘編劉氏范氏世為婚姻萇弘事

劉文公故與范氏趙鞅以為討周人殺萇弘弘蜀資中人孔子嘗從之問樂

記稱弘矢心王室而王不能用且殺弘以悅趙鞅弘死藏其血三年化為碧

○秋七月魯季孫斯卒編季桓子病輦而見魯城歎曰昔

此國幾興矣以我獲罪于孔子故不興也桓子庶子名肥顧謂康子

曰我即死若必相魯相魯必召仲尼後數日桓子卒康子嗣

位欲召仲尼公之魚曰昔吾先君用之不終為諸侯笑今又用之不能終是再為諸侯笑康子曰誰召而可曰必召冉求于是康子使召冉求

○冬十月秦惠公卒在位九年子嗣是為悼公

○晉趙鞅帥師圍朝歌編荀寅犯師出奔邯鄲趙鞅殺士

皐夷

○庚二十有九年春二月盜殺蔡昭侯在位二十年子朔嗣是為成侯

○編蔡侯將如吳諸大夫恐其又遷也承公孫翩逐而射之

入于家而卒

○秋八月滕頃公卒在位二十三年子虞毋嗣是為隱公

○辛三十年夏晉趙鞅帥師伐衛晉荀寅士吉射奔齊編

趙鞅伐衛遂圍邯鄲荀寅奔鮮虞齊國夏伐晉會鮮虞納荀

寅于柏人今唐山縣晉圍柏人荀寅士吉射奔齊

○秋九月齊景公卒在位五十八年少子荼立冬十月齊公子駒公

子嘉公子黔奔衛公子鉏公子陽生奔魯○編齊景公嬖鬻

婁之子荼公疾使國惠子高昭子立荼置羣公子于萊秋景

公卒冬公子駒嘉黔奔衛公子鉏陽生奔魯

○子壬三十有一年春吳伐陳楚子救陳○編吳伐陳復修舊

怨也楚子曰吾先君與陳有盟不可不救乃救陳師于城父

○孔子自蔡如葉楚邑楚子遣使來聘孔子○編楚子救陳聞

孔子在陳蔡之間使人聘之陳蔡大夫謀曰孔子用于楚則

陳蔡危矣相與發徒圍之于野孔子曰詩云匪兕匪虎率彼

曠野吾道非邪吾何為于此子貢曰夫子道至大天下莫能

容顏回曰不容何病不容然後曰君子楚子與師迎之乃得

至楚將封以書社地七百里楚人尹子西曰王之使諸侯有

如子貢者乎曰無有王之輔相有如顏回者乎曰無有王之

將率有如子路者乎曰無有王之官尹有如宰予者乎曰無

有且楚之祖封于周號為子男五十一今孔丘述三王之法

明周召之業王若用之則楚安得世世堂堂方數千里乎夫

文王在豐武王在鎬百里之君卒主天下今孔丘得據土壤

賢弟子為佐非楚之福也楚子乃止

○秋七月楚子軫卒在位三十七年羣臣立其子章是為惠公○編楚子

在城父救陳卜戰不吉曰然則死也再敗楚師不如死棄盟

○編楚子

在城父救陳卜戰不吉曰然則死也再敗楚師不如死棄盟

逃讐亦不如死死一也其死讐乎命公子申子為王不可則
 命公子結子期亦不可則命公子啓子閻五辭而後許將戰有疾
 攻大冥卒于城父子闔退曰君王舍其子而讓羣臣敢忘君
 乎從君之命順也立君之子亦順也二順不可失也與子西
 子期謀潛師閉途逆越女勾踐之女之子章立之而還是歲也有
 雲如衆赤鳥夾日以飛三日楚子問于周太史對曰其當王
 身乎若禱禳祭也之可移于令尹司馬楚子曰除腹心之疾而
 寘諸股肱何益不穀不有大過天其天諸有罪受罰又焉移
 之遂弗禱

○孔子自楚反于衛

○齊陽生入于齊是為悼公齊陳乞弑其君荼孺子在位一年○編陳僖

子乞使召公子陽生于魯十月立之將盟鮑叔謂陳乞曰女

忘君之為孺子牛景公鍾愛孺子常啣繩為牛使茶牽之而折其齒乎茶頓地故折景

齒公而背之也陽生稽首曰吾子奉義而行者也若我可不必

亡一大夫鮑指若我不可不必亡一公子已指義則進否則退敢

不惟命是從鮑叔曰誰非君之子乃受盟公使朱毛告陳子

曰微子則不及此然君異于器不可以二器二不匱君二多

難敢布諸大夫僖子不對而泣毛遷孺子于駘齊地殺諸野幕

之下

○癸丑三十有二年夏魯侯會吳于郟今嶧縣○編吳來徵百牢

子服景伯曰先王未之有也吳人弗聽景伯曰吳將亡矣棄

天而背本不與必疾于我乃與之

○秋魯侯伐邾以邾子益歸。○編季康子欲伐邾享諸大夫以謀之子服景伯孟孫皆以為不可茅成子請告于吳不許遂入邾處其公宮衆師晝掠以邾子益來獻于亳社囚于負瑕邾茅夷鴻以束帛乘韋自請救于吳吳子許之。

○甲寅三十有三年春正月宋公入曹以曹伯陽歸。○編初曹人或夢衆君子立于社宮而謀亡曹曹叔振鐸請待公孫彊許之及曹伯陽即位好田弋曹鄙人公孫彊好弋獲白鴈獻之且言田弋之說悅之使為司城以聽政彊言霸說于曹伯曹伯從之乃背晉而姦宋宋人伐之晉人不救遂滅曹執曹伯陽公孫彊以歸殺之。

○吳伐魯魯歸邾子益于邾。○編吳為邾故伐魯克武城國

人懼吳師次于泗上微虎欲宵攻王舍私屬徒十百人三踊于幕庭卒三百人有若與焉及稷門之內吳子聞之一夕三遷吳人行成邾子齊甥也齊侯使如吳請師將以伐魯乃歸邾子邾子又無道吳子使太子餘討之囚諸樓臺梏之以棘使諸大夫奉太子革以為政後二年邾隱公奔魯又奔齊。○夏五月齊伐魯取讎及闡。俱在今寧陽縣境。○編初齊悼公奔魯季康子以其妹妻之即位而送之季魴侯。康子之叔通焉女言其情弗敢與也齊侯怒使鮑牧帥師伐魯取讎及闡秋魯及齊平齊送季姬以歸嬖仍歸魯讎闡之邑。

○冬十二月杞僖公卒。在位十九年子維嗣。是為閔公

○乙卯三十有四年夏楚人伐陳。○編陳即吳故也秋吳城邾

音溝通江淮吳人於邗江築城穿溝東北通射陽湖西北至宋口入淮通糧道也

○冬吳子使如魯○**編**前年齊與吳謀伐魯既而齊與魯成而止故吳憾之反與魯謀伐齊

○**丙辰**三十有五年春魯侯會吳伐齊三月齊侯陽生卒悼公在位

四年子壬嗣是為簡公○**編**魯會吳伐齊南鄙師于郟音息齊地齊人

弒悼公赴于師吳子三日哭于軍門之外徐承帥舟師將自海入齊齊人敗之吳師乃還

○冬孔子自陳復至衛○楚王孫圉聘于晉○**編**晉定公饗

王孫圉趙簡子鳴玉以相問曰楚之白珩猶在乎對曰然簡

子曰其為寶也幾何矣幾何世也曰楚國無以為寶惟善以為寶

善謂觀射父左史倚相也語詳國語若夫白珩先王之玩也何寶焉

○**丁巳**三十有六年春齊國書帥師伐魯報鄭之役也

○夏五月魯侯會吳伐齊齊國書及吳戰于艾陵今蒙陰縣西北齊

師敗績○**編**吳北伐齊越句踐率眾以朝厚獻遺之吳王喜

獨子胥懼曰是豢吳也切諫不聽使于齊屬其子于鮑氏為

王孫氏反役吳子聞之賜之屬鏹劍名以死將死曰抉吾目懸

之東門以觀越師之人也吳子浮之江

○秋滕隱公卒在位七年○冬孔子自衛反魯○**編**魯人以幣召

孔子乃歸哀公問政然終不能用乃序書上自唐虞始于堯典下

至秦繆終于秦誓刪古詩三千為三百五篇笙詩六篇無辭也皆絃歌之

禮樂自此可述晚而喜讀易韋編三絕序彖象繫辭說卦文

言弟子三千人身通六藝者七十有二人

孔子刪經

○戊午三十有七年魯用田賦。○編季孫欲以田賦訪諸仲尼。不對。私謂冉有曰：君子之行也，度于禮。施取于厚，事舉其中。斂從其薄。如是則以丘亦足矣。且子季孫若欲行法，則有周公之典在，不聽。卒用田賦。

○己未三十有八年夏，單子魯侯、晉侯會吳子于黃池。衛地在今封丘

縣南吳子使駱來告勞於越人吳及越平。○編夏魯哀公會單平公、晉定公、吳夫差于黃池。六月，越子聞吳子久留未歸，乃悉士眾以伐吳，大敗吳師，獲太子友、王孫彌庸、壽遂，入吳。吳人告敗于夫差，夫差惡其聞也，自剄。七人于幕下。七月盟。吳晉爭先。吳人曰：于周室，吾為長。晉人曰：于姬姓，吾為伯。趙鞅呼司馬寅曰：日旰矣，大事未成，二臣之罪也。建鼓整列，二臣

死之。長幼必可知也。對曰：請姑視之。反曰：肉食者無墨，今吳王有墨，國勝乎？太子死乎？且夷德輕，不忍久，請少待之。乃先吳人。吳又恐齊宋之為害，乃命王孫駱告勞于周王，賜弓弩。王詐以增號謚。吳子歸，以國亡太子內空，又居外久，士皆罷敝，乃使厚幣以與越平。

○庚申三十有九年春，魯西狩獲麟。○編魯人狩于大野，叔孫氏之車子鉏商獲麟，見其麇。音君，麇也。而角以為不祥，以賜虞人。仲尼觀之，曰：麟也，孰為來哉？麟，仁獸也。有王者則至。反袂拭面，涕沾袍。

曰：吾道窮矣。于是因魯史記作春秋，自隱至哀十二公。隱桓莊閔信文宣成襄昭定哀。絕筆于獲麟，筆則筆，削則削。游夏不能贊一辭。

○夏四月，齊恒執其君寘于舒州。○編齊簡公寵闕止，使為

感物自傷

政陳成子恒憚之諸御鞅言于簡公曰陳闞不可並也君其擇焉弗聽陳氏殺闞止執公寘于舒州齊邑公曰吾早從鞅之言不及此

○六月齊陳恒弑其君王在位十四年遇弑立其弟是為魯侯討之不聽田氏好施以家量貸于民而以公量收之民皆戴之孔子請

魯侯討之不聽田氏好施以家量貸于民而以公量收之民皆戴之孔子請

○辛酉四十年夏五月熒惑火守心宿○編心宋之分野也景

公憂之司星子韋曰可移于相公曰相吾之股肱曰可移于

民公曰君者待民曰可移于歲公曰歲饑民困吾誰為君子

韋曰天高聽卑君有君人之言三熒惑宜有動于是候之果

徙三度

○壬戌四十有一年春正月衛世子蒯聵自戚入于衛是為莊公其

郭者支原而外蒯內輒皆必爭之人郭者而賢少天惜輒不知所以善亦交耳

居於有德之言

臣未好雄之行和惠多王莽治天下士時

子輒出奔魯衛侯使鄆臧來告○編衛孔圉娶蒯聵之姊伯

姬生悝孔氏之豎渾良夫長而美圉卒通于內太子在戚伯

姬使良夫于太子太子與之盟曰苟使我入獲國服冕乘軒

三死無與為請于伯姬良夫與太子入舍于孔氏之外圃昏

二人蒙衣而乘遂適伯姬氏既食伯姬仗戈而先太子與五

人介甲輿也豨從之載豨豨欲以盟也迫孔悝于厠強盟之遂劫以登

臺樂寧聞亂使告季路將入遇子羔將出曰弗及不踐其難

季路曰食焉不避其難子羔遂出季路入公孫敢止無入季

路曰求利而逃其難由不然乃入曰太子無勇若燔臺必舍

孔叔太子聞之懼其臣石乞孟黶以戈擊季路斷纓冠系之下垂者

季路曰君子死冠不免結纓而死孔子聞衛亂曰柴也其來

孔子卒時
年七十三
左傳補經
止此

由也其死矣孔悝立莊公召獲奉輒奔魯衛侯使鄆武子告于周衛侯飲孔悝酒于平陽今大名府地而行出奔宋

○夏四月孔子卒○編魯哀公誄之曰旻天不弔不憇遺一

老俾屏余一人以在位煢煢余在疚嗚呼哀哉尼父無自律

子貢曰君其不沒于魯乎禮失則昏名失則愆失志為昏失

所為愆生不能用死而誅之非禮也稱一人非名也君兩失

之孔子葬魯城北泗上弟子及魯人往從冢而家者百有餘

室因命曰孔里今日瑩樹以百數皆異種四方弟子各持不

生荆棘刺人之草

○楚公孫勝殺令尹公子申司馬公子結執楚子寘于高府

陳人侵楚沈諸梁討勝誅之迎楚子復位○編楚太子建之

遇讒也自城父奔宋又奔鄭鄭人善之又適晉與晉人謀襲

鄭乃求復焉鄭人復之如初晉人使謀于建請行而期焉鄭

人知之遂殺建其子曰勝在吳子西欲召之葉公沈諸梁曰吾

聞勝也詐而亂無乃害乎子西弗從召之使處吳境為白公

白楚邑今息縣地請伐鄭子西曰楚未節也不然吾不忘也他日又

請許之師未起晉人伐鄭楚救之與之盟勝怒曰鄭人在此

讐不遠矣白公厲劍子期結之子平見之曰王孫何自厲也

曰將以殺爾父平以告子西子西不悛吳人伐慎今潁上白

公敗之以戰備獻遂作亂殺子西子期于朝子西以袂掩面

而死石乞曰焚庫弑王不然不濟白公曰弑王不祥焚庫無

聚將何以守白公欲以子閭為王劫之不從殺之而以楚子

子重

如高府。在江陵縣葉公聞亂而至及北門或遇之曰君胡不胄國

人望君如望慈父母焉盜賊之矢若傷君是絕民望也若之

何不胄乃胄而進又遇一人曰君胡胄國人望君如望歲焉

日月以幾若見君面是得艾也。治也其亦夫有奮心猶將旌君以

徇于國而又掩面以絕民望不亦甚乎乃免胄而進與國人

攻白公白公奔山而縊其徒微之。藏其尸也生拘石乞而問焉對

曰余知其死所而長者使余勿言曰不言將烹乞曰此事克

則為卿不克則烹固其所也何害乃烹石乞葉公兼二事國

寧。兼令尹司馬二事國以安寧乃使寧。子西為令尹使寬。子期為司馬而

老于葉。亥四十有二年春衛侯殺其嬖人渾良夫。○編太子請殺

良夫。公曰其盟免三死曰請三之後有罪殺之。公曰諾哉春
衛侯為虎幄于籍圃成求令名者與之始食焉太子請使良
夫良夫乘衷甸兩牡紫衣狐裘至袒裘不釋劍而食太子使
牽以退數之以三罪。一紫衣二袒裘三不釋劍而殺之。

○三月越子伐吳敗之于笠澤。
○秋七月楚滅陳殺湣公。○編楚白公之亂陳人恃其聚而

侵楚楚既寧使武城尹帥師取陳麥陳人禦之敗遂圍陳秋
公孫朝帥師滅陳。
○冬十月晉復伐衛衛人出莊公與晉平晉立襄公孫般師

而還。○編晉人既立般師而還衛侯自鄆入般師出十一月
石圃攻公公入于戎州。戎邑也己氏。戎人姓也既入而示之璧曰活

我我與汝璧己氏曰殺汝璧其焉往遂殺之太子疾公子青俱死衛人復公孫般師而立之

○十二月齊人伐衛立公子起執般師而歸

○甲子四十有三年夏衛石圃逐其君起起奔齊衛侯輒自齊復歸

○齊陳恒殺鮑氏晏氏自為封邑○編田常即陳恒既弑簡公

懼諸侯誅己乃盡歸魯衛侵地西約晉韓魏趙氏南通吳越之使修功行賞親于百姓以故齊復定言于齊平公曰德施人之所欲君其行之刑罰人之所惡臣請行之行之五年齊國之政皆歸田氏于是盡殺鮑氏晏氏及公族之強者割齊安平以東至瑯琊自為封邑大于平公之所食

○秦悼公卒在位十五年子嗣是為厲共公

○乙丑四十有四年秋王崩太子仁立

元王名仁敬王之子在位七年

○丙寅元年春吳人殺其公子慶忌○編吳公子慶忌驟諫吳

子曰不改必亡弗聽出居于艾在豫章今江西寧州地遂適楚聞越將

伐吳請歸平越遂歸欲除不忠者以說于越吳人殺之

○冬十一月越圍吳○編越子伐吳至于五湖吳人出挑戰

一日五反越弗與戰居軍三年吳師自潰

○晉定公卒在位三十一年子錯嗣是為出公

○晉趙鞅卒立其次子無恤○編先是趙簡子使尹鐸守晉

陽今太原縣請曰以為繭絲乎抑為保障乎簡子曰保障哉尹鐸

損其戶數至是簡子謂無恤曰晉國有難而無以尹鐸為少無以晉陽為遠必以為歸

○晉荀瑤伯即智伐鄭取九邑○編初智宣子將以瑤為後智

果曰不如宵也瑤之賢于人者五其不逮者一也美鬚長大則賢射御足力則賢伎藝畢給則賢巧文辯慧則賢強毅果敢則賢如是而甚不仁夫以五賢陵人而以不仁行之其誰能待之若果立瑤智宗必滅弗聽智果別族于太史為輔氏

○丁卯二年夏五月越人聘于魯又聘于齊○編越既勝吳欲

霸中國始遣使聘魯又聘齊

○晉趙無恤滅代○編襄子姊為代王夫人簡子既葬未除

服北登夏屋山名請代王使厨人操銅料以食代王及從者行

斟陰令宰人各以料擊殺代王遂興兵平代地其姊聞之泣而呼天摩笄自殺代人憐之名所死地為摩笄山以代封伯

魯襄子子周為代成君

○戊辰三年夏四月越人納邾子益于邾太子革奔越○編邾

隱公自齊奔越曰吳為無道執父立子越人歸之太子革奔

越

○冬十一月越滅吳○編初句踐反國乃苦心焦思臥薪嘗

膽折節下賢厚遇賓客賑貧弔死與百姓同勞苦二十餘年

其民生長可用乃以伐吳吳王敗棲于姑蘇山名吳使人行成

請曰孤臣異日得罪于會稽孤臣不敢逆命得與君王成以歸今君王誅孤臣孤臣意者亦欲如會稽之赦罪句踐不忍

英雄悔晚
夫差李存
鼎是一對

欲許之。范蠡曰：聖人之功，時為之庸，得時弗成，天有還形，乃不許。使者往復，來辭愈卑。句踐又欲許之，蠡又諫曰：孰使我早朝而晏罷者，非吳乎？與我爭三江五湖之利者，非吳乎？十年謀之，一朝棄之，其可乎？句踐曰：吾欲勿許，難對其使者。蠡乃左提鼓，右援枹，以應使者曰：昔天以越賜吳，而吳不受，今天以吳賜越，越敢不受乎？乃不許。成欲遷夫差于甬，句東海洲。夫差曰：吾何面目以視于天下？自縊而死。將死曰：使死者無知，則已；若其有知，吾何面以見員也。其支庶入海為倭，故倭亦云。吳太伯之後。

○越子會齊晉及諸侯于徐州。○編句踐既平吳，乃以兵北渡淮，與齊晉諸侯會于徐州。卽古徐州地，非宋之彭城也。

○越人致貢，王賜越子胥命為伯。○編句踐乃使使號令齊

高子范子
傳卦句
知哉

楚秦晉皆輔周室，血盟而去。秦不如命，句踐選吳越將士，西渡河以攻秦，軍士苦之，會秦怖懼，引咎乃還。

○越子以江北地至泗上，與楚以泗東地與魯歸，吳所侵宋地。○編句踐既會，渡淮而南，越兵橫行于江淮東，諸侯畢賀，號稱霸王。

○越范蠡去越，越伯殺其大夫文種。○編初蠡與句踐深謀二十餘年，竟滅吳，蠡以為大名之下，難以久居，且句踐可與同患，難與處安，遂乘輕舟，遊五湖，浮海出齊，變姓名，自號鴟夷。鳥名。子皮父子治產，至數千萬，齊人聞其賢，以為相，蠡歎曰：居家致千金，居官致卿相，此布衣之極也。久受尊名，不祥，乃歸相印，盡散其財，間行止于陶。今定陶縣。又謂之陶朱公。蠡去，遺

大夫種書曰飛鳥盡良弓藏狡兔死走狗烹敵國破謀臣亡
 越王長頸烏喙不可與共安樂子何不去種稱疾不朝人或
 讒種且作亂越王賜之劍曰子教寡人伐吳七術寡人用其
 三而敗吳其四在子子為我從先王試之種自殺

○已四年夏六月蔡成侯卒在位十八年子產嗣是為聲侯

○庚五年夏四月越人執邾子以歸立公子何太子革弟○編邾

子無道故執之而立公子何何亦無道

○魯侯以公子荆之母為夫人荆為太子○編公子荆之母
 嬖將以為夫人使宗人釁夏獻其禮對曰無之周公及武公
 娶于薛孝惠娶于商自桓以下娶于齊此禮也則有若以妾
 為夫人則固無其禮也公卒立之而以荆為太子國人始惡

之

○魯侯朝于越○編閏月公如越得太子適郢適郢勾踐太子名得與之

相親也將妻公而多與之也季孫懼使因太宰嚭而納賂焉乃

止

○辛未六年夏五月衛侯輒出奔宋○編衛侯與諸大夫飲酒

褚師聲子足衣也而登席公怒褚師出公執手曰必斷而足

聞之與公孫彌牟公文要司寇亥司徒期因三匠與拳彌作

亂攻公公出將適蒲今長垣地彌曰晉無信不可將適鄆今濮州與齊晉

接境彌曰齊晉爭我不可將適泲近魯邑彌曰魯不足與請適城

鉏以鉤越越有君乃適城鉏使如越請師後衛侯輒卒于越

○六月魯侯至自越自後公與大夫有惡

○壬申七年夏五月魯叔孫舒帥師會越人宋人伐衛納衛侯

輒不克納衛人立公子黜是為悼公○冬十月宋景公卒在位四十八年

大尹立啓六卿逐啓及大尹而立得是為昭公○王崩太子介立

貞定王名介元王之子在位二十八年

○癸酉元年夏四月自貞定王元年夏四月以後時月俱闕書晉荀瑶帥師伐鄭齊

陳恒帥師救鄭晉師還

○魯侯出奔越○編公患三桓之侈也欲以諸侯去之三桓

亦患公之妄也故君臣多間公欲以越伐魯而去三桓八月

公如有陘氏即有山氏因孫于邾乃遂如越

○魯哀公卒于有山氏在位二十七年魯人立公之子寧是為悼公○編

國人迎哀公復歸卒于有山氏子寧立悼公之時三桓勝魯

如小侯卑于三桓之家

○乙亥三年晉地震

○丙子四年燕獻公卒在位二十八年孝公立

○越莒執卒句踐在位三十一年子鹿郢嗣是為廙與

○丁丑五年晉荀瑶趙無恤帥師圍鄭

○戊寅六年鄭聲公卒在位三十八年子易嗣是為哀公

○晉河絕于扈

○庚辰八年秦伐大荔戎之別種在今臨晉取其王城

○壬午十年越鹿郢卒在位六年子不壽嗣是為育姑

○癸未十有一年晉荀瑶與趙氏韓氏魏氏滅范中行氏而分

其地晉侯出奔齊○編晉有智氏趙氏韓氏魏氏范氏中行

氏號為六卿六卿彊而專權晉侯卑弱不能制是歲智伯與韓趙魏共滅范氏中行氏而分其地晉侯告于齊魯請伐四卿四卿反攻其君晉侯奔齊

○晉荀瑤滅夙繇

狄國也戰國策作公由

○編初智伯欲滅夙繇而無

道鑄大鐘方車二軌以遺之夙繇之君斬岸堙谿以迎鐘赤章蔓枝諫曰智伯貪而無信欲攻我而無道今師必隨之不聽赤章蔓枝曰為人臣不忠貞罪也忠貞不用遠身可也遂斷轂而行至齊七月而夙繇亡

○甲申

十有二年晉出公卒于齊

在位九年

荀瑤立昭公曾孫驕

是為哀公

而專其政○編晉侯奔齊道死智伯欲盡并晉未敢乃

立驕為君

驕大父雍昭公少子也雍生忌忌善于智伯故立之

是時智伯最強晉政皆

次于智伯哀公不得有所制

○秦襄侯卒

在位五年

子嗣

是為元侯

○晉荀瑤襲衛還三卿宴于籃臺○編智伯欲伐衛遺衛君

野馬白璧南文子

公孫彌牟

曰此小國之禮而大國致之君其圖

之衛君以其言告邊境智伯果起兵襲衛至境而反曰衛有

賢人先知吾謀也還自衛三卿宴于籃臺智伯戲韓康子

虎

而侮段規智國諫曰主不備難必至矣曰難將由我我不為

難誰敢與之對曰卻氏有車轅之難

卻犇與長魚矯爭田後矯嬖于厲公而滅三卻

趙有孟姬之讒

趙嬰通孟姬同括放之孟姬讒于景公殺同括

樂有叔祁之愬

叔祁樂盈

之母與其老州賓通祁愬盈于范宣子滅欒氏

范中行有函治之難

函治范臯夷之邑

皆主

之所知也今主一宴而恥人之君相又弗備曰不敢與難螭

蛾蠹蠱皆能害人况君相乎弗聽自是五年乃有晉陽之難
段規首難而殺智伯于師

○晉河水赤三日按河先絕于扈茲又水赤晉亡之兆也

○酉乙十有三年齊平公卒在位三十五年子積嗣是為宣公○陳成子卒

子盤代自陳完至成子恒七世○陳故國田齊之封邑陳未滅之前田氏猶稱陳陳既滅之後田氏遂稱田

○丙戌十有四年晉荀瑤約魏駒韓虎攻趙無恤無恤奔晉陽

○編智伯請地于韓康子康子欲弗與段規曰智伯好利而

復不與將伐我不如與之彼狃于得地必請于他人他人不

與必向之以兵然則我得免于患而待事之變矣康子曰善

乃與之智伯悅又求地于魏桓子駒桓子欲弗與任章問焉

桓子曰無故任章曰無故索地諸大夫必懼吾與之地智伯

段規任章皆善于時去

必驕彼驕而輕敵此懼而相親以相親之兵待輕敵之人智

氏之命必不長矣桓子曰善亦與之智伯又求蔡皐狼之地

于趙襄子襄子弗與智伯怒帥韓魏之甲以攻之襄子將出

曰吾何走乎從者曰長子近且城厚完襄子曰民罷力以完

之又斃死以守之其誰與我從者曰邯鄲之倉庫實襄子曰

浚民之膏澤以實之又因而殺之其誰與我其晉陽乎先主

之所屬也尹鐸之所寬也民必和矣乃走晉陽

○鄭人弒哀公在位八年而立聲公之弟卅是為共公

○丁亥十有五年晉荀瑤及韓魏圍晉陽○編三家圍晉陽而

灌之城不浸者三板沉竈產龜民無叛意

○子戊十有六年晉趙無恤約魏駒韓虎反攻荀瑤滅之三分

為貪人敗類者戒欲取姑與

孫讓見

其地。○編智伯行水，魏桓子御，韓康子驂乘，智伯曰：「吾乃今知水可以亡人國也。」桓子肘康子，康子履桓子之跗，以汾水可以灌安邑，絳水可以灌平陽也。趙襄子使張孟談潛出見二子曰：「臣聞唇亡則齒寒，趙亡則韓魏為之次矣。」二子乃陰與約為之期，日而遣之。襄子夜使人殺守隄之吏，而決水灌智伯軍，智伯軍亂，韓魏翼而擊之，襄子將卒犯其前，大敗其眾，遂殺智伯，滅其族而分其地。惟輔果在。○襄子漆智伯之頭以為飲器，智伯之臣豫讓欲為之報讐，乃詐為刑人，挾匕首入襄子宮中塗廁，左右欲殺之，襄子曰：「智伯死無後，而此人欲為報讐，真義士也。」吾謹避之耳。讓又漆身為癩，吞炭為啞，行乞于市，其妻不識也。其友識之，為之泣曰：「以子之才，臣

當智伯貪
暴而三備
時讓何不一
言乎

事趙孟，必得近幸，子乃為所欲為，顧不易耶？何乃自苦如此。讓曰：「委質為臣，而求殺之，是二心也。吾所以為此者，將以愧天下後世之為人臣而懷二心者也。」後又伏于橋下，欲殺襄子，襄子殺之。

○齊田盤使其宗人盡為齊都邑大夫，與晉三家通使。○編

初，齊桓公之世，陳公子完敬得罪于陳而奔齊，齊封之于田

子孫盛多，其後齊亂，公室卑弱，諸大夫自相爭奪，權歸田氏。

田氏好施，以家量貸於民，而以公量收之。家量大，斗民皆戴

之，國內多篡弒，立君皆由田氏。田恒弒齊簡公，恒之子盤號

襄子，為齊相，至是與三晉韓趙魏也通使，盡以其兄弟宗人為都

邑大夫。

○趙無恤伐狄。○編趙無恤使新稚也。狗名也。伐狄勝之。取左
 人中人。狄二邑也。遽人來告。襄子方食而有憂色。侍者曰：狗之
 事大矣。謂勝二邑也。而主色不怡。何也？襄子曰：夫江河之大也。不過
 三日。飄風暴雨。不終朝。日中不須臾。今趙氏之德無所積。一
 朝而兩城下。亡其及我哉。

○庚寅十有八年。衛悼公卒。在位七年。子弗嗣。是為敬公。○蔡元侯卒。在位

六年。子齊嗣。

○辛卯十有九年。燕孝公卒。在位十年。載嗣。是為成公。

○壬辰二十年。越育姑卒。在位十年。子翁嗣。是為朱勾。

○甲午二十有二年。楚子滅蔡。蔡侯齊出亡。齊在位四年而亡。○蔡姬姓侯爵出

自周文王子叔度之裔。武王克商。封叔度於蔡。監殷其地。今河南上蔡縣也。至是楚滅之。叔度至齊。凡二十六世。歷六百

七十
年而亡

○丙申二十有四年。楚滅杞。杞妣姓伯爵。周武王克商。求夏禹

其地今河南杞縣也。至是楚惠滅之。凡二十一世。歷六百七十八年。

○楚與秦平。楚東侵地。至于泗。○編楚滅杞。與秦平。是時越
 已滅吳。而不能正江淮以北。楚東侵地。直至泗上。

○丁酉二十有五年。秦伐義渠。古西戎國。今慶陽府。擄其君。晉滅伊洛陰

戎。○編其遺脫者皆西走。踰汧隴。自此中國無戎寇。惟餘義
 渠一種焉。

○戊戌二十有六年。日有食之。晝晦。星見。○秦厲共公卒。在位二十

二年。子嗣。是為躁公。

○庚子二十有八年。春。王崩。子去疾立。是為哀王。三月。弟叔弒王。自

立是為秋八月王子嵬殺叔而自立

○封弟揭于河南以續周公之職○編河南即邲鄆周武王克商遷九鼎周公相成王營以為都是為王城又遷殷頑民于洛陽下都是為成周平王東遷定都于王城敬王時王子朝之亂其餘黨多在王城敬王畏之徙都成周至是考王以王城故地封其弟桓公焉

考王名嵬貞定王少子在位十五年

○辛元年

○壬二年晉哀公卒在位十八年子抑嗣是為幽公○龍門河水赤三日

○甲四年晉侯反朝于韓趙魏氏○編晉獨有絳曲沃地餘

皆屬三家

○丙六年夏六月秦雨雪

○丁七年燕成公卒在位十六年閔公立

○己九年楚惠王卒在位五十七年子中嗣是為簡王

○衛敬公卒子糾嗣是為昭公○編時晉三家強盛衛如小侯反

屬之

○庚十年楚人滅莒莒嬴姓子爵少昊之後周武王克商封

十一世而茲丕公始見于春秋共公庚與以後微弱不復見矣後四世至是為楚所滅

○魯悼公卒在位二十五年子嘉嗣是為元公

○辛十有一年義渠伐秦侵至涇陽

○壬十有二年秦躁公卒在位十四年弟立是為懷公

○癸十有三年晉桃李冬實

○乙卯十有五年王崩太子午立○衛公子甕弒其君昭公在位

六年而自立是為懷公

○西周公封其少子班于鞏今鞏縣以奉王是為東周○編此

東西周分之始也初考王封其弟于河南是為河南桓公卒

于威公立卒子惠公立至是惠公復自封其少子于鞏以奉

王號東周自河南桓公續周公之職而秉政三世益專所以

別封少子使奉王者始欲獨擅河南之地而不復奉王矣

金履祥曰貞定王崩哀王立其弟思王弒哀王自立其弟

其所為則考王殆未保也于是封之河南是分國以處之也而揭之子孫世執其政援立威烈之初又并封其少子于東以奉王為名于是東西二周分周亦猶三家之分魯矣考王固不得而制之也周室其時地不大于曹滕民不

以河南為西
周表孟王
城在孟王
在東也

衆于邾莒而兄弟相殺以奪之又兄弟相分以處之是區區者果何樂乎為君而若此紛紛也

威烈王名午考王之子在位二十四年

○丙辰元年晉趙無恤卒在位二十三年以兄伯魯之孫浣為後獻徙

治中牟此中牟在河北非鄭之中牟也襄子之弟嘉逐浣而自立于代是為桓公

○編襄子娶空同氏生五子為伯魯之不立也不肯立子必

欲傳位于伯魯子代成君代成君先死乃取代成君子浣為

太子襄子卒浣立是為獻子獻子少即位治中牟

○秦庶長秦官名黽弒其君懷公在位四年遇弒國人立其孫是為靈公○

編黽與大臣圍懷公懷公自殺懷公太子曰昭子早死大臣

乃立昭子之子居涇陽

○鄭共公卒在位二十年子巳嗣是為幽公○晉韓虎卒子啓章代為武

子○曲沃桓叔生韓萬自韓萬傳至虎凡九世至是康子卒武子啓章嗣○晉魏駒卒子斯代文為侯○畢公高之裔孫曰畢萬事晉獻公賜邑于魏為大夫自萬至桓子駒凡八世

○丁卯二年晉趙嘉卒國人殺其子迎浣復位○編趙桓子逐獻子而自立于代一年卒國人曰桓子立非襄子意乃共殺其子而復迎獻子立之

○戊午三年晉韓啓章伐鄭殺幽公在位二年鄭人立其弟駘是為繻公

○己未四年秦作上下時○編秦靈公作上下時于吳陽吳山之南上時祭黃帝下時祭炎帝

○辛酉六年盜殺晉幽公在位十年魏斯誅作亂者而立幽公之子止是為烈公○編晉幽公淫婦人夜竊出邑中盜殺之魏文侯以兵誅晉亂立幽公子止

○戊戌七年晉魏斯城少梁今韓城縣韓啓章都平陽今平陽府趙浣城

○癸亥八年越滅郟郟少昊之後地在今海州

○甲子九年秦初以君主猶公也妻河嫁之河伯此戎狄之俗也魏俗為河伯娶婦豈染秦

○丙寅十有一年衛公孫頹敬公之孫弒其君懷公在位十年而自立

○是為慎公○秦靈公卒在位十年國人廢其子立其季父是為簡公簡公懷公之子

○丁卯十有二年中山武公初立按中山古鮮虞國自魯昭公十二年晉伐鮮虞而中山之名始見及定公四年晉合諸侯于召陵謀為蔡伐楚荀寅曰諸侯方貳中山不服而中山之勢漸強至是中山武公自立遂建國備諸侯之制與諸夏抗衡矣

○昭子之弟

○威烈王

○戊辰十有三年晉河岸崩壅龍門至于底柱春秋後河患始于此

○己巳十有四年越朱勾卒在位三十八年子翳嗣

○辛未十有六年王命晉韓啓章趙浣伐齊入長城在今平陰長清之間

○編是時晉三家自通王室亦如列國

○魯元公卒在位二十一年子顯嗣是為繆公○齊田盤卒子和代是為太公

○壬申十有七年魯侯以公儀休為相○編休相魯入其家見

織帛怒而去其妻食于舍而茹葵愠而拔其葵曰吾已食祿

又奪園夫紅女利乎

○晉韓啓章卒子虔代是為景侯○晉趙浣卒子籍代是為烈侯

○癸酉十有八年晉魏斯使樂羊伐中山克之使其子擊守中

山○編樂羊攻中山其子在中山懸之以示羊羊不顧中山

魏文侯見樂羊見

一有諷可為諫法任座翟璜俱見

賈三子周公加三且不敢擊於身子人子方其後子方

烹而為之羹羊啜之盡一杯中山知其忍下之文侯賞其功而疑其心文侯以中山封其子擊他日問于羣臣曰我何如

主皆曰仁君任座曰君得中山不以封君之弟而以封君之

子何謂仁君文侯怒座趨出次問翟璜對曰仁君也君仁則

臣直向者任座之言直是以知之文侯悅使璜召座而反之

親下堂迎之以為上客○文侯以卜子夏田子方為師每過

段干木之廬必式四方賢士多歸之子擊出遭子方于道下

車伏謁子方不為禮擊怒謂子方曰富貴者驕人乎貧賤者

驕人乎子方曰亦貧賤者驕人耳富貴者安敢驕人國君驕

人則失其國大夫驕人則失其家夫士則安往而不得貧賤

哉擊乃謝之

綱鑑會編卷七 東周紀 威烈王 廿九

不考莊周傲
物性皆由
也

殺妻亦將
子同志
志

穰苴田完之
齊高為
馬好稱司
子穰苴
著書必司
之法

李悝管子
三

後世常字
本此

妙在不言
羅

明刑

秦初租禾。○楚簡王卒。在位二十四年子當嗣。是為聲王

○甲戌十有九年。晉魏斯以吳起為西河守。西門豹為鄴令。上

地守李悝作盡地力之教。及平糴法。○編吳起衛人。仕于魯。

齊人伐魯。魯人欲以為將。起娶齊女。魯人疑之。起殺妻以求

將。大破齊師。或譖之。起恐得罪。聞魏文侯賢。乃往歸之。文侯

問諸李克。克曰。起貪而好色。然用兵。司馬穰苴弗能過也。文

侯以為將。擊秦拔五城。乃以為西河今汾州府境守。而拒秦。起之

為將。臥不設席。行不騎乘。親裹贏糧。與士卒最下者同衣食。

分勞苦。故能得士死力。○文侯以鄴為憂。任西門豹守鄴。今臨

而河南稱治。○李悝為上地詳未守。作盡地力之教。以為地

方百里。提封九萬頃。除山澤邑居三分去一。為田六百萬。晦

治田勤則晦。益三斗。不勤則損。亦如之。地方百里之增減。輒

為粟百八十萬石。又曰。糴甚貴傷民。甚賤傷農。民傷則離散。

農傷則國貧。善平糴者。必謹觀歲有上中下熟。上熟其收自

四餘四百石。上糴三而舍一。中熟自三。餘三百石。上糴二而

舍一。下熟自倍。餘百石。上則糴一。使民適足。價平則止。小饑

則發小熟之所斂。中饑則發中熟之所斂。大饑則發上熟之

所斂。而糶之。又撰次諸國法。著法經。以為政。莫急于盜賊。故

始于盜律。盜賊須劾捕。故著囚捕二篇。其輕狡越城博戲。借

假不廉。淫侈踰制。以為雜律一篇。終以具律。今之名例具其加減

凡六篇。商君受之以相秦。

○丙子二十有一年。晉魏斯以魏成為相。○編文侯問李克。今

國盤會編卷七

東周記 威烈王 卞

可視其所舉

所置相非成則璜二子何如克曰居視其所親富視其所與達視其所舉窮視其所不為貧視其所不取五者足以定之矣文侯曰吾之相定矣乃相魏成

○齊宣公卒在位四十二年子貸嗣

○晉趙籍以公仲連為相○編趙烈侯好音謂公仲連曰鄭歌者槍石二人吾賜之田萬畝連諾而不與番吾君謂連曰君實好善而未知所持今公仲相趙亦有進士乎連曰未也番吾君曰牛畜荀欣徐越皆可連乃進三人及朝烈侯復問歌者之田何如連曰方擇其善者牛畜侍烈侯以仁義約以王道烈侯迫然曰欣侍以舉賢任能為請明日越侍以節財儉用為請烈侯悅乃使使謂連曰歌者之田且止遂以畜

為師以欣為中尉以越為內史賜連衣二襲

○丁丑二十有二年宋昭公卒在位六年十五年子購由嗣是為悼公○編昭

公嘗出亡謂其御曰吾被服而立侍御者數十人無不曰吾君麗也吾發言動事朝臣數百人無不曰吾君聖也內外不見吾過是以亡也乃改操易行二年而美聞于宋宋人迎而復之

○戊寅二十有三年九鼎震

金履祥曰按九鼎三代相傳天下之形制圖籍也而震是天下之大異也司馬公通鑑始于是年而不書

通鑑以人事為要也左氏終于趙韓魏之亡智伯而通鑑始于魏韓趙之為諸侯又推其始以及于韓趙魏之滅智伯又推其始以及智趙之立後舉數十年之事悉下附于二十三年之內年之不接于春秋者避續經之嫌也事之接于左氏者敘記事之實也然則呂成公大事記之年何以上接春秋曰通鑑為歷代史法之創始于續經為有嫌

綱鑑會編卷之二 東周已威烈王 三

大事記用史紀年表之名例于春秋
為不犯二意固並行而不相悖也

綱鑑會編卷八

文安 劉德芳 訂正

崑山 葉澧 輯錄

東周紀

威烈王

綱 戊寅二十三年 秦簡公十二年晉烈公止十七年齊康公貨

文侯斯二十二年趙烈侯籍六年韓景侯虔六年○初命晉

舊國五新國三凡八大國○通鑑綱目始於是年

大夫魏斯趙籍韓虔為諸侯 律趙魏立國之始

司馬光曰 天子之職莫大於禮禮莫大於分分莫大於名
寵秩之使得列於諸侯是區區之名分復不能守而并棄
之也先王之禮於斯盡矣然則三晉之列於諸侯非三晉
之壞禮乃天子自壞之也嗚呼君臣之禮既壞則天下以
智力相雄長遂使聖賢之後無不泯絕生民之類糜滅幾

綱目始於此
事溫籒於
釐王四年
命曲沃武
公為侯春
社左傳終
于魯悼公
四年是為
周貞定王五
年也自是
通鑑始於
春秋以降

法侯若滅去
有之而大夫
滅其君自三
晉始天子不
恤同姓而齊
其賊臣以通
鑑之可以托
始也

盡豈不
哀哉

綱 己卯 二十四年 燕僖公元年 王崩子驕立

綱 盜殺楚君當 書法楚人綱目貶稱君
僭王也至周亡始稱王

安王 名驕威烈王之子
在位二十六年

綱 庚辰 元年 楚悼王 秦伐魏

綱 辛巳 二年 魏韓趙伐楚 ○ 趙侯籍卒 ○ 鄭圍韓陽翟

綱 壬午 三年 秦惠公趙武侯
韓烈侯取元年 虢山崩壅河 山在今
陝州境

綱 甲申 五年 盜殺韓相俠累 ○ 日俠累與濮陽 今濮
州 嚴仲子有

惡 隙也 仲子聞軹 今濟
源縣 人聶政之勇以黃金百鎰為政母壽欲

因以報讐政曰老母在政身未可以許人也及母亡仲子乃

使政圖之俠累方坐府上兵衛甚嚴政直入刺之因自皮面

考女子

扶掖自屠出腸韓人暴其尸於市購問莫能識其姊嫫 音
鸞 往
哭之曰是軹溪井里聶政也以妾在故重自刑以絕踪妾奈
何畏沒身之誅終滅賢弟之名遂死政尸傍

綱 乙酉 六年 鄭弑其君駘

綱 丁亥 八年 齊伐魯

綱 戊子 九年 魏伐鄭

綱 己丑 十年 晉孝公頃元年 ○ 是年雖無事亦
書干支者紀晉孝公元也餘倣此

綱 庚寅 十一年 秦伐韓宜陽取六邑 ○ 齊田和 恒之
曾孫 遷其君貸

於海上食一城

綱 辛卯 十二年 秦晉戰於武城 ○ 齊伐魏 ○ 魯敗齊師於平陸

綱 壬辰 十三年 秦侵晉 ○ 齊田和會魏侯楚人衛人於濁澤 今
在

綱 監會編卷八

東周已安王

九上

解求為諸侯。○目魏文侯為之請於王及諸侯，王許之。

綱甲十五年，秦伐蜀，取南鄭。今漢中府○魏侯斯卒。○魏吳起奔

楚楚以為相。○鑑文侯薨，太子擊立，是為武侯。武侯浮西河

魏都在河之東，故稱大河為西河。而下中流，謂吳起曰：美哉山河之固，魏國

之寶也。起曰：在德不在險。昔三苗氏左洞庭，湖名在右彭蠡

今江西。禹滅之，桀之居左河濟，二水名右太華，即西嶽伊闕，山名在洛

陽在其南，羊腸，坂名在壺關縣在其北，湯放之，紂之國左孟門，山名在古

州右太行，山名在懷慶府常山，即北岳恒山在其北，大河經其南，武王殺

之，由此觀之，在德不在險。若君不修德，舟中之人皆敵國也。

武侯曰：善。及魏相田文起不悅，謂田文曰：請與子論功可乎？

田文曰：可。起曰：將三軍，使士卒樂死，敵國不敢謀，子孰與起？

文曰：不如子。起曰：治百官，親萬民，實府庫，子孰與起？文曰：不如子。起曰：守西河而秦兵不敢東鄉，韓趙賓從，子孰與起？文曰：不如子。起曰：三者子皆出吾下，而位加吾上，何也？文曰：主少國疑，大臣未附，百姓不信，方是之時，屬之子乎？屬之我乎？起默然良久曰：屬之子矣。久之，魏武侯疑之，起懼誅，遂奔楚。

楚悼王素聞其賢，至則任之為相，起明法審令，捐不急之官，廢公族疏遠者，以養戰士，要在彊兵，破遊說之言，縱橫者於

是南平百越，北卻三晉，西伐秦，諸侯皆患楚之彊，而楚之貴戚大臣多怨起者。

綱乙十六年，秦出公魏武侯擊趙，敬侯章韓文侯元年。○田田齊新國一初命齊大夫田和為諸侯。○魏襲趙，邯鄲不克。

齊太公姜氏之子孫滅矣

綱目

綱申丙十七年秦庶長改弑其君及其君母○目庶長改迎靈

公之子於河西立之是為獻公遂殺出子及其母沉之淵旁

綱丁酉十八年秦獻公齊桓公午元年

綱戌戌十九年魏敗趙師於兔臺

綱亥己二十年日食晝晦

綱子庚二十一年楚君類卒楚人殺吳起○目楚悼王薨貴戚

大臣作亂攻吳起殺之因射刺起并中王尸太子臧即位討為亂者夷七十餘家

綱丑辛二十二年楚肅王臧元年齊伐燕○魏韓趙伐齊

綱寅壬二十三年是歲齊亡凡八大國齊侯貸卒無子田氏遂并齊

綱卯癸二十四年齊威王因齊元年狄敗魏師於澮澮水之側非邑名也○魏韓

太子孫云

趙伐齊

綱辰甲二十五年晉靖公俱酒元年蜀伐楚

綱巳乙二十六年韓哀侯元年○是歲晉亡○秦楚燕魏趙韓齊凡七大國王崩子喜立○

三晉共廢其君俱酒為家人而分其地

烈王名喜安王之子在位七年

綱午丙元年韓滅鄭自陽翟今禹州漢為潁川郡治徙都之

綱未丁二年趙成侯種元年

綱申戌三年燕敗齊師於林狐地名未詳○魯魏伐齊

綱酉巳四年燕桓公元年趙伐衛取都鄙七十三○魏敗趙師於北

蘭

綱戌庚五年魏伐楚○韓嚴遂弑其君○目韓哀侯以韓廩為

唐共子孫云

相而愛嚴遂二人相害遂刺鬼於朝而并中哀侯

綱魏侯擊卒○日武侯不立太子至是子瑩與公中音仲緩爭

立國內亂

綱辛六年魏惠王瑩韓懿侯元年齊侯來朝○日時周室微弱諸侯莫

朝而齊獨朝之天下以此賢威王

綱趙伐齊○魏敗趙師於懷○齊侯封卽墨大夫烹阿大夫

○日齊威王召卽墨大夫語之曰自子之居卽墨也毀言日

至吾使人視卽墨田野闢人民給官無事東方以寧是子不

事吾左右以求助也封之萬家召阿今東阿縣大夫語之曰自子

守阿譽言日至吾使人視阿田野不闢人民貧餒趙攻鄆音緝

州今濮子不救衛取薛陵地名子不知是子厚幣事吾左右以

田中... 其

尊用也

不遇自堅其

侯國耳非勤

王宮也

齊威善治

其一人而懼
是吏治先
著

求譽也日烹阿大夫及左右嘗譽者於是羣臣悚懼莫敢

飾詐務盡其情齊國大治彊於天下

綱壬七年楚宣王良夫元年王崩弟扁立○韓趙伐魏圍安邑○日

韓公孫頎謂懿侯曰魏亂可取也懿侯乃與趙成侯合兵伐

魏大破其兵遂圍安邑成侯曰殺瑩立公中緩割地而退我

二國之利也懿侯曰殺魏君暴也割地貪也不如兩分之魏

分爲兩不彊於宋衛則我終無魏患矣趙人不聽乃解而去

司馬遷曰魏惠王之所以身不死國不分者二國之謀不和也若從一家之謀魏必分矣故曰君終無適

子其國可破也
顯王名扁烈王之弟在位四十八年

綱癸元年齊伐魏○趙侵齊

惠先

綱乙 三年秦敗韓魏之師於洛陽

綱丙 四年魏伐宋

綱丁 五年秦敗三晉之師於石門斬首六萬○石門在今解州東南賜以黼

黻之服

綱己 七年魏敗韓趙之師於澮○秦敗魏師於少梁今韓城縣地

綱 秦伯卒○目秦獻公薨子孝公立是時河山以東疆國六

淮泗之間小國十餘楚魏與秦接界皆以夷翟遇秦擯斥之

不得與中國之會盟於是孝公發憤修政欲以彊秦

綱庚 八年秦孝公燕彗星其象若竹彗長短無常所以除舊布新也見西方

綱 衛公孫鞅入秦○目秦孝公令國中曰昔我穆公自岐雍

之間修德行武東平晉亂以河為界西霸戎翟廣地千里天

災異

商鞅入秦

子致伯始判為伯諸侯畢賀為後世開業甚光美會往者厲蹠簡

公出于之不寧國家內憂未遑外事三晉攻奪我先君河西

地醜莫大焉獻公即位鎮撫邊境徙治櫟陽今臨潼且欲東伐

復穆公之故地修穆公之政令寡人思念先君之意常痛於

心賓客羣臣有能出奇計彊秦者吾且尊官與之分土於是

公孫鞅聞之乃西入秦鞅衛之庶孫也好刑名之學事魏相

公叔痤痤知其賢未及進會病魏惠王往問之曰公叔病如

有不可諱將奈社稷何公叔曰痤之中庶子官衛鞅名年雖少

有奇才願君舉國而聽之王默然公叔曰君即不聽用鞅必

殺之無令出境王許諾而去公叔召鞅謝曰吾先君而後臣

故先為君謀後以告子子必速行矣鞅曰君不能用于之言

安保天下不更有鞅

四字秦歷
代相傳主
意之鞅一
生定案

三代良法美
意掃地不
存鞅中不
方之甚也

不交法無以
行富強不破
法此謂刑名
之學

任臣又安能用子之言殺臣乎卒不去王出謂左右曰公叔
病甚悲乎欲令寡人以國聽衛鞅也既又勸寡人殺之豈不
悖哉鞅既至秦因嬖臣景監以求見說以富國彊兵之術孝
公大悅與議國事

綱壬戌十年秦以衛鞅為左庶長定變法之令○鑑衛鞅欲變
法秦人不悅鞅言於孝公曰夫民不可與慮始而可與樂成
論至德者不和於俗成大功者不謀於眾是以聖人苟可以
彊國不法其故甘龍曰不然緣法而治者吏習而民安之鞅
曰常人安於故俗學者溺於所聞以此兩者居官守法可也
非所與論於法之外也智者作法愚者制焉賢者更禮不肖
者拘焉公曰善以衛鞅為左庶長卒定變法之令令民為什

德不立信

聞師刑傳已
開坑係三端

伍而相收司連坐五家為保十家相連收司相糾發也一告

率律音受爵為私鬪者各以輕重被刑大小富國僇併力本業耕織

致粟帛多者復其身復音福除也謂除免其身役事末利工商及怠而貧

者舉以為收孥糾舉收錄其妻有功者顯榮無功者雖富無

所芬華令既具未布恐民不信乃立三丈之木於國都南門
募民能徙置北門者予十金民怪之莫敢徙復曰能徙者予

五十金有一人徙之輒予五十金乃下令令行期年民之國
都言新令不便者以千數於是太子犯法鞅曰法之不行自

上犯之太子君嗣也不可施刑刑其傅公子虔黥其師公孫
賈明日秦人皆趨令行之十年道不拾遺山無盜賊民勇於

公戰怯於私鬪。鄉邑大治。秦民初言令不便者，有來言令便。鞅曰：此皆亂法之民也。盡遷之於邊，其後民莫敢議令。

司馬遷曰：夫信者人君之大寶也。國保於民，民保於信。非信無以使民，非民無以守國。是故古之王者不

欺四海，霸者不欺四鄰，善為國者不欺其民，善為家者不欺其親。昔齊桓公不肯曹沫之盟，晉文公不貪伐原之利。魏文侯不棄虞人之期，秦孝公不廢徙木之賞。此四君者，道非粹白而商君尤稱刻薄。又處戰攻之世，天下趨於詐，力猶且不忘信以畜其民。況為四海治平之政者哉。

綱 癸亥 十一年 韓昭侯 秦敗韓師於西山。

綱 丙寅 十四年 齊魏會田 於郊。○魏惠王問齊威王曰：

齊亦有寶乎？威王曰：無有。惠王曰：寡人國雖小，尚有徑寸之珠，照車前後各十二乘者十枚，豈以齊之大國而無寶乎？威王曰：寡人之所以為寶者，與王異。吾臣有檀子者，使守南城。

言難誇而
郡邑得人
如此處之
強有以夫

邑名在太山南。則楚人不敢為寇。泗上十二諸侯皆來朝。有盼子者，

使守高唐。今為州。則趙人不敢東漁於河。有黔夫者，使守徐州。

正義曰：徐州齊西北境，在渤海東平縣則在今。則燕人祭北

德滄之界，故近燕趙。非後世彭城為徐州者也。則燕人祭北

門。趙人祭西門。徙而從者七千餘家。有種首者，

使備盜賊，則道不拾遺。此四臣者，將照千里，豈特十二乘哉。

惠王有慚色。

綱 丁卯 十五年 秦敗魏師於元里，取少梁。○魏伐趙，圍邯鄲。

綱 戊辰 十六年 齊伐魏以救趙，魏克邯鄲，還戰敗績。○初，孫

臯與龐涓共學兵法，涓仕魏，自以能不及臯，乃召之。至則斷

其足而黥之，欲使終身廢棄。齊使者至魏，竊載以歸。田忌客

之，進之威王。王以為師，至是謀救趙，以臯為將，辭以刑餘之

好賢嫉能
死法也

人不可乃使田忌為將而孫子為師居輜車中坐為計謀忌欲引兵之趙孫子曰夫解雜亂紛糾者不控拳當以手徐解之不持拳以

擊之救鬪者不搏撻音角搏撻以手持撻刺人批亢擣虛批擊也亢喉也擣衝也虛空也

形格勢禁則自為解耳直宜伐魏今梁之輕兵銳卒竭於外而老弱疲

於內若引兵疾走其都彼必釋趙而自救是我一舉解趙之

圍而收弊於魏也忌從之十月邯鄲降魏魏師還與齊戰於

桂陵在乘氏東南今鉅野縣境魏師大敗

綱韓伐東周取陵觀廩丘地名未詳舊註引為兗州境者謬

綱庚十八年秦伐魏○韓以申不害為相○目申不害者鄭

之賤臣也學黃老刑名黃老之法清簡無為刑法也名實也以干韓昭侯昭

侯用以為相內修政教外應諸侯終申子之身國治兵彊申

曠兩次伐魏
只用批亢擣
虛二句

申不害見

昭侯受弊

井田廢

子嘗請任其從兄昭侯不許申子有怨色昭侯曰所為學於

子者欲以治國也今將聽子之謁而廢子之術乎抑其行子

之術而廢子之請乎子嘗教寡人修功勞視次第今有所私

請將奚聽乎申子乃辟舍請罪曰君真其人也昭侯有弊袴

命藏之侍者曰君亦不仁者矣不賜左右而藏之昭侯曰吾

聞明主愛一嘖一笑嘖愁戚貌今袴豈特嘖笑哉吾必待有功者

綱未十九年秦徙都咸陽始廢井田○目衛鞅築冀闕冀記也記

列教令常於此門闕闕在宮庭於咸陽徙都之并諸小鄉聚

集為一縣縣置令丞凡三十一縣廢井田開阡陌平斗桶權

衡丈尺

綱壬二十一年趙肅侯元年

綱

東周紀

志行

綱癸二十一年秦更賦稅法

綱乙二十三年衛貶號曰侯服屬三晉。○目初子思言苟變

於衛侯曰其材可將五百乘公曰吾知其可將然變嘗為吏

賦於民而食人二雞子也。故弗用也。子思曰夫聖人之官人

猶匠之用木也。取其所長棄其所短。故杞梓連抱而有數尺

之朽。良工不棄。今君處戰國之世。選爪牙之士。而以二卵棄

干城之將。干并也謂打蔽其民若城此不可使聞於鄰國也。衛侯言計非

是而羣臣和者如出一口。子思曰以吾觀衛所謂君不君臣

不臣者也。夫不察事之是非而悅人讚已。闇莫甚焉。不度理

之所在而阿諛求容。諂莫甚焉。君闇臣諂以居百姓之上。民

不與也。若此不已。國無類矣。

綱丙二十五年諸侯會於京師。書法會而不朝故書諸侯而不序略之也

綱戊二十六年致伯於秦諸侯賀之。秦使公子少官帥師會

諸侯來朝。

綱庚二十八年魏伐韓齊伐魏以救韓殺其將龐涓擄太子

申。○目初魏使龐涓伐韓韓請救於齊威王威侯鄒忌曰不

如勿救田忌曰不救則韓且折而入於魏矣不如蚤救之孫

臆曰夫韓魏之兵未弊而救之是吾代韓受魏之兵顧反聽

命於韓也。且魏有破國之志韓見亡必東面而愬於齊吾因

浚結韓之親而晚承魏之弊則可以受重利而得尊名也。王

遂起兵使田忌將之孫臆為師以救韓直走魏都龐涓聞之

去韓而歸魏亦大發兵使太子申將以禦齊師孫子謂田忌

唐在目中
著之後人著
著先人

此以實為名
實謂地中
互用其術

曰三晉之兵素悍勇而輕齊齊號為怯善戰者因其勢而利導之乃使齊軍入魏地為十萬竈明日為五萬竈又明日為二萬竈涓大喜曰我固知齊軍怯入吾地三日士卒亡者過半矣乃率其輕銳倍日併行逐之孫子度其行暮當至馬陵馬陵道陜而傍多阻隘可伏兵乃斫大樹白而書之曰龐涓死此樹下令齊師善射者萬弩夾道而伏期日暮見火舉而俱發涓果夜至見白書以火燭之讀未畢萬弩俱發魏師大亂涓乃自剄曰遂成豎子之名齊乘勝大敗魏師擄太子申綱二十九綱秦衛鞅伐魏誘執其將公子卬而敗之魏獻河西地於秦徙都大梁今開封府秦封鞅為商君○目衛鞅言於孝公曰秦之與魏譬若人有腹心之疾非魏并秦即秦并魏

去險就夷
國三隨之矣

今以君之賢聖國賴以盛而魏往年大破於齊諸侯叛之可因此時伐魏魏不支秦必東徙然後秦據河山之固東鄉以制諸侯此帝王之業也公從之使鞅將兵伐魏魏使公子卬將而禦之鞅遺卬書曰吾始與公子驩今俱為兩國將不忍相攻欲與公子面相見盟樂飲而罷兵以安秦魏之民卬以為然乃與會盟而飲鞅伏甲襲卬擄之因大破魏師魏惠王恐獻河西地於秦以和因去安邑徙大梁乃嘆曰吾恨不用公叔之言秦封鞅商於音烏今商州一曰在南陽內鄉縣境十五邑號曰商君

綱壬午三十年 楚威王 商元年

綱癸未三十一年 秦伯卒秦人誅衛鞅滅其家○鑑孝公薨子

惠文王立公子虔之徒告商君欲反發吏捕之商君出亡欲

去封商君
三年耳

綱益會編卷八 東周已顯王 推伯

類漢山宣時
前延年

止客舍舍人曰商君之法舍人無驗者坐之商君嘆曰為法之弊一至此哉無志更無氣去之魏魏人不受納之秦秦人攻殺之車裂以人之四肢及首繫於五馬各向一方鞭之使走裂其屍以徇盡滅其家初商君用法嚴酷嘗臨渭論囚渭水盡赤為相十年人多怨之嘗問趙良曰我治秦孰與五殺大夫賢良曰千人之諾諾不如一士之諤諤直言也僕請終日正言而無誅可乎商君曰諾良曰五殺大夫荆之鄙人也穆公舉之牛口之下而加之百姓之上秦國莫敢望焉相秦六七年而東伐鄭三置晉君謂立晉惠公也一懷公文公也救荆禍其為相也勞不坐乘暑不張蓋及其死也秦國男女流涕童子不歌謠春者不相杵謂送杵者以音聲相勸春也今君之從政也陵轢車踐公族殘傷百姓詩曰得人者興失人者崩君之

出也後車載甲多力而駢脅者為驂乘書曰恃德者昌恃力者亡君之危若朝露而尚貪商於之富寵秦國之政畜百姓之怨秦王一旦捐賓客捐棄也人君死臣子不敢斥言也而不立朝秦國之所以收君者豈其微哉商君弗聽居五月而難作

蘇軾曰商君之法使民務本力農勇於公戰怯於私鬪食足兵強以成帝業然其見刑而不見德知利而不知義卒以此亡故帝秦者商君也亡秦者亦商君也其生有南面之樂既足以報其帝秦之功而死有車裂之禍僅足以償其亡秦之罰理勢自然無足怪者

綱甲三十二年秦惠文王元年韓申不害卒

綱乙三十三年宋太丘社亡社主民也社以石為社亡國將危之兆也

綱孟軻至魏○目孟子受業於魏子之孫子思是歲魏惠王

卑詞厚禮以招賢者故孟子至魏

孟子見

綱丙戌三十四年秦伐韓拔宜陽

綱丁亥三十五年魏惠王三十六年改元齊魏會於徐州以相

王此後世以彭城為徐州之所自始

綱楚滅越○目越王無彊伐齊齊說之使伐楚楚人大敗之

盡取吳地東至浙江越以此散諸公族爭立或為王或為君

濱於海上而朝服於楚

綱子戌三十六年楚伐齊○韓侯卒○目韓昭侯作高門屈宜

曰曰君必不出此門何也不時吾所謂時者非時日也夫人

固有利不利時往者君嘗利矣不作高門前年秦拔宜陽今

年旱君不以此時恤民之急而顧益奢此所謂時詘舉羸者

也言時衰耗而作奢侈故曰不時至是門成而昭侯薨

蘇秦合從

秦不用人言而自用其強故伯

許果不可考季子明字之矣

說畫擲人心事

綱秦大敗魏師擒其將龍賈取雕陰今綏德州

綱燕趙韓魏齊楚合從以擯秦以蘇秦為從約長并相六國

○鑑初洛陽人蘇秦說秦王以兼天下之術秦方誅商鞅疾

辯士不用其言大困而歸父兄妻嫂俱笑之秦益發憤讀書

簡練以為揣摩期年乃去說燕文公曰燕之所以不犯寇被

兵者以趙為之蔽也願大王與趙從親天下為一則燕必無

患矣文公從之資蘇秦車馬以說趙肅侯曰當今山東之國

莫彊於趙秦之所害亦莫如趙然而秦不敢伐趙者畏韓魏

之議其後也秦攻韓魏無名山大川之限稍蠶食之蠶之食葉緩而

不韓魏不能支必入臣於秦秦無韓魏之規則禍必中於趙

矣夫衡人者皆欲割諸侯之地以與秦秦成則其身富榮國

合從者為
六國計久遠
使同心協力
秦雖強未
未勝也
乃探信法
儀而散臣
約何打是
法在難表
秦遠交
近攻而弗
魏曰益弱
秦曰益強
既而秦滅
三晉不數
年世之盜
齊相保而
亡皆引

被秦患而不與其憂。竊為大王計，莫若一韓魏齊楚燕趙為從親，以擯斥也秦。令其將相會於洹水今魏縣地之上。約曰：秦攻一國，則五國各出銳師以撓秦。或救之。有不如約者，五國共伐之。則秦甲必不敢出函谷以害山東矣。肅侯大悅，厚賜賚之。以約於諸侯。秦乃說韓宣惠王曰：韓地方九百餘里，帶甲數十萬，天下之彊弓勁弩利劍皆從韓出。今大王事秦，秦必求宜陽成臯，今茲效獻也之。明年又復求割地，地有盡而秦之求無已。鄙諺曰：寧為雞口，無為牛後。雞口雖小猶能進食，牛後雖大乃出糞也。以大王之賢，挾彊韓之兵，而有牛後之名，竊為大王羞之。韓王從其言。秦說魏惠王曰：太王之地，方千里，武士三十萬，蒼頭髮青而有力者，奮擊各二十萬，廝徒十萬。廝，養馬者；徒，僕隸也。車六百乘，騎五

千匹，乃聽羣臣之說，而欲臣事秦。願大王熟察之。魏王聽之。秦說齊王曰：齊四塞四面有山，關之固之國，地方二千餘里，帶甲數十萬，粟如丘山，臨菑齊都今為縣之塗，車轂擊人肩摩，連衽成帷，揮汗成雨。夫韓魏之所以重畏秦者，為與秦接境也。今秦之攻齊，則不然。雖欲深入，則恐韓魏之議其後。秦之不能害齊，亦明矣。夫不料秦之無奈齊何，而欲西面而事之，是羣臣之計過也。齊王許之。乃南說楚威王曰：楚天下之彊國也，地方六千餘里，帶甲百萬，粟支十年。此霸王之資也。楚彊則秦弱，秦彊則楚弱。其勢不兩立，故為大王計，莫如從親以孤秦。故從親，則諸侯割地以事楚，衡合，則楚割地以事秦。此兩策者，相去遠矣。大王何居焉？楚王亦許之。於是秦為從約長，并相

六國北報趙行過洛陽車騎輜重輜載衣車重載物車擬於王者周顯王聞之恐懼使人除道郊勞秦之兄弟妻嫂側目不敢仰視秦笑謂其嫂曰嫂何前倨而後恭也嫂委蛇蒲伏以面掩地而謝曰見季子位高多金也秦喟然歎曰此一人之身富貴則親戚畏懼之貧賤則輕易之況眾人乎且使吾有雒陽負郭田二頃吾豈能佩六國相印乎秦既約六國從親歸趙趙肅侯封為武安君於是秦兵不敢窺函谷關者十五年

綱已三十七年燕易王韓宣惠王齊宣王辟疆元年秦以齊魏之師伐趙趙蘇秦

去趙適燕從約皆解○**目**秦使公孫衍欺齊魏以伐趙趙肅侯讓蘇秦秦恐請使燕必報齊乃去趙而從約皆解

綱魏以陰晉今華陰縣為和於秦○齊伐燕

約未及一
年而解
國策之秦
閉關十五年
李初也

綱辛卯三十九年秦伐魏魏獻少梁河西地於秦

綱壬辰四十年秦伐魏取汾陰今榮河縣皮氏今河津縣拔焦在陝州東北

宋公弟偃逐其君剔成而自立

綱癸巳四十一年楚懷王魏元年秦客卿張儀伐魏取蒲陽今蒲州既而

歸之魏盡入上郡今延安府地以謝秦以儀為相○**鑑**張儀者

魏人與蘇秦俱事鬼谷先生鬼谷地名扶風池陽潁川陽城並有鬼谷墟蓋其所居因號

焉羣書考索曰鬼谷子周時高士姓名不聞蘇張師之授以捭闔分其書三卷又一統志云鬼谷子晉平公時人姓王名詡嘗入雲氣山採藥得道顏如少童居清溪之鬼谷蘇秦張儀嘗問道三年辭去詡曰二子輕松喬之永壽貴一旦之浮榮惜哉鬼谷處人間學縱橫之術遊諸侯無所遇史記儀嘗從楚相飲

已而楚相亡璧門下意張儀曰儀貧無行必此盜相君之璧共執儀掠笞數百不服釋之其妻曰子毋讀書遊說安得此辱乎儀謂其妻曰視吾舌尚在蘇秦已說趙王而得相約從否妻笑曰舌在也儀曰足矣

魏先少梁
則蒲陽自
於不能守
張儀出

親然恐秦之攻諸侯敗約念莫可使用於秦者乃使人微感張儀遊於趙儀果至趙求謁蘇秦秦廷辱之儀大怒念諸侯莫可事獨秦能苦趙乃遂入秦蘇秦已而告其舍人曰張儀天下賢士我弗如也今吾幸先用而能用秦柄者獨張儀可耳吾恐其樂小利而不遂故召辱之以激其意子爲我陰奉之乃言趙王發金幣車馬使人微隨張儀與同舍宿稍稍近就之奉以所欲用爲取給而弗告儀遂得以見秦惠王王以爲客卿蘇秦之舍人乃辭去儀曰賴子得顯方且報德何去也舍人曰臣非知君知君乃蘇君蘇君憂秦伐趙敗從約以爲非君莫能得秦柄故感怒君使臣陰奉給君資盡蘇君之計謀今君已用請歸報儀曰此在吾術中而不悟吾不及蘇

於取此典

君明矣吾又新用安能謀趙乎爲吾謝蘇君蘇君之時儀何敢言且蘇君在儀寧渠音詎能乎至是將兵伐魏取蒲陽言於秦王請復以與魏而使公子繇質焉儀因說魏王曰秦之遇魏甚厚魏不可以無禮於秦魏因盡入上郡十五縣以謝焉儀歸而相秦

綱甲四十二年秦縣義渠今慶陽府秦歸焦曲沃於魏

綱乙四十三年趙侯卒○日肅侯嘗遊大陵大戊午諫曰耕

事方急一日不作百日不食肅侯下車謝是歲薨子武靈王

立置博聞師及左右司過各三人先問先君貴臣肥義姓名也趙

相加其秩

綱丙四十四年趙武靈王元年夏四月秦初稱王書法入綱目以來七十九年矣於是

秦稱王

綱監會編卷八 東周已顯王 志行

自是金侯書
為秦有六國
俱在學中矣

始書月詳
秦借也

詭而拙

儀曹伐魏
取蒲陽又
而陝今也相
魏儀反受
不足責魏
乃舉國聽
之得正耶

綱 四十五年秦張儀伐魏取陝今陝州古號國
綱 蘇秦自燕奔齊○目蘇秦通於燕文公之夫人恐得罪說
易王曰臣居燕不能使燕重而在齊則燕重王許之乃偽得
罪於燕而奔齊齊王以為客卿秦說齊王高宮室大苑囿以
明得意欲以敵齊而為燕

綱 四十六年秦齊楚會於齧桑○秦相張儀免出相魏

綱 韓燕稱王○目時諸侯皆稱王趙武靈獨不肯曰無其實

敢處其名乎令國人謂己曰君

綱 四十七年秦伐魏取曲沃平周平周邑在今介休縣西南○目儀相

魏欲令魏事秦而諸侯效之魏王不聽秦伐魏取二邑而陰

厚儀益甚

綱 四十八年王崩子定立

綱 齊號薛公田文為孟嘗君○目初齊王封田嬰於薛號靖

郭君嬰言於齊王曰五官五大夫典事者之計不可不日聽而數覽

也王從之已而厭之悉以委嬰嬰由是得專齊權嬰有子四

十餘人其賤妾之子文通儻饒智畧說靖郭君以散財養士

靖郭君使文主家待賓客賓客爭譽其美請以文為嗣嬰卒

文嗣立號孟嘗君招致諸侯遊士及有罪亡人食客嘗數千

人名重天下○孟嘗君聘於楚楚王遺之象牀登徒直史記注登

徒姓名楚直當也送之不欲行謂公孫戍曰足下能使僕無

行者有先人之寶劍願獻之戍許諾入見曰小國所以皆致

孟嘗君出

四公子俱乃
中表士之力

相印於君者。悅君之義。慕君之廉也。今始至楚而受象牀。則未至之國。何以待君哉。孟嘗君曰善。遂不受。戍趨出。未至中。閨孟嘗君召而反之曰。子何足之高。志之揚也。戍以實對孟嘗君。乃書門版曰。有能揚文之名。止文之過。私得寶於外者。疾入諫。

慎靚王

名定顯王之子在位六年

綱

辛丑

元年

燕王噲元年

衛更貶號曰君。

綱

壬寅

二年。魏君營卒。孟軻去魏適齊。

綱

癸卯

三年

魏襄王元年

楚趙魏韓燕伐秦。攻函谷關。秦出兵逆之。

皆敗走。○宋稱王。

綱

甲辰

四年。秦大敗韓師於修魚。

韓地

擄其將鯁申差。

二將名

○目

斬首八萬。諸侯振恐。

綱齊大夫殺蘇秦。○鑑齊大夫與蘇秦爭寵。刺秦殺之。

綱魏請成於秦。張儀歸復相秦。○目張儀說魏王曰。梁地方

不至千里。卒不過三十萬。地四平。無名山大川之限。卒戍楚

韓齊趙之境。守亭障者不下十萬。梁之地勢固戰場也。夫諸

侯之約從盟。洹水之上。結為兄弟。以相堅也。今親兄弟同父

母。尚有爭錢財相殺傷。而欲恃反覆蘇秦之餘謀。其不可成

亦明矣。魏王乃倍從約。而因儀以請成於秦。儀歸復相秦。

綱巴蜀相攻。俱告急於秦。司馬錯

請伐蜀。張儀曰。不如伐韓。臣聞爭名者於朝。爭利者於市。今

三川伊洛河。周室天下之朝市也。王不爭焉。顧爭於戎翟。去

併力為之而不
待自於五國
解怒而不復
振

蘇秦死
魏近秦家
先事秦四
十年儀
相魏專為

得蜀則根
本豐實後
世得天下
無不專志
于此

既相儀矣能
用司可謂之
言便有三
妻不似上國
惟蘇秦生
臣也

王業遠矣。錯曰：不然。臣聞之：欲富國者務廣其地，欲彊兵者務富其民。欲王者務博其德。三資備而王隨之矣。夫蜀西僻之國，而戎翟之長也。有桀紂之亂，以秦攻之。譬如使豺狼逐羣羊，拔一國而天下不以為暴，利盡四海而天下不以為貪。而又有禁暴止亂之名，是我一舉而名實附焉。今攻韓劫天子，惡名也。而攻天下之所不欲，又未必利也。不如伐蜀。惠王從之，起兵伐蜀，取之。秦益富彊。

綱：燕君噲以國讓其相子之。○目：燕相子之與蘇秦之弟代婚，欲得燕權。蘇代使齊而歸，燕王問曰：齊王其霸乎？對曰：不能。王曰：何如？對曰：不信其臣。於是燕王專任子之。鹿毛壽謂燕王曰：人謂堯賢者，以其能讓天下也。今王以國讓子之，是

王與堯同名也。燕王因屬國於子之。子之南面行王事，而噲老不聽政。顧反為臣。

綱：丙午六年王崩，子延立。

赧王名延慎，覲王之子，在位五十九年。

綱：丁未元年，秦侵義渠，得二十五城。○秦伐魏，取曲沃，又敗韓師於岸門。在今長葛縣。質其太子倉以和。

綱：齊伐燕，取之。醢子之，殺故燕君噲。○目：燕子之為王三年，

國內大亂，將軍市被與太子平謀攻子之。齊王使人誘之，且許為助。平使市被攻子之，不克，被反攻平。國中連戰數月，死者數萬人。齊王使章子伐燕，燕士卒不戰，城門不閉。齊人取子之之醢之，遂殺王噲。

齊伐燕

孟新去心

綱孟軻去齊。○目時天下方務於合從連衡以攻伐為賢而處士楊朱墨翟之言盈天下。孟子乃述唐虞三代之德推明孔子之道以正人心息邪說為己任是以所如不合遂致為臣於齊而歸。

綱戊申二年

齊潛王地元年

秦伐趙。○楚屈匄帥師伐秦。○目秦欲伐

齊患其與楚從親乃使張儀說楚王曰大王誠能閉關絕約於齊臣請獻商於之地六百里使秦女得為大王箕帚之妾楚王悅而許之羣臣皆賀陳軫獨弔王怒曰何弔也對曰夫秦之所以重楚以其有齊也今絕齊則楚孤秦奚貪夫孤國與之商於之地六百里哉儀至秦必負王是王北絕齊交而西生患於秦也兩國之兵必俱至矣王曰願子閉口毋復言

以待寡人得地乃厚賜張儀而閉關絕約於齊使一將軍隨

張儀至秦儀詳

作

墮車不朝三月楚王聞之曰儀以寡人絕

齊未甚邪乃使勇士宋遺借宋之符

時楚絕約於齊齊不通其使故借宋符以達之

北罵齊王齊王大怒折節而事秦齊秦之交合儀乃朝見楚使者曰子何不受地自某至某廣袤

音茂

六里使者還報楚王

大怒欲發兵攻秦陳軫曰軫可發口言乎攻之不如賂以一名都與之并兵而攻齊是我亡地於秦而取償於齊也今已絕齊而又責欺於秦是我合齊秦之交而來天下之兵也國必大傷矣王不聽使屈匄

音割

帥師伐秦秦亦發兵使庶長章擊之

綱己酉

三年秦大敗楚師於丹陽

斬首八萬○丹陽楚邑名故城在今歸州一在枝江然二

地俱非秦楚交爭之路或曰丹陽者丹水之陽當在武關浙川之間擄屈匄遂取漢中楚復襲秦又大敗於藍田秦縣今屬西安府韓魏襲楚楚割兩城以和於秦

綱燕人立太子平為君○鑑昭王卽位於破燕之後弔死問

孤與百姓同甘苦卑身厚幣以招賢者謂郭隗曰齊因孤之

國亂而襲破燕孤極知燕小不足以報然誠得賢士與共國

以雪先王之恥孤之願也先生視可者得身事之隗曰古之

人君有以千金使涓人涓潔也王居中潔除之人漢為謁者求千里馬馬已死

買其骨五百金而還君大怒涓人曰死馬且買之況生者乎

馬今至矣不期年千里之馬至者三今王必欲致士先從隗

始況賢於隗者豈遠千里哉於是昭王為隗改築宮而師事

之於是士爭趨燕樂毅自魏往劇辛自趙往蘇子自周往鄒

郭隗馬骨

衍自齊往屈景自衛往昭王以樂毅為亞卿任以國政

綱韓君卒○目韓宣惠王嘗欲兩用公仲公叔為政繆留曰

不可晉用六卿而國分齊簡公用陳恒闕止而見殺魏用犀

首張儀而西河之外亡今君兩用之其多力者內樹黨其寡

力者藉外權羣臣有內樹黨以驕王有外為交以削地君之

國危矣

綱庚四年燕昭王平韓襄王倉元年蜀相莊弒蜀侯○秦使張儀說楚韓

齊趙燕連衡以事秦秦封儀為武信君秦君卒諸侯復合從

○目秦惠王使告楚懷王請以武關在商州東南之外易黔中地

今常德府地西北通於巴蜀楚王曰不願願得張儀而獻黔中儀請行秦

王曰楚將甘心於子奈何儀曰秦疆而楚弱大王在楚不宜

此時魏已與秦和張儀連橫

直指事情
金不一徑揮
拾取餘心已
夫之動王侯
之駐

敢取臣且臣善其嬖臣靳尚尚得事幸姬鄭袖袖言王無不
聽者遂往楚王囚將殺之尚謂袖曰秦王甚愛張儀將以六
縣及美女贖之王重地尊秦秦女必貴而夫人斥矣於是袖
日夜泣於王曰臣各為其主耳今殺張儀秦必大怒妾請子
母俱遷江南毋為秦所魚肉也王乃赦儀而厚禮之儀因說
楚王曰夫為從者無以異於驅羣羊而攻虎不格也敵明矣今
王不事秦秦劫韓驅梁而攻楚則楚危矣楚王許之張儀遂
之韓說韓王曰大王不事秦秦下甲據宜陽塞成臯則王之
國分矣為大王計莫如事秦而攻楚韓王許之儀東說齊王
曰從人說大王者必曰齊蔽於三晉地廣兵彊雖有百秦將
無奈齊何今秦楚嫁娶韓獻宜陽梁效河外河西趙割河間

說趙獨後
五國書後
秦而得長
無能為已

李必破燕
之計出于
此

兩河之間之邑無所指定大王不事秦秦驅韓梁趙攻之雖欲事秦不可

得也齊王許之儀又西說趙王曰大王收率天下以擯秦秦

兵不敢出函谷關者十五年大王之威行於山東今楚與秦

為昆弟之國而韓梁為東藩之臣齊獻魚鹽之地此斷趙之

右肩也夫斷趙之右肩而與之鬪失其黨而孤居求欲無危

得乎為大王計莫如與秦王面約常為兄弟之國趙王許之

儀乃北說燕王曰大王不事秦秦下甲雲中今大同府地九原即

之五原在雲中之西今偏關榆林之境驅趙而攻燕則易水在保定長城非大王

之有也燕王請獻常山今真定之尾五城以和張儀歸報未至

而惠王薨子武王立武王自為太子時不悅張儀及即位羣

臣多毀短之諸侯聞儀與秦王有隙皆畔衡復合從

綱^辛五年秦武王元年秦張儀出復相魏。○鑑張儀詭說秦武王

而相魏一歲卒儀與蘇秦皆以縱橫之術遊諸侯致位富貴

天下爭慕效之又有魏人公孫衍者號曰犀首亦以談說顯

名其餘蘇代蘇厲俱秦之弟周最樓緩之徒紛紜徧於天下務以

辯詐相高不可勝紀而儀秦衍最著

綱秦誅蜀相莊。○秦魏會於臨晉。

綱^{壬子}六年秦初置丞相。

綱^{癸丑}七年秦魏會於應。古應國在魯山縣東一云卽今葉縣地又河東臨晉亦有應亭

綱秦使甘茂伐韓宜陽。○目秦王使甘茂約魏以伐韓茂至

魏乃使人還請王曰魏聽臣矣然願王勿伐王迎茂息壤而

問其故。柳宗元曰地長隆然而起夷之而益高者爲息壤蓋以地長得名秦之息壤未詳其處對曰宜

甘茂投杼之

樗里子秦惠王弟弗智

陽大縣其實郡也今倍數險行千里攻之難魯人有與曾參

同姓名者殺人。人告其母。母織自若也。及三人告之。則其母

投杼下機。踰牆而走。臣之賢不若曾參。王之信臣不如其母。

疑臣者非特三人。臣恐大王之投杼也。魏文侯令樂羊攻中

山。三年拔之。返而論功。文侯示之謗書一篋。樂羊再拜稽首

曰。此非臣之功。君之力也。今臣羈旅之臣也。樗里子公孫奭

挾韓而議之。王必聽之。是王欺魏王。而臣受公仲侈之怨也。

故臣願王之勿伐也。王曰。寡人勿聽也。請與子盟。乃盟於息

壤。綱^{甲寅}八年秦拔宜陽。○目甘茂攻宜陽五月而不拔。樗里子

公孫奭果爭之。秦王欲罷兵。茂曰。息壤在彼。王乃悉起兵佐

茂斬首六萬遂拔宜陽

綱秦君卒弟稷立母芊氏治國事以舅魏冉為將軍○目秦武王好以力戲力士多至大官與孟說舉鼎絕脈而薨無子諸弟爭立異母弟稷質於燕其母芊八子芊姓八子女官名之異父弟魏冉與國人迎而立之稷年少太后治事以冉為將軍衛咸陽

綱趙始胡服招騎射○目趙武靈王北畧中山之地至房子

今臨城縣

遂之代北至無窮

言其地之遠無所窮盡

西至河登黃華

山名在彰德府

之上與肥義謀胡服騎射以教百姓曰愚者所笑賢者察焉雖驅世以笑我胡地中山吾必有之遂胡服國人皆不欲公子成稱疾不朝王使人請之曰家聽於親國聽於君今寡人

作教易服而公叔不服吾恐天下議之也制國有常利民為本從政有經令行為上明德先論於賤而從政先信於貴故願慕公叔之義以成胡服之功也公子成再拜稽首曰中國者聖賢之所教禮樂之所用遠方之所觀赴蠻夷之所則效也今王舍此而襲遠方之服變古道逆人心臣願王熟圖之使者以報王自往請之曰吾國東有齊中山北有燕東胡西有樓煩本晉地為樓煩胡所據今尚嵐州地秦韓之邊無騎射之備則何以守之先時中山負齊之疆侵暴吾地引水圍鄣今栢鄉縣微社稷之神靈則鄣幾於不守先君醜之故寡人變服騎射欲以備四境之難報中山之怨而叔順中國之俗惡變服之名以忘鄙事之醜非寡人之所望也公子成聽命乃賜胡服以朝而始

出令焉。

綱乙卯九年秦昭襄王趙君略中山及胡地遣使約秦韓楚魏

齊并致胡兵。○楚齊韓合從。

綱丙辰十年彗星見。○趙伐中山取數邑。中山復獻四邑以和。

綱秦魏冉弒其君之嫡母。出其故君之妃歸於魏。○日秦庶

長壯及大臣諸公子作亂。魏冉誅之。及惠文后皆不得良死。

而悼武后出歸於魏。王兄弟不善者悉滅之。冉遂為政。威震

秦國。

綱丁巳十一年秦楚盟於黃棘。即棘陽也在今鄧州境秦復與楚上庸今竹

山縣

綱戊午十二年彗星見。綱目書彗十有七未有一世再見者一世再見惟報而已

災異

綱秦取魏蒲阪。今蒲州晉陽封陵。二邑故地俱在蒲非太原之晉陽取韓武遂

索隱曰武遂在宜陽之左右非河間之武遂○齊韓魏伐楚楚使太子橫質於秦

秦救之。○日初楚與齊韓合從。至是齊韓魏以楚負約合兵

伐之。楚王使太子橫為質以請救於秦。秦人救之。三國引去。

綱己未十三年秦魏韓會於臨晉。秦復與魏蒲阪。○楚太子橫

殺秦大夫亡歸。

綱庚申十四年日食晝晦。終綱目書日食三百六十七而晝晦者三周末居二焉。○安王二十年

是年漢呂氏庚申年○秦取韓穰。今鄧州○秦韓魏齊伐楚殺其將唐昧

取重丘。春秋時重丘有二一曹邑一齊邑皆非楚地此未詳○趙伐中山中山君奔齊

綱辛酉十五年秦公子悝質於齊。○秦芊戎宣太后同父弟大敗楚師

殺其將景缺。取襄城。楚使太子橫質於齊以請平。

漢高祖
劉威推武
雲云不如此也

綱王十六年趙君廢其太子章而傳國於少子何自號主父

○目初武靈王以長子章為太子後納吳廣之女孟姚史記趙武

靈王遊大陵夢見處女鼓琴而歌詩曰美人熒熒兮顏若茗之榮命乎命乎曾無我羸異日王飲酒樂數言所夢想見其狀吳廣聞之因夫人而有寵生子何愛之欲及其生而立之

乃廢章而傳國焉使肥義為相國傅王而自號主父將士大

夫西北畧胡地將自雲中九原南襲咸陽於是詐為使者入

秦以觀秦地形及秦王之為人秦王不知己而怪其狀甚偉

非人臣之度使人逐之主父行已脫關矣秦人大驚

綱齊魏會於韓○秦伐楚取八城遂誘楚君槐於武關劫之

以歸楚請太子橫於齊而立之○目秦伐楚取八城秦王乃

遺楚王書曰始寡人與王約為弟兄盟於黃棘太子入質至

秦正執槐
為奇貨以
舉掃興心
妙

驩也太子陵殺寡人之重臣不謝而亡去寡人誠不勝怒使

兵侵君王之邊今聞君王乃令太子質於齊以求平寡人與

楚接境婚姻相親而今不驩則無以令諸侯寡人願與君王

會武關面相約結盟而去寡人之願也楚王欲往恐見欺欲

不往恐秦怒昭睢屈平二人姓名曰毋行而發兵自守耳秦虎狼

也有并諸侯之心不可信也王稚子子蘭勸王行王乃入秦

秦王令一將軍詐為王伏兵武關劫之與西至咸陽朝章臺

如藩臣禮要以割巫黔中郡楚王怒不許遂畱之時楚太子

橫方質於齊楚大臣相與謀曰吾王不得還而太子在齊齊

秦合謀則楚無國矣欲立王子之在國者昭睢曰王與太子

俱困於諸侯今又倍王命而立其庶子不宜乃詐赴於齊齊

宋南渡明
士木俱師此
事

人或欲留太子以求楚之淮北其相曰不可郢中立王是吾抱空質而行不義於天下也其人曰郢中立王吾因與其新王市曰予我下東國吾為王殺太子從秦室不然將與三國共立之齊王卒用其相計歸楚太子楚人立之初屈平為懷王左徒官名志潔行廉明於治體王甚任之後以讒見疏而睠顧不忘作離騷之辭以自怨尚冀王之一寤而王終不寤也其後子蘭又譖之於頃襄王王怒遷之於江南原平字遂懷石自投汨羅江名在湘陰縣以死

綱秦以齊田文為丞相○目秦王聞文賢使請於齊以為相

綱癸亥十七年楚頃襄王橫趙惠文王何元年田文自秦逃歸○目或謂秦王

曰文相秦必先齊而後秦秦其危哉秦乃以樓緩為相囚文

毛為裘
於序口

欲殺之文使人求解於秦王幸姬姬曰願得君狐白裘集狐腋白而文先已獻秦王無以應求客有善為狗盜者入秦藏

中盜裘以獻姬乃言於王而遣之王後悔使追之文至關關法雞鳴而出客時尚早追者將至客有善為雞鳴者野雞聞之皆鳴文乃得脫歸

綱秦伐楚取十六城○目楚人告於秦曰賴社稷神靈國有王矣秦王怒伐之取十六城

綱齊韓魏伐秦敗其軍於函谷關河渭絕一日秦割河東三城以和三國乃退○目孟嘗君怨秦與韓魏攻之入函谷關

昭王謂丞相樓緩公子池曰三國之兵深矣寡人欲割河東而講對曰講亦悔不講亦悔王曰何也對曰王割河東而講

秦未有
此之敗
也

三國雖去。王必曰。三國且去。吾特以三城從之。此講之悔也。王不講。三國入函谷。咸陽必危。王又曰。惜矣。吾愛三城而不講。此不講之悔也。王曰。鈞吾悔也。寧亡三城而悔。無危咸陽而悔也。乃使公子池以三城講於三國。初孟嘗君欲借兵食於西周。蘇代為西周謂孟嘗君曰。君攻楚九年。取宛葉以北。以彊韓魏。今復攻秦以益之。韓魏南無楚憂。西無秦患。則齊危矣。君不如臨函谷而無攻。令敝邑以君之情謂秦王曰。薛公必不破秦以彊韓魏。其攻秦也。欲王之令楚王割東國以與齊。而秦出楚王以為和。秦得無破。而以東國自免也。秦必欲之。楚王得出。必德齊。齊得東國益彊。而薛世世無患矣。孟嘗君從其計。會公子池求講解。遂罷兵。而秦卒不出楚懷王。

蘇軾曰秦昭王收楚懷王而囚之。要之割地。諸侯熟視無敢一言。問秦者。惟田文免。相於秦。幾不得脫。歸而怨之。借楚為名。兵至函谷。秦人震恐。割地講解。僅乃得免。自山東難秦。未有若此。其壯者也。惜其聽蘇代之計。臨函谷而無攻。以求楚東國。而出師之名。素然以盡東國。既不可得。而懷王卒死於秦。由此觀之。秦惟不遇桓文。是以橫行而莫之制耳。豈有大義而屈於不義哉。

平原君出

綱趙君封其弟勝為平原君。○目平原君好士。食客嘗數千人。客有公孫龍者。善為堅白同異之辯。堅白即守白。堅執其說。而守之。同異合同。

衆人之異論。平原君客之。孔子之玄孫穿。自魯適趙。與龍論滅三

耳。一耳。主聽。兩耳。形也。兼聽而言。可得為三。龍甚辯析。穿弗應。平原君問之。穿曰。

幾能令滅三耳矣。然謂三耳甚難。而實非也。謂兩耳甚易。而實是也。不知君將從易而是者乎。其亦從難而非者乎。平原君謂龍曰。公無復與孔子高辯事也。其人理勝於辭。公辭勝

於理終必受誅

綱鑑會編卷九

綱鑑會編卷九

文安 劉德芳 訂正

崑山 葉 澐 輯錄

東周紀

赧王

綱甲子十八年楚君槐自秦走趙不納秦追及之以歸

綱乙丑十九年楚君槐卒於秦○鑑懷王發病薨於秦秦人歸

其喪楚人憐之如悲親戚諸侯由是不直秦

綱丙寅二十年魏昭王韓釐王咎元年趙主父以燕齊之師滅中山歸大

赦境內酺音蒲賜令會聚飲酒五日

綱趙故太子章作亂公子成李兌誅之遂弑主父○目初主

不令王固死
即令王必死
德之嫡庶倒
置為初階
耳英之偏
陳少之春
始于一世
漢

武于太子丹
特未若趙主
以之為慘

父封長子章於代使田不禮相之李兌謂肥義曰章黨眾而欲大不禮忍殺而驕二人相得必有陰謀子任事而勢大亂之所始而禍之所集也子何不稱疾不出毋為禍梯不亦可乎義曰昔王父以王屬義也曰毋變而度毋易而慮堅守一心以沒而世義再拜受而籍之今畏不禮之難而忘吾籍變孰大焉諺曰死者復生生者不愧吾欲全吾言安得全吾身乎李兌涕泣而出肥義謂信期曰公子章田不禮聲善而實惡內得王而外為暴矯令以擅一旦之命不難為也自今有召王者必見吾面我將以身先之無故而後王可入也時吳娃孟姚也死王愛弛嘗朝羣臣王父從旁窺之見故太子保廢也然也反北面詘於其弟心憐之欲分趙而王章於代計未

決王父及王游沙丘異宮公子章田不禮作亂詐以王父令召王肥義入殺之公子成李兌起兵距難章敗走王父成兌因圍王父宮殺章及不禮而滅其黨成兌相與謀曰以章故圍王父即解兵吾屬夷矣乃遂圍之令宮中人後出者夷宮中人悉出王父欲出不得探雀穀食之三月餘餓死

綱秦以魏冉為丞相

綱丁二十一年秦敗魏師於解州今解州

綱辰二十二年魏韓伐秦秦左更官名白起將兵敗之拔五城

○目魏韓伐秦魏冉薦白起將兵敗之於伊闕殺擄其將斬首二十四萬拔五城以起為國尉

綱巳二十三年楚君迎婦於秦○目秦王遺楚王書曰楚倍

秦秦且率諸侯伐楚願飭士卒得一樂戰楚王患之乃復與秦和親

司馬光曰

甚哉秦之無道也殺其父而劫其子楚之不競也忍其父而婚其讐嗚呼楚之君誠得其道臣

誠得其人秦雖強烏能凌之哉故荀卿論之曰夫道善用之則百里之地可以獨立不善用之則楚以六千里而為

讐人役信哉

綱庚午二十四年秦伐韓拔宛○秦封魏冉為穰侯芊戎為華

陽君弟市為高陵君悝為涇陽君

綱辛未二十五年東周君如秦○秦魏冉伐魏魏入河東韓入

武遂於秦

綱壬申二十六年秦大良造秦爵名白起伐魏取六十一城

綱癸酉二十七年冬十月秦君稱西帝遣使立齊君為東帝已

周禮微不義為存

而皆去之○目齊王問於蘇代秦使致帝何如對曰願王受之而勿稱以收天下之望所謂以卑為尊也齊王從之稱帝二日而復歸之秦亦去帝號

綱秦攻趙拔梗陽今清源縣

綱甲戌二十八年秦攻魏拔新垣曲陽二邑在今濟源垣曲之間

綱乙亥二十九年秦擊魏魏獻安邑以和秦出其人募民徙之

○秦敗韓師於夏山木詳

綱齊滅宋○目宋有雀生鰭作鷓史占之曰吉小而生巨必霸

天下康王喜起兵滅滕敗齊楚魏取地數百里乃愈自信其霸欲霸之亟成射天笞地斬社稷而焚滅之為長夜之飲於室中室中人呼萬歲則堂上之人應之堂下之人應之門外

子氏契湯
社其後
商孔子世祀
之不能

之人又應之。至於國中無敢不呼者。天下謂之桀宋。齊伐之。
民散城不守。王走死温。在今懷慶府

綱內三十年。秦會楚於宛。今南陽縣會趙於中陽。今孝義縣○秦蒙武

擊齊。拔九城。○齊殺狐咺。陳舉燕使樂毅如趙。○**目**齊潛王

滅宋而驕。乃侵楚及三晉。欲并二周為天子。狐咺正議。斫之。

檀衢陳舉直言。殺之。東問燕昭王。日夜撫循其人。益以富實。

乃謀伐齊。樂毅曰。齊霸國之餘業。地大人眾。未易獨攻也。王

必欲伐之。莫若約趙及楚魏。於是使樂毅約趙。囑秦連楚及

魏。諸侯害齊王之驕暴。皆許之。

綱丑丁三十一年。燕上將軍樂毅以秦魏韓趙之師伐齊。入臨

菑。齊君地出走。其相淳齒弑之。毅下齊七十餘城。燕封毅為

昌國君。○**目**燕悉起兵。使樂毅為上將軍。并將秦魏韓趙之

師以伐齊。戰於濟西。齊師大敗。毅還秦魏之師。分韓師以畧

宋地。部趙師以收河間。身帥燕師長驅逐北。齊人大亂。潛王

出走。毅入臨菑。取寶物祭器輸之於燕。燕王親至濟上。勞軍

行賞。封毅為昌國君。留徇齊城之未下者。齊王之衛。衛君辟

宮舍之。稱臣共具。王不遜。衛人侵之。去奔鄒魯。鄒魯不納。遂

走莒。楚使淖齒將兵救齊。因為齊相。齒欲與燕分齊地。乃執

潛王而數之。曰。千乘博昌。今樂安博昌縣之間。方數百里。雨血沾

衣。王知之乎。曰。知之。嬴博。二邑名。今泰安州境之間。地坼及泉。王知之

乎。曰。知之。有人當闕而哭者。求之不得。去則聞其聲。王知之

乎。曰。知之。齒曰。雨血者。天以告也。地坼者。地以告也。當闕而

乎。曰。知之。齒曰。雨血者。天以告也。地坼者。地以告也。當闕而

綱監會編卷九 東周紀 赧王 四 子重

宜為法草
武侯所慕

哭者人以告也。而王不戒焉。何得無誅。遂擢王筋縣之廟梁。宿昔而死。樂毅聞畫邑。畫音獲一作畫故人王蠋。音屬賢令軍中環畫邑三十里。無入使人請蠋。蠋謝不往。燕人曰。不來。吾且屠邑。蠋曰。忠臣不事二君。烈女不更二夫。齊王不用吾諫。故退而耕於野。國破君亡。吾不能存。而又欲劫之以兵。吾與其不義而生。不若死。遂自經死。毅整軍禁侵掠。禮逸民。寬賦斂。除暴令。修舊政。齊民喜悅。乃遣左軍渡膠東。東萊前軍循太山。東至海。略琅邪。右軍循河濟。屯阿鄆。以連魏師。後軍旁北海。而撫千乘。以中軍據臨菑。而鎮齊都。祀桓公。管仲於郊。封王蠋之墓。六月之間。下齊七十餘城。皆為郡縣。

綱秦魏韓會於京師。

綱戊寅三十二年。齊襄王法章元年秦趙會於穰。○秦拔魏安城。兵至

大梁而還。○齊人討淖齒。誅之。而立其君之子法章。保莒城。

○目淖齒之亂。潛王子法章變姓名為莒太史敫。音家傭敫

女奇。法章貌憐。而竊衣食之。因與私通。王從者王孫賈失王

處而歸。其母曰。汝朝出而晚來。則吾倚門而望。汝暮出而不

還。則吾倚閭而望。汝今事王。王走。汝不知其處。汝尚何歸焉。

賈乃入市呼曰。淖齒亂齊國。殺潛王。欲與我誅之者。袒右。市

人從者四百人。乃與攻淖齒。殺之。於是齊亡。臣相與求潛王

子法章。立以為齊王。保莒城。以拒燕。布告國中曰。王已立在

莒矣。

綱趙使藺相如獻璧於秦。○鑑趙王得楚和氏璧。卞和得璞於楚山中

善成其子

田嘉效了

類平原布
素宗即位
法河此用此

三獻不受因抱玉而泣後王使玉人破之得寶故名焉秦昭王欲之請以十五城易之趙欲勿與畏秦強欲與之恐見欺藺相如曰秦以城求璧而王不許曲在趙趙與之璧而秦不與趙城則曲在秦臣願奉璧而往使秦城不入臣請完璧而歸王遣之相如至秦既獻璧秦王無意償趙城相如乃給欺也秦王復取璧遣從者懷之間行歸趙而以身待命於秦秦王賢而弗誅禮而歸之趙王以為上大夫

綱衛君卒○目衛嗣君好察微隱縣令有發禱而席弊者嗣君聞之乃賜之席令大驚以為神又使人過關市賂之以金既而召關市問有客過與汝金汝回遣之關市大恐又愛泄姬重如耳人姓名而恐因愛重以壅已也乃貴薄疑人姓名以敵

如耳尊魏妃以偶泄姬曰以是相參也衛有胥靡胥相靡隨也衣褐帶索相連以執役也亡之魏嗣君使以五十金買之不得乃以左氏邑名易之左右曰以一都買一胥靡可乎嗣君曰治無小亂無大法不立誅不必雖有十左氏無益也法立誅必雖失十左氏無害也

綱已三十三年秦伐趙拔兩城

綱庚三十四年秦伐趙拔石城胡注西河之離石有石城今永寧州地

綱楚謀入寇王使東周公喻止之○目楚欲圖周王使東周

武公謂楚令尹昭子曰西周之地不過百里而名為天下共主裂其地不足以肥國得其衆不足以勁兵而攻之者名為弑君然而猶有欲攻之者見祭器在焉故也夫虎肉臊而兵

利身肉既臊而爪牙又如其皮之所在也人猶攻之若使澤中之麋蒙虎之皮人之攻之必萬倍矣裂楚之地足以肥國詘楚之名足以尊主今子欲誅殘天下之共主居三代之傳器鼎器南則兵至矣於是楚計不行

綱辛巳三十五年秦白起伐趙取代光狼城在今高平縣境司馬錯因

蜀伐楚拔黔中楚獻漢北上庸於秦

綱壬午三十六年秦白起伐楚取郢今宜城縣鄧今鄧州西陵今夷陵

綱秦趙會於澠池○曰秦王告趙王願為好會於河外澠池

屬河廉頗藺相如曰王不行示趙弱且怯也趙王乃行相如

從頗送至境與王訣曰王行度道里會遇之禮畢不過三十日過此不還則請立太子以絕秦望王許之及會飲酒秦王

澠池之會

南宋認此三字不明

白于忠肅明認此三字

請趙王鼓瑟趙王鼓之相如請秦王擊缶盛酒瓦器秦俗擊之以節樂秦

王不肯相如曰五步之內六尺四寸為步五步言至近也臣請得以頸血濺

薦音薦大王矣左右欲刃相如相如張目叱音尺之左右皆靡散也

秦王不懾為一擊缶罷酒秦終不能有所加於趙趙人亦盛

為之備秦不敢動趙王歸以相如為上卿位在廉頗右古以右為尊

頗曰我為將有攻城野戰之功相如素賤徒以口舌而位

加我上見必辱之相如聞之不肯與會每朝常稱病出而望

見輒引車避匿其舍人皆以為恥相如曰子視廉將軍孰與

秦王曰不若相如曰夫以秦王之威而相如廷叱之相如雖

驚也鈍獨畏廉將軍哉顧吾念之秦所以不敢加兵於趙者徒

以吾兩人在也今兩虎共鬪其勢不俱生吾所以為此者先

占地步

國家之急而後私讐也。頗聞之，肉袒脫衣負荊負杖至門謝罪，遂為刎頸交。

綱燕君平卒，樂毅奔趙，齊田單襲破燕軍，盡復齊地。齊君入

臨菑，封單為安平君，趙封樂毅為望諸君。○鑑初燕人攻安

平。在臨淄東古臨菑市掾田單使其宗人以鐵籠傅音車鞋附音

音衛車及城潰，人爭門出，皆以軸折被擒，獨單宗人得免。遂

奔卽墨，時齊地皆已屬燕，獨莒卽墨未下。樂毅并軍圍之，卽

墨大夫戰死，卽墨人曰安平之戰，田單宗人以鐵籠得全，是

多智習兵，因共立以為將，以拒燕。樂毅圍二邑，期年未下，乃

解圍去城九里而為壘，令曰：城中民出者勿獲，困者賑之，使

卽舊業，或讒之於昭王曰：樂毅智謀過人，呼吸之間，尅齊七

賢主也，然亦用術後之，要由此

切在因樣生交

十餘城，今不下者兩城耳，非其力不能拔，欲久仗兵威以服

齊人，遂南面而王爾，所以未發者，以其妻子在燕故也。且齊

多美女，又將忘其妻子，願王圖之。昭王於是置酒大會，引言

者斬之。遣國相不立毅為齊王，毅惶恐不受，拜書以死自誓。由

是齊人服其義，諸侯畏其信，莫敢復有謀者。頃之，昭王薨，惠

王立，惠王自為太子時，嘗不快於樂毅，田單聞之，乃縱反間

曰：樂毅與燕新王有隙，畏誅而不敢歸，以伐齊為名，齊人惟

恐他將來，卽墨殘矣。燕王已疑，得齊反間，乃使騎劫代將，而

召樂毅，毅遂奔趙。燕將士由是憤惋不和。初，田單令城中人

食必祭先祖於庭，飛鳥皆翔舞而下。燕人怪之，單因宣言曰：

當有神師下教，俄有一卒曰：臣可以為師乎？單遂師之。每有

火攻壽陣

約束必稱神師。又宣言曰：吾惟恐燕人剽去鼻也所得齊卒置之前行，即墨敗矣。燕人如其言，城中皆怒，堅守。唯恐見得單，又言：吾懼燕人掘吾城外冢墓，可為寒心。燕軍聞，盡掘燒之。齊人望見，皆涕泣，欲出戰。單知其可用，乃身操版，鑿也與士卒分功。妻妾編於行伍之間，盡散飲食饗士。令甲卒皆伏，使老弱女子乘城。約降，燕軍益懈。田單乃收城中得牛千餘，為絳繒衣。絳赤色也畫以五彩龍文，束兵刃於其角，而灌脂束葦於其尾。縛葦草以脂油灌之鑿城數十穴，夜縱牛，燒葦端，壯士五千人隨之。牛尾熱，怒犇燕軍，燕軍大驚，視牛皆龍文，所觸盡死。傷而城中鼓譟從之。老弱皆擊銅器為號，聲動天地。燕軍大敗走，齊人殺騎劫，追亡逐北。北，北軍敗所過城邑皆叛燕復為

法章非人
 功便忘元
 功實珠去
 仍人卦保全
 元功

齊齊七十餘城皆復焉。乃迎襄王於莒，入臨菑。王以太史敫之女為后，是為君王。后生太子建，以單為相，封安平君。太史敫曰：女不取此教子之媒，因自嫁，污吾世，終身不見君王。后亦不以不見故，失人子之禮。田單嘗出見老人，涉淄而寒，不能行，解裘衣之。襄王惡之，曰：單將欲以是取吾國乎？巖下有貫珠者，聞之，言於王曰：王不如因以為己善。下令曰：寡人憂民之饑也，單收而食之；寡人憂民之寒也，單收而衣之；寡人憂勞百姓，而單亦憂之；稱寡人之意，單有是善，而王嘉之。單之善，亦王之善也。王曰：善，乃賜單牛酒。王有所幸臣九人，語王曰：安平君與王君臣無異，而內撫百姓，外懷戎翟，禮天下之賢士，其志欲有為也。異日，王曰：召相單來。單所任貂勃聞

之稽首於王曰周文王得呂尚以為太公齊桓公得管夷吾以為仲父今王得安平君而獨曰單安得此亡國之言乎夫安平君以惴惴卽墨三里之城五里之郭而反千里之齊當是時而自王天下莫之能止然計之於道歸之於義以為不可故棧道木閣棧棚也路險架木為棚而度日閣道而迎王於城陽卽莒邑今國已定民已安矣王乃曰單嬰兒之計不為此也王乃殺九人而益封安平君萬戶○田單將攻狄故城在今樂安縣往見魯仲連仲連曰將軍攻狄不能下也單曰臣以卽墨餘卒破萬乘之燕復齊之墟今攻狄而不下何也弗謝而去遂攻狄三月不克田單懼乃問於仲連仲連曰將軍之在卽墨坐則織簣草器也立則杖錘為士卒倡當此之時將軍有死之心無

真奉教于君子者

生之氣所以破燕也今將軍東有夜邑今掖縣之奉西有淄上之娛黃金橫帶而騁乎淄澠之間有生之樂無死之心所以不勝也單明日乃厲氣循城立於矢石之所援枹鼓之狄人乃下○趙王與樂毅謀伐燕毅泣曰臣疇昔之事昭王猶今日之事大王也若復得罪在他國終身不敢謀趙之奴隸況子孫乎趙王乃止而封毅於觀津故城在今武邑縣號望諸君燕惠王恐趙用之以乘其敝乃使人讓毅且謝之曰將軍捐燕歸趙自為計則可矣何以報先王所以遇將軍之意乎毅報書曰免身立功以明先王之迹臣之上計也羅毀辱之謗墮先王之名臣之所大恐也臨不測之罪以幸為利義之所不敢由也古之君子交絕不出惡聲忠臣去國不潔其名臣雖不

依數奉教於君子矣。燕乃復以毅子間音為昌國君，而毅往來復通燕，竟卒於趙。

綱薛公田文卒。書法文齊臣也不書齊者何薛貳於齊也故削之以示貶○**鑑**初齊潛王

既滅宋，欲去孟嘗君。孟嘗君奔魏，魏以為相，與諸侯共伐齊。

襄王復國，孟嘗君中立為諸侯，無所屬。襄王畏之，與連和。至

是卒，諸子爭立，齊魏共滅之。○初馮驩聞孟嘗君好客而來

見，置傳舍，以其無能也，食以草具。十日，彈劍而歌曰：長鋏，

歸來乎！食無魚，遷之幸舍，食有魚矣。又歌曰：長鋏，歸來乎！出

無車，遷之代舍。更代侍奉之號出有車矣。又歌曰：長鋏，歸來乎！無以

為家，左右惡其貧而不知足。孟嘗君使人給其老母食用，於

是驩不復歌。時孟嘗君客多，邑人食邑所入租稅不足以奉客，使人

孟嘗君卒

孟嘗君愧望

該君多矣

出錢出錢取息於薛，貸者多，不能與息。孟嘗君問誰可收債於薛

者，驩署曰：能。因使驩往，驩至薛，召負息不能與者，悉取其券

文約也而燔之。民稱萬歲。及歸，孟嘗君不悅，驩曰：君有區區之

薛，不能拊愛其民，又從而賈音利之，臣為君焚其券，欲令薛

民親君，而彰君之善聲也。君何疑焉？孟嘗君乃謝之。

綱癸未三十七年燕惠王元年秦白起伐楚，拔郢，燒夷陵，楚徙都陳。

秦置南郡。今荆州也封起為武安君。

綱甲申三十八年秦置黔中郡。地在楚蜀之交今重慶之東南及辰常諸郡皆是

綱乙酉三十九年魏安釐王元年秦白起伐魏，拔兩城。○楚復取江南

十五邑。○**目**楚王收東地兵，復取秦所拔江南十五邑為郡，以距秦。

綱 孟嘗君歸來 東周已 報王 上 卯生

信陵君出

綱魏封公子無忌為信陵君安釐王異母弟

綱丙戌四十年秦魏再伐魏韓救之大敗斬首四萬魏納八城於秦

秦復伐魏圍大梁魏又割温以和

綱丁亥四十一年魏復與齊合從秦魏再伐魏拔四城斬首四萬

綱戊子四十二年趙魏伐韓秦救之大破其軍魏割南陽以和

○日秦敗趙魏之師斬首沉卒十五萬魏段干子請割南陽

予秦以和蘇代謂魏王曰欲璽謂以地事秦欲得封之而受其璽璽印也古者尊卑通用

者段干子也欲地者秦也今王使欲璽者制地欲地者制璽

魏地盡矣夫以地事秦猶抱薪救火薪不盡火不滅王曰是

則然矣然事始已行不可更矣對曰夫博之所以貴梟者便

則食不便則止博者局戲即陸博也以五木為骰有梟盧雉犢塞五者為勝負之采博骰有刻為梟鳥形

綱金會紀卷九

夏月

五音

秦破趙

不克同心

以連書

七國情勢
書以三後

秦中忌出

者梟為最勝便宜也得梟則宜食其子若不便則為餘行今何王之用智不如用梟也王不聽卒以南陽今修武縣地為和

綱己丑四十三年韓桓惠王元年楚太子完質於秦○日秦王將使武

安君與韓魏伐楚楚使者黃歇至秦聞之恐其一舉而滅楚

也乃上書曰臣聞物至極也則反冬夏是也致置也至則危累基

是也今大國之地徧天下有其二垂此從生民以來萬乘之

地未嘗有也王又兼韓服魏割濮磨水名之北注秦齊之要絕

楚趙之脊天下五合六聚而不敢救王之威亦單矣王若能

保功守威緝攻取之心而肥仁義之地使無後患則三王不

足四五伯不足六也王若負人徒之眾仗兵革之彊而欲以

力臣天下之主臣恐其有後患也夫韓魏父子兄弟接踵而

綱金會紀卷九

夏月

周生

死於秦者將十世矣。故韓魏之不亡，秦社稷之憂也。今王信韓魏之善，而欲資之與攻楚，此正吳之信越也。臣為王慮，莫若善楚。秦楚合而為一，則韓魏必為關內之侯。注地於齊，則齊右壤可拱手而取也。王之地一經兩海。橫度中國，東西海也。要約結信也。天下是燕趙無齊楚，齊楚無燕趙也。然後危動燕趙，直搖齊楚。此四國者，不待痛而服矣。王從之，使歇歸約親於楚，復使歇侍太子完為質於秦。

歇書雖為
楚實導
秦遠交
與應侯策
同

綱庚四十四年燕武成王元年趙伐齊

綱辛四十五年秦伐趙圍閼與音遏預今沁州地趙奢擊却之趙封

奢為馬服君。○曰初趙奢為田部吏收租稅平原君家不肯出奢以法殺其用事者九人平原君怒將殺之奢曰君於趙

便是將才

為貴公子。今縱君家而不奉公，則法削。法削則國弱，國弱則諸侯加兵。是無趙也。君安得有此富乎？以君之貴，奉公如法，則上下平。上下平，則國彊。國彊則趙固。而君為貴戚，豈輕於天下邪？平原君賢之，言於王，使治國賦。國賦大平，民富而府庫實。及秦圍閼與，王召羣臣問之。廉頗樂乘毅之子皆曰：道遠險隘，難救。奢曰：道遠險隘，如兩鼠鬪於穴中，將勇者勝。王乃令奢將兵救之。去邯鄲三十里而止。令軍中曰：有以軍事諫者死。秦師軍武安。趙邑漢置縣在今磁州西西鼓譟勒兵，武安屋瓦盡震。有言急救武安者，奢立斬之。堅壁二十八日不行，復益增壘。秦間入趙軍，奢善食而遣之。間還報，秦將大喜。奢既遣間，卷甲而趨。一日一夜，距閼與五十里而軍。軍壘成，秦師聞之，悉

初若雲女後
善脫免奢
固精于兵
算

資于存歷
三謀此小

甲而往趙軍士許歷請諫奢進之歷曰秦不意趙至此其來氣盛將軍必厚集其陳以待之不然必敗奢曰請受教歷請刑不許歷復請曰先據北山者勝奢即發萬人趨之秦師後至爭山不得上奢縱兵擊之秦師大敗解闕與而還趙封奢為馬服君以許歷為國尉

綱秦伐齊取剛壽○目穰侯言於秦王使客卿人名失其姓竈伐齊取剛壽以廣其陶邑

綱秦滅義渠○目義渠戎王與秦太后亂有二子太后詐殺戎王於甘泉遂起兵滅義渠

綱魏人范雎入秦秦以為客卿○目初范雎從中大夫須賈使於齊齊王聞其辯口私賜之金賈以為雎以國陰事告齊

范雎出

看他鉤致
秦王苛
賴控

也歸告其相魏齊齊怒笞擊折脅摺齒折音舌斷其脅肋摺音臘落其牙齒雎佯死卷以簣音席置廁中使醉客更溺之以懲後雎告守者得

出魏人鄭安平持雎亡匿更姓名曰張祿秦謁者王稽使魏載與俱歸薦之王王見之離宮雎佯為不知丞巷而入其中

王來而宦者怒逐之曰王至雎謬曰秦安得王獨有太后穰侯耳王微聞其言乃屏左右跪而請曰先生何以幸教寡人

對曰唯唯如是者三王曰先生卒不幸教寡人邪雎曰非敢然也臣羈旅之臣也交疎於王而所願陳者皆匡君之事處

人骨肉之間願效愚忠而未知王之心也此所以王三問而不敢對也臣知今日言之於前明日伏誅於後然苟可以少

有補於秦而死臣不敢避也獨恐臣死之後天下杜口裹足

唐憲宗欲平藩鎮張弘靖以爲先准蔡而後魏博周世宗欲平天下王朴以爲先江南而後河東皆觀其形勢所在雖遠交近攻實爲替以食之要策也

莫肯鄉秦耳。王聽曰：寡人得見先生，是天以寡人溷先生而存先王之宗廟也。事無大小，上及太后，下至大臣，願先生悉以教寡人，無疑寡人也。唯見左右多竊聽者，未敢言內。先言外事，以觀秦王之俯仰。因進曰：穰侯越韓魏而攻齊剛壽，非計也。齊潛王攻楚，再闢地千里，而尺寸無得焉者，豈不欲得地哉？形勢不能有也。諸侯見其罷敝而伐之，齊幾於亡。今王不如遠交而近攻，得寸則王之寸也，得尺亦王之尺也。今夫韓魏中國之處，而天下之樞也。王若欲霸，必親中國，以爲天下樞，而威楚趙，則齊附而韓魏因可擄矣。王曰：善。乃以唯爲客卿，與謀國事。

綱 癸巳 四十七年 秦伐魏 拔懷 今武陟縣地 〇始用范雎之謀也

綱 甲午 四十八年 秦太子質於魏而卒

綱 乙未 四十九年 秦拔魏邢丘 〇秦君廢其母不治事 逐魏冉

芊戎公子市 公子悝 以范雎爲丞相 封應侯 〇目 范雎日益親用事 因私說王曰 臣居山東 時聞齊之有孟嘗君 不聞有

王 聞秦有太后 穰侯不聞有王 夫擅國之謂王 能利害之謂王 制殺生之謂王 今太后擅行 不顧穰侯 出使不報 華陽涇

陽擊斷 無諱 高陵進退 不請 四貴備而國不危 未之有也 爲此四貴者 下乃所謂無王也 臣又聞之 木實繁者 披其枝 披

其枝者 傷其心 大其都者 危其國 尊其臣者 卑其主 淖齒管齊而弑潛王 李兌管趙而囚主父 今臣觀四貴之用事 此亦

齒兌之類也 今自有秩以上 至諸大吏 下及王左右 無非相

以子庶母為
秦芊氏以婦
廢姑為晉
賈氏

國之人者。臣見王獨立於朝。竊恐萬世之後。有秦國者。非王子孫也。王以為然。於是廢太后。逐穰侯。華陽君。芊戎。高陵君。市。涇陽君。慳於關外。以睢為丞相。封應侯。魏須賈。聘於秦。睢因辱之。使歸告魏王曰。速斬魏齊頭來。不然。且屠大梁。齊走趙。匿平原君家。

綱趙以公子勝為相。

綱丙五十年。趙孝成王秦君母芊氏以憂卒。

綱秦伐趙。取三城。齊救却之。遂以趙師伐燕。取中陽。一作中

唐縣伐韓。取注人。在今汝○目秦攻趙。趙王新立。太后用事。

求救於齊。齊人曰。必以長安君為質。太后不可。齊師不出。大臣彊諫。太后明謂左右曰。有復言者。老婦必唾其面。左師官名

左師不但之
詞得力全在
舉動定
狀老態有
致

觸龍人名請見太后。盛氣而胥待也之。左師徐趨而坐。謝曰。老臣病足。不得見久矣。而恐太后體之有所苦也。故願望見太后。太后曰。老婦恃輦而行。日食得毋衰乎。曰。恃粥耳。太后不和之色稍解。左師曰。賤息也。舒祺最少不肖。而臣哀竊愛之。願得補黑衣卿士聽之缺。以衛王宮。太后曰。諾。年幾何矣。對曰。十五歲矣。雖少。願及臣未填溝壑而託之。太后曰。丈夫亦愛少子乎。對曰。甚於婦人。太后笑曰。婦人異甚。對曰。老臣竊以為媼音之愛燕后。賢於長安君。太后曰。君過矣。不如長安君之甚。左師曰。父母愛其子。則為之計。淺遠媼之送燕后也。持其踵而哭。念其遠也。亦哀之矣。已行。非不思也。祭祀則祝之。曰。必勿使反也。歸也豈非為之計長久。為子孫相繼為王也哉。太

下此急得
此處法不
得後

后曰然。左師曰：今三世以前，至於趙王之子孫為侯者，其繼有在者乎？曰：無有。曰：此其近者禍及身，遠者及其子孫，豈人主之子侯則不善哉？位尊而無功，奉厚而無勞，而挾重器多也。今媼尊長安君之位，而封以膏腴之地，多與之重器，而不及今令有功于趙，一旦山陵崩，長安君何以自託於趙哉？太后曰：諾。恣君之所使之。於是為長安君約車百乘，質於齊。齊師乃出，秦師退。

綱齊君法章卒，子建立國，事皆決於其母太史氏。

綱丁五十二年，秦白起伐韓，拔九城。斬首五萬

綱戊五十二年，秦白起伐韓，取南陽，攻絕太行道。

綱楚太子元自秦逃歸，楚君橫卒完立，以黃歇為相，封春申

此之自佳

君。○目楚頃襄王疾病，黃歇侍太子於秦，聞之言於應侯曰：楚王疾恐不起，秦若歸其太子，則是親與國而得儲萬乘矣。不歸，則咸陽布衣耳。楚更立君，必不事秦。應侯以告王，王曰：令太子傅先往問疾，反而後圖之。歇與太子謀曰：王若卒，大命陽文君之子必立為後，太子不得奉宗廟矣。乃教太子變服為楚使者，御以出關，而自為守舍謝病，度已遠，乃自言請死。王怒，欲聽之。應侯曰：歇出身以徇其主，太子立，必用歇，不如歸之，以親楚。王從之。歇至三月，而楚王薨，太子即位，以歇為相，封之淮北，號春申君。

綱己五十三年，楚考烈王楚納州於秦。○秦白起伐韓，拔野

王，上黨降趙。○目秦武安君伐韓，拔野王，上黨路絕，上黨守

長平之禍雖
趙括為之實
平原善識也
平原善識也
其地而極

馮亭與其民謀曰鄭道已絕不如歸趙趙受我秦必攻之趙
破秦兵必親韓韓趙為一則可以當秦矣乃告於趙曰韓不
能守上黨入之秦其吏民皆安為趙不樂為秦有城市邑十
七願再拜獻之大王趙王以問平陽君豹對曰聖人甚禍無
故之利王曰人樂吾德何謂無故豹曰秦蠶食韓地中絕不
令相通固自以為坐而受上黨也韓氏所以不入之秦者欲
嫁其禍於趙也秦服其勞而趙受其利雖疆大不能得之於
弱小弱小顧能得之於疆大乎豈得謂之非無故哉不如勿
受平原君請受之王乃使平原君往受地封馮亭為華陽君
亭垂涕不見使者曰吾不忍賣主之地而食之也

綱五十五年秦王齧攻趙上黨拔之白起代將大破趙軍

問謀

殺其將趙括阬降卒四十萬○鑑秦左庶長王齧伐韓攻上
黨拔之上黨民走趙趙廉頗軍於長平今高平縣地以按音據上
黨民王齧因伐趙趙軍戰數不勝廉頗堅壁不出趙王以頗
失亡多而更怯不戰怒數讓之應侯使人反間曰秦之所畏
獨畏馬服君之子趙括為將耳廉頗易與且降矣趙王遂以
趙括代頗將藺相如曰王以名使括若膠柱鼓瑟柱瑟上雁
足所以遊
移上下以調聲若以膏黏定其
柱則不能調蓋喻執一不通者括徒能讀其父書傳不知合
變也王不聽初括自少學兵法以天下莫能當嘗與其父奢
言兵事奢不能難然不謂善括母問其故奢曰兵死地也而
括易言之趙若將括破趙軍者必括也及括將行其母上書
言括不可使王問之對曰括父為將得賞賜盡以與軍吏士

國益會編卷九 史記已報王 七 五章

大夫受命之日。不問家事。今括一旦為將。東鄉而朝。軍吏無敢仰視。所賜金帛。歸買田宅。父子異心。願王勿遣。王曰。吾已決矣。母曰。即有不稱。妾請無隨坐。王許之。秦王聞括為趙將。乃陰使武安君為上將。而王齧為裨將。令軍中有敢泄武安君將者。斬。括至軍。悉更約束。易置軍吏。出兵擊秦。武安君佯敗而走。張二奇兵以劫之。括乘勝追秦。壁壁拒不得入。而秦奇兵絕其後。軍分為二。糧道絕。趙請粟於齊。齊王勿許。周子曰。夫趙之於齊。楚猶齒之有唇。唇亡則齒寒矣。救趙之務。宜若奉漏甕。沃焦釜然。且救趙高義也。却秦顯名也。不務此而愛粟為國計者。過矣。弗聽。趙軍食絕。四十六日。人相食。括自出銳卒搏戰。秦射殺之。卒四十萬人皆降。武安君乃挾詐盡

阬之。遺其小者二百四十人歸趙。前後斬首虜又四十五萬人。趙人大震。

綱王五十六年。秦攻趙。拔武安皮牢。定太原。上黨。韓趙又割

地以和。○目武安君分軍為三。王齧攻趙。拔武安皮牢。舊注皮牢

即皮氏。胡注謂皮氏在絳州之西。與武安地形不合。司馬梗北定太原。盡有上黨地。韓

趙恐。使蘇代說應侯曰。趙亡則秦王王。而武安君為三公矣。

君能為之下乎。不如因而割之。毋以為武安君功也。應侯言

秦兵勞。請許韓趙割地以和。王聽之。割韓垣雍。邑名在今趙原武縣境。趙

六城而罷兵。武安君由是與應侯有隙。趙王之約割地也。虞

卿曰。秦之攻王也。倦而歸乎。王以其力尚能進。愛王而弗攻

乎。王曰。秦不遺餘力矣。必以倦而歸也。虞卿曰。秦以其力攻

長平之坑。秦西楚之相。秦卿是相。

秦得太原。非趙金弱。

將之令。每與相手。

其所不能取倦而歸王又以其力之所不能取以送之是助
秦自攻也來年秦攻王王無救矣樓緩曰秦趙構難而天下
悅今不割地求和以疑天下慰秦之心則天下將因秦之怒
乘趙之弊而瓜分之矣虞卿曰危哉樓子之計是愈疑天下
而何慰秦之心哉且臣言勿與者非固勿與而已秦索六城
於王而王以六城賂齊則是王失之於齊取償於秦也以此
發聲臣見秦之重賂至趙而反媾於王矣趙王曰善使卿如
齊未返而秦使者已在趙矣

綱魏以孔斌為相尋以病免○目初魏王聞孔斌賢聘以為

相子順斌謂使者曰若王能信用吾道吾道固為治世也雖

疏食飲水吾猶為之若徒委以重祿吾猶一夫耳魏王奚少

孔子六世孫

於一夫使者固請子順乃之魏改嬖寵之官尊無任之祿諸
喪職秩者咸不悅陳大計不用大計尤不取不用乃以病致仕歎曰死病無
良醫不出二十年天下其盡為秦乎秦之始伐趙也魏王問

於諸大夫皆曰於我何損斌曰不然秦貪暴之國也勝趙必
復他求吾恐於時魏受其師也先人有言燕雀處屋子母相

哺啣啣相樂自以為安矣竈突炎上棟宇將焚燕雀顏不變
不知禍之將及己也今子不悟趙之破而患將及己可以人

而同於燕雀乎斌穿之子也

綱秦誘執趙公子勝既而歸之○目秦王欲為應侯必報其

讐乃誘平原君至而執之使謂趙王曰不得齊首吾不出王
弟於關齊窮抵虞卿卿棄相印與偕亡走魏信陵君意難見

子順進禮退
義稱其子

信高之說不
之爛無誰不

四君中勝
定下

之齊怒自殺趙王取其首與秦秦乃歸平原君。雖言王稽王以爲河東守又任鄭安平王以爲將軍。雖散家財物以報所嘗困厄者。一飯之德必償。睚眦之讐言舉目相忤者必報云。

綱五十七年秦伐趙圍邯鄲。○目秦武安君病使王陵伐

趙攻邯鄲少利武安君病愈王欲使代之武安君曰邯鄲實

未易攻也且諸侯之救日至秦雖勝於長平然士卒死者過

半國內空遠絕河山而爭人國都趙應其內諸侯攻其外破

秦軍必矣王又使應侯請之終辭不行乃以王齮代陵

綱趙公子勝如楚乞師楚黃歇帥師救趙。○目趙王使平原

君求救於楚平原君約其門下食客文武備具者二十人與

之俱得十九人餘無可取者毛遂自薦於平原君平原君曰

此武安明于
料敵之言
非托故也

夫賢士之處世也譬如錐之處囊中其末錐表立見音現今先生

處勝之門下三年於此矣勝未有所聞是先生無所有也遂

曰臣乃今日請處囊中耳使蚤得處囊中乃脫穎而去言猶錐

銳上突然而出非特其末見而已平原君乃與之俱十九人相與日

笑之平原君至楚與楚王言合從之利害日出而言之日中

不決毛遂按劍歷階而上謂平原君曰從之利害兩言而決

爾今日出而言日中不決何也楚王怒叱曰胡不下吾乃與

而也君言汝何爲者也遂按劍而前曰王之所以叱遂者以

楚國之衆也今十步之內不得恃楚國之衆也王之命懸於

遂手吾君在前叱者何也今以楚之強天下弗能當白起小

豎子爾一戰而舉鄢郢再戰而燒夷陵三戰而辱王之先人

此百世之怨。而趙之所羞。而王弗知惡焉。合從者為楚。非為趙也。楚王曰。唯唯。誠若先生之言。謹奉社稷以從。毛遂謂楚王之左右曰。取雞狗馬之血來。遂奉銅盤而跪進之。楚王曰。王當歃也。血而定從。次者吾君。次者遂。遂定從於殿上。遂左手持盤血。右手招十九人。歃血於堂下。曰。公等錄錄也。庸常所謂因人成事者也。平原君已定從而歸。至於趙。曰。勝不敢復相天下士矣。遂以毛遂為上客。於是楚使春申君將兵救趙。綱魏晉鄙帥師救趙。次於鄴。公子無忌襲殺鄙。奪其軍以進。○目魏王使晉鄙救趙。秦王使謂魏曰。吾攻趙。旦暮且下。諸侯敢救者。必多兵先擊之。魏王恐。止晉鄙壁鄴。漳縣。又使將軍新垣衍說趙王。欲共尊秦為帝。以却其兵。魯仲連聞之。往

見衍曰。彼秦者。棄禮義而上首功之國也。

秦法斬首多為上功。謂斬一人首賜

爵一級

彼即肆然而為帝。則連有蹈東海而死耳。不願為之民

也。衍起再拜曰。吾乃今知先生天下之士也。不敢復言。帝秦矣。初魏公子無忌愛人下士。致食客三千人。魏有隱士曰侯嬴。家貧為夷門監者。公子置酒大會賓客。坐定。從車騎虛左。自迎侯生。生直上載。不讓。公子執轡愈恭。生又謂公子曰。臣有客在市屠中。願枉車騎過之。公子引車入市。生下見其客。朱亥。睥睨故。久立。與其語。微察公子。公子色愈和。乃謝客就車。至公子家。公子引生坐上坐。賓客皆驚。及秦圍趙。趙平原君夫人公子姊也。使者冠蓋相屬於魏。讓公子。公子患之。數請魏王救晉鄙救趙。及賓客辯士遊說萬端。王終不聽。公子

乃屬賓客約車騎百餘乘欲赴鬪以死於趙過夷門見侯生
 生曰公子勉之矣老臣不能從公子去行數里心不快復還
 見侯生生笑曰臣固知公子之還也今公子無他端而欲赴
 秦軍如以肉投餒虎何功之有公子再拜問計生曰吾聞晉
 鄙兵符在王臥內而如姬最幸力能竊之且公子嘗為報其
 父讐如姬欲為公子死無所辭誠一開口則得兵符奪鄙兵
 北救趙西却秦此五伯之功也公子如其言得兵符侯生曰
 將在外君令有所不受有如鄙疑而復請之則事危矣臣客
 朱亥力士可與俱晉鄙若聽則大善不聽可使擊之公子至
 鄴晉鄙合符果疑之舉手視公子曰吾舉十萬之衆屯於境
 上國之重任今單車來代之何如哉亥袖四十斤鐵椎椎殺

實此尤見
 老成

將以私恨殺大

殺降之報

鄙公子遂勒兵下令曰父子俱在軍中者父歸兄弟俱在軍
 中者兄歸獨子無兄弟者歸養得選兵八萬人將之而進

綱甲辰五十八年燕孝王元年秦殺白起○目王齕戰不利武安君

曰不聽吾計今何如矣王聞之怒強起之武安君稱病篤乃

免為士伍遷之陰密今靈臺縣行至杜郵亭名在咸陽應侯曰起之遷

意尚快快有餘言王乃使賜之劍武安君遂自殺秦人憐之
 應侯乃任鄭安平使將擊趙

綱魏公子無忌大破秦軍邯鄲下○目信陵君大破秦軍王

齕解圍走鄭安平以二萬人降趙信陵君不敢歸魏使將將
 其軍以還趙王欲以五城封公子公子聞之有自功之色客

有說公子曰物有不可忘有不可不忘人有德於公子公子

太白詩亦有
個位士魯連
特寫妙明
出海后一朝
開光耀帝
秦振英聲
後世仰末始
義推千金
贈故向平原
笑吾之漢名
人拂衣可同
調子極喜
此兩人而人
先心許笑故
記

不可忘也。公子有德於人，願公子忘之也。且矯令奪兵以救趙於趙，則有功矣。於魏則未為忠臣也。公子乃自驕而功之，竊為公子不取也。於是公子立自責，若無所容。趙王自迎執主人之禮，引公子就西階。公子側行辭讓，從東階上。自言古罪字，過以負於魏，無功於趙。趙王與公子飲至暮，以公子退讓，竟不忍言獻五城。平原君欲封魯仲連，仲連亦不受。乃以千金為壽。連笑曰：所貴為天下之士者，為人排患難，解紛亂，而無取也。即有取者，是商賈之事。連不忍為也。遂辭去，終身不復見。

綱秦太子之子異人，自趙逃歸。○**目**秦太子妃曰華陽夫人，無子。夏姬生子異人，質於趙。秦數敗趙，趙不禮之，困不得意。

古今第一
大賈

不韋包藏
際而布置
遠卒使
氏轉而呂氏
舉孝子以
未百萬
密攻之而不
能克志竟
以一女子奪
其國於秦
席之正真
大盜也

陽翟大賈呂不韋適邯鄲，見之曰：此奇貨可居。居蓄賤物以乘時射利乃說之曰：秦王老矣，太子愛華陽夫人而無子，子之兄弟二十餘人，子居中，不甚見幸，太子即位，子不得爭為嗣矣。異人曰：奈何？不韋曰：能立適音嫡者，獨華陽夫人耳。不韋雖貧，請以千金為子西遊，立子為嗣。異人曰：必如君策。秦國與子共之。不韋乃與五百金，令結賓客，復與五百金，買奇物玩好，自秦而西，見夫人姊，而以獻於夫人。因譽異人之賢，賓客遍天下。日夜泣思太子及夫人。曰：異人也，以夫人為天。夫人喜，不韋因使其姊說曰：夫人愛而無子，不以繁華時蚤自結於諸子，中賢孝者舉以為嫡，即色衰愛弛，雖欲開一言，尚可得乎？今異人賢而自知中子，不得為適，誠以此時拔之，是異人無國。

司益會編卷九
東周已報王
三

而有國夫人無子而有子也則終身有寵於秦矣夫人以為然果聞因其閉言之太子與夫人又刻玉符約以為嗣因請

不韋傅之不韋娶邯鄲姬絕美者與居知其有娠異人見而請之不韋伴怒既而獻之期年而生子政異人遂以為夫人

邯鄲之圍趙人欲殺之不韋賂守者得脫亡赴秦軍遂歸異人楚服而見夫人不韋以夫人楚人故使夫人曰吾楚人也

當自子之養之為更平名曰楚

綱五十九年秦伐韓趙王命諸侯討之秦遂入寇京師陷

王卒今登負黍聚斬首四萬伐趙取

二十餘縣斬首九萬赧王恐倍秦與諸侯約從欲伐秦秦使

將軍膠音鳩史攻西周赧王入秦頓首受罪盡獻其邑二十

周

六口三萬秦受其獻而歸赧王於周是歲卒○先是東西周分治赧王徙都西周自洛陽益以微弱不能主盟會武公西也君依焉

東周君河南惠公立長子曰西周君又封少子於鞏曰

而河南亡莊襄元年遷東周君於陽人聚而洛陽之鞏亡

綱丙秦昭襄王五十二楚考烈王八燕孝王三魏安釐王二

七秦丞相范雎免○日秦河中守王稽坐與諸侯通棄市秦

王臨朝而歎應侯請其故王曰武安君死而鄭安平王稽等

皆畔內無良將外多敵國吾是以憂應侯懼不知所出燕客

蔡澤聞之西入秦先使人宣言應侯曰蔡澤見王必奪君位

應侯召澤讓之澤曰吁君何見之晚也夫四時之序成功者

丞相書免
去其前孔武
其知止而退
也

善用澤字
竟免禍

去商君吳起大夫種何足願與應侯謬曰何為不可君子有
殺身以成名死無所恨澤曰身名俱全者上也名可法而身
死者次也三子之可願孰與閔天周公哉語曰日中則移月
滿則虧進退盈縮與時變化今君怨已讐而德已報意欲至
矣而無變計竊為君危之應侯曰善遂薦澤於王因謝病免

王悅澤任以為相數月免

古讐與
酬通

綱周民東亡秦取其寶器遷西周公

武公子
文公

於患音狐之聚

在今河南府城外五十里

秦取九鼎遷西周公於此○楚人遷魯於莒而取其地

綱丁秦五十三楚九燕王喜元魏二
未十三趙十二韓十九齊十一年

秦伐魏取吳城○韓王

入朝於秦○魏舉國聽令於秦

綱戊秦五十四楚十燕二魏二十
申四趙十三韓二十齊十二年秦王郊見上帝於雍○楚

備天子禮

遷於鉅陽

綱己秦五十五楚十一燕三魏二十
酉五趙十四韓二十一齊十三年魏人殺衛君而立其弟

弟魏
婿也

綱庚秦五十六楚十二燕四魏二十
戌六趙十五韓二十二齊十四年秋秦王稷薨太子柱立

韓王哀經入弔祠

綱燕伐趙趙敗之遂圍燕○目燕王使栗腹約驩於趙反而

言曰趙壯者死長平其孤未壯可伐也王使腹將而攻鄗今

邑將渠曰與人通關約交使者報而攻之不祥師必無功王

不聽自將偏軍隨之將渠引王之綬王以足蹴之將渠泣曰

臣非自為為王也王不聽遂行趙使廉頗擊之敗其兩軍逐

北五百里遂圍燕燕人請和趙人曰必令將渠處和燕王以

綱東周君

將渠為相而處和趙師乃解

綱趙公子勝卒

綱辛秦孝文王柱元楚十三燕五魏二冬十月秦王柱薨子亥十七趙十六韓二十三齊十五年

楚立是為莊襄王○目孝文王即位三日而薨子楚立尊華陽夫

人為華陽太后夏姬為夏太后

綱燕伐齊拔聊城齊復取之○目燕將攻齊聊城今為縣屬東昌府

拔之或譖之燕王燕將保聊城不敢歸齊田單攻之歲餘不

下魯仲連乃為書約束而纏之之矢以射城中遺燕將陳利害燕

將見書泣三日遂自殺聊城亂田單克之歸言魯仲連於齊

王欲爵之仲連逃之海上曰吾與富貴而詘屈於人寧貧賤

而輕世肆志焉魏安釐王問天下之高士於子順子順曰世

此將忠臣也大將也

無其人也抑可以為次其魯仲連乎

綱王秦莊襄王楚元楚十四燕六魏二秦以呂不韋為相國子十八趙十七韓二十四齊十六年

封文信侯○秦滅東周遷其君於陽人聚○鑑東周君與諸

侯謀伐秦秦王使相國呂不韋帥師滅之遷東周君於陽人

聚周遂不祀周比亡凡有七邑

綱秦伐韓取滎陽成臯置三川郡洛陽有伊洛河三水故名○楚滅魯遷

其君頃於卞今泗水縣為家人

右周三十七王共八百七十三年

歷年圖曰周自平王東遷日以衰微至於戰國又分而為二其上地人民不足以比強國之大夫然天下

猶尊而事之以為其主守文武之宗祧久而不絕其故何哉植木固而發源深也昔周之興也禮以為本仁以為源

自后稷以來至於文武成康其講禮也備矣其施仁也深矣民習於耳目浹於骨髓雖後世微弱而民將有陵慢之

綱監會編卷九

東周紀

三

惟危

心則畏先王之禮而不敢為將有離散之心則思先王之
仁而不忍去此其所以享國長久之道也不然以區區數
邑處於七暴國之間一
日不可存況數十年乎

綱鑑會編卷十

文安 劉德芳 訂正

崑山 葉 澐 輯錄

秦紀秦隴西谷名在雍州鳥鼠山之東北秦之先伯益之
後有非子者為周孝王養馬封之秦谷為附庸子孫

遂以為
國號

莊襄王姓嬴氏初名異人更名楚孝
文王柱之子在位三年薨

綱癸秦莊襄王二楚考烈王十五燕王喜七魏安釐王二十
丑九趙考成王十八韓桓惠王二十五齊王建十七年

秦伐趙定太原取三十七城○楚黃歇徙封於吳○目春申

君言於楚王曰淮北邊於齊其事急請以為郡而封於江東

許之春申君因城故吳墟今蘇州府而居之宮室甚盛

綱甲秦三楚十六燕八魏三十趙寅十九韓二十六齊十八年秦悉拔趙上黨諸城置太

綱鑑會編卷十

秦已莊襄

無忌而敗秦
七燧時侯
焯也

信陵到后
得士力

聯散為整
轉弱為強
此舉其孟
皆臨問問
亦並稱壯戰
國惟此二公
子山東難
秦之惟此二
舉而已

原郡○秦伐魏魏公子無忌率五國之師敗之追至函谷而
還○**目**秦蒙驁帥師伐魏魏師數敗魏王患之乃使人請信
陵君於趙信陵君畏得罪不肯還毛公薛公見信陵君曰公
子所重於諸侯者徒以有魏也今魏急而公子不恤一旦秦
人克大梁夷先王之宗廟公子何面目立天下乎語未畢信
陵君色變趣音促駕還魏魏王持信陵君而泣以為上將軍信
陵君使人求援於諸侯諸侯聞信陵君復為魏將皆遣兵救
魏信陵君帥五國之師敗驁於河外追至函谷關而還○安
陵今鄆陵縣人縮高之子仕於秦守管今為鄭州信陵君攻之不下使
人召高將以為五大夫執節尉而使攻管高對曰父攻子守
人之笑也見臣而下是倍主也父教子倍亦非君之所喜敢

辭信陵君怒使謂安陵君生束縮高而致之不然無忌將率
十萬之師以造城下安陵君曰吾先君成侯受詔襄王以守
此城也手受太府之憲其上篇曰子弑父臣弑君有常不赦
今縮高辭大位以全父子之義而君曰必生致之是使我負
襄王之詔而廢太府之憲也縮高聞之曰信陵君為人悍猛
而自用此辭反也反還也必為國禍吾已全已無違人臣之義矣
豈可使吾君有魏患乎乃之使者舍刎頸而死信陵君聞之
縞素辟舍而遣使謝安陵君

綱五月秦王楚薨子政立○**目**政生十三年矣國事皆委於
文信侯號仲父

秦始皇

名政莊襄王之子即王位二十六年滅六國稱皇帝又十二年崩壽五十歲

汲巴蜀心廣地
溉園中水田
用鄭國而不
將誰能育此

用杜為利
開萬世水利

鍾古作鍾容
六斛四斗

廉頗李牧
皆死郭開
之手

綱目乙秦王政元楚二十七燕九魏三十秦鑿涇水為渠○目韓

欲疲秦使無東伐乃使水工鄭國為間於秦鑿涇水自仲山

為渠並北山東注洛秦覺欲殺之國曰臣為韓延數年之命

然渠成亦秦萬世之利也乃使卒為之注填塞音燕之水

溉焉一作斥鹵之地四萬餘頃收皆畝一鍾由是秦益富饒

綱目丙秦二楚十八燕十魏三十二趙趙王丹薨廉頗奔魏○

目趙使廉頗伐魏取繁陽今內黃縣境孝成王薨悼襄王立使樂

乘代頗頗怒攻之遂出犇魏魏不能用趙師數困王復思之

使視頗尚可用否頗之仇郭開多與使者金令毀之頗見使

者一飯斗米肉十斤被甲上馬以示可用使者還報曰廉將

軍尚善飯然與臣坐頃之三遺矢屎同矣王以為老遂不召楚

人迎頗於魏頗為楚將無功曰我思用趙人尋卒於楚

綱目丁秦三楚十九燕十一魏三十三趙悼秦大饑○秦伐韓

取十二城○趙李牧伐燕取武遂今武強縣方城今固安縣○目李牧

者趙之北邊良將也嘗居代今蔚州雁門今代州備匈奴以便宜

置吏市租皆輸入莫府莫與幕同古者出征以幕帳為府署也為士卒費日擊

數牛饗士習騎射謹烽火多間謀細作也為約曰匈奴入盜則

急收保有敢捕虜者斬如是數歲無所亡失匈奴皆以為怯

邊士日得賞賜而不用皆願一戰於是大破殺匈奴十餘萬

騎滅襜褕音擔藍胡國名破東胡降林胡單于匈奴主之號犇走十餘歲

不敢近趙邊先是天下冠帶之國七而秦趙燕邊於戎狄秦

滅義渠始於隴西今臨鞏二府境北地今慶陽府上郡今延安府築長城以拒

三國金華長
城當此賴
今人惟指為
秦事

信陵君卒

魏不能用信
其用信其
其用信其

胡趙武靈王北破林胡樓煩築長城自代並陰山在鞏鞞下
至高闕塞名在大同府西山中斷為塞其後燕破東胡却千
餘里亦築長城以拒胡及戰國之末而匈奴始大

綱魏公子無忌卒○目秦既敗於河外使人行萬金以間信
陵君求得晉鄙客令說魏王曰公子亡在外十年矣今復為
將諸侯皆屬天下徒聞信陵君不聞魏王矣秦王又數使人
賀信陵君得為魏王未也魏王信之使人代將於是信陵君
謝病不朝日夜以酒色自娛四歲而卒韓王往弔其子榮之
以告子順子順曰禮鄰國君弔君之為主今君不命子則子
無所受韓王矣其子辭之

綱戊秦四楚二十燕十二魏三十春秦伐魏取暢有詭魏邑名今

樂陽壽春

未詳 ○秋七月秦蝗疫令民納粟拜爵捐納之令所自始

綱己秦五楚二十一燕十三魏景閔王秦伐魏取二十城置
東郡今東昌大

春申君攻秦

綱庚秦六楚二十二燕十四魏二楚趙魏韓衛合從以伐秦
至函谷皆敗走○鑑諸侯患秦攻伐無已時故五國合從以

伐之楚王為從長春申君用事取壽陵地名未詳舊至函谷

秦師出五國兵皆敗走楚王以咎春申君春申君以此益疎

綱楚遷於壽春今壽○目朱英謂春申君曰先君時秦善楚

二十年不攻者何也踰阨音阨塞名在今信之塞而攻楚不

便假道於兩周背韓魏而攻楚不可今則不然魏旦暮亡不

能愛許鄢陵割以與秦秦兵去陳百六十里臣見秦楚之日

綱已始皇

鬪也。楚於是去陳，徙壽春，命曰郢。

綱秦拔魏朝歌，及衛濮陽，衛徙居野王。

綱辛秦七，楚二十三，燕十五，魏三，西趙五，韓三十三，齊二十五，年秦伐魏，取汲。

綱癸秦九，楚二十五，燕十七，魏五，亥趙七，韓王安，元齊二十七，年秦伐魏，取垣。今垣，蒲，今蒲，曲縣，蒲縣。

○夏四月，秦大寒，民有凍死者。○秦王冠帶劍。○秦伐魏，取

衍氏。在鄭州。○秋九月，秦嫪毐音勞作亂，伏誅夷三族。秦王遷

其太后於雍。○鑑初，秦王即位年少，太后時時與文信侯私

通。王益壯，太后淫不止。文信侯恐事覺及禍，乃私求大陰人

嫪毐為舍人。后聞欲私得之，不韋乃進嫪毐，詐以腐罪為

宦者，得侍太后。太后私與之通，絕愛之。有身生二子，封毐為

長信侯。政事皆決於毐。至是有告毐實非宦者，王下吏治毐。

不韋智術於此，竟誅貪淫之報也。

收諫可取，立論大謀。

毒懼，矯王御璽發兵為亂。王使相國昌平君、昌文君攻之。毒

戰敗走，獲之。夷三族，遷太后於雍，殺其二子。下令敢諫者死。

諫而死者二十七人，斷其四支，積之闕下。齊客茅焦請諫。王

大怒，按劍而坐，口正沫。沫，口唾也。出趣，召鑊，欲烹之。焦徐行至前，

再拜謁起，稱曰：臣聞有生者不諱死，有國者不諱亡。諱死者

不可以得生，諱亡者不可以得存。死生存亡，聖主所欲急聞

也。陛下欲聞之乎？王曰：何謂也？焦曰：陛下有狂悖之行，四不

自知邪？車裂假父。下策，即囊撲之也。二弟遷母於雍，殘戮諫士，桀

紂之行，不至於是矣。令天下聞之，盡瓦解。無嚮秦者。臣竊為

陛下危之。言已，乃解衣伏質。王下殿，手接之，爵以上卿。自

駕虛左方，迎太后歸，復為母子如初。

黃歇巧於
取林而李
園兄妹不為
道豈遠代

歇豈向不
事之風而
慕之耶不
弟又成此
白笑

綱楚王完薨盜殺黃歇。○目楚考烈王無子春申君求婦人
宜子者進之甚眾卒無子趙人李園進其妹於春申君既有
娠園使妹說春申君曰楚王無子即百歲後將更立兄弟彼
亦各貴其故所親君又安得常保此寵乎且君貴用事久多
失禮於王之兄弟兄弟立禍且及身矣今妾有娠而人莫知
誠以君之重進妾於王賴天而有男則是君之子為王也楚
國可盡得孰與身臨不測之禍哉春申君乃出之謹舍而言
於王王召幸之遂生男立為太子園妹為后園亦貴用事恐
春申君泄其語陰養死士欲殺春申君以滅口王病朱英謂
春申君曰李園不為兵而養死士之日久矣王薨必先入據
權殺君以滅口君若置臣郎中王薨園入臣為君殺之春申

君曰園弱人也僕又善之且何至此英知言不用懼而亡去
後十七日王薨園果先入伏死士於棘門之內刺殺春申君
滅其家太子立是為幽王。

綱甲秦十楚幽王悍元燕十八魏冬十月秦呂不韋以罪免

相就國。○目秦王以不韋奉先王功大不忍誅免就國。

綱秦大索逐客客卿李斯上書召復故官遂除其令。○鑑秦

宗室大臣議曰諸侯人來仕者皆為其主遊間耳請一切逐

之於是大索逐客客卿楚人李斯亦在逐中行且上書曰臣

聞吏議逐客竊以為過矣昔穆公求士西取由余於戎余晉人亡

入東得百里奚於宛迎蹇叔於宋求丕豹公孫支於晉并國

二十遂霸西戎孝公用商鞅之法諸侯親服至今治疆惠王

李斯出

用張儀之計散六國之從使之事秦昭王得范雎彊公室杜私門此四君者皆以客之功由此觀之客何負於秦哉臣聞太山不讓土壤故能成其大河海不擇細流故能就其深王者不却眾庶故能明其德此五帝三王之所以無敵也今乃棄黔首始皇名民曰黔首以其頭黑也却賓客以業諸侯所謂藉寇假借也兵而齎讀作資持送也盜糧者也王乃召李斯復其官除逐客之令卒用李斯之謀陰遣辯士齎金玉遊說諸侯厚遺結其名士不可下者刺之離其君臣之計然後使良將將兵隨其後數年之中卒兼天下

綱齊趙入秦置酒書法譏媚敵也國將亡矣其以自免者如是而已

綱趙伐燕取狸陽正義曰燕無狸陽狸疑是

漁秦伐趙取九城○趙王偃薨○**目**子遷立其母倡也嬖於悼襄王王廢嫡子嘉而立之遷素以無行聞於國

綱不韋就國歲餘諸侯使者請之相望於道王恐其為變賜不

韋書曰君何功於秦封河南十萬戶何親於秦號稱仲父其

徙處蜀不韋恐誅飲酖死

綱秦助魏伐楚

綱秦伐趙殺其將扈軛趙以李牧為大將軍復戰宜安即古肥子國今藁城縣地秦師敗績

綱秦伐趙取宜安平陽武城○

韓遣使稱藩於秦○**目**初韓諸公子非善刑名法術之學見

呂政弑父

水蓋弑章
秦之有愧
於六國惟此

能文者必不
傾惜春申
韓非之理

斯妬才豈
世為相

韓削弱數以書于韓王王不能用非疾治國不務求人任賢
反舉浮淫之蠹加之功實之上寬則寵名譽之人急則用介
胄之士所養非所用所用非所養作孤憤五蠹說音難說林
十餘萬言至是王使納地效璽於秦請為藩臣非因說秦王
曰大王誠聽臣說一舉而天下之從不破趙不舉韓不亡荆
魏不臣齊燕不親則斬臣徇國以戒為王謀不忠者王悅之
未用李斯譖之下吏自殺

綱 己秦十五楚六燕二十三魏十秦伐趙取狼孟今陽曲番
巴一趙四韓七齊三十二年

吾未詳遇李牧而還○燕太子丹自秦亡歸○**目**初丹嘗質於

趙與秦王善及秦王即位丹質於秦秦王不禮焉丹怒亡歸

綱 庚秦十六楚七燕二十四魏十秋九月韓獻南陽地於秦
午二趙五韓八齊三十四年

○代地震坼東西百三十步

綱 辛秦十七楚八燕二十五魏十三趙六韓秦內史官勝人名
未九齊三十五年○是歲韓亡凡六國

滅韓擄韓王安置潁川郡治陽翟今開封府之南境○趙大饑○衛元君

卒子角立

綱 壬秦十八楚九燕二十六魏秦王翦伐趙下井陘今為縣屬真定
申十四趙七齊三十六年

府趙殺其大將軍李牧○**目**秦王翦伐趙趙使李牧禦之秦

多與趙嬖臣郭開金使言牧欲反趙王使趙慈顏聚代之牧

不受命遂殺之

綱 癸秦十九楚十燕二十七魏十五趙八秦滅趙擄趙王遷
酉齊三十七年○是歲趙亡凡五國

秦王如邯鄲○**目**故與母家有隙者皆殺之

綱 秦軍屯中山以臨燕○趙公子嘉自立為代王與燕合兵

安得不亡

第三

趙三二

軍上谷今延慶州地

○楚王悍薨弟郝立三月郝庶兄負芻弑之

自立

綱甲秦二十楚王負芻元燕二十八魏王假元齊三燕太子

丹使客荆軻劫秦王不克秦遂進兵於薊○鑑初丹既亡歸

怨秦王欲報之謀於其傅鞠武武不應有頃秦將樊於期得

罪於秦亡之燕太子受而舍之武諫曰不可以秦王之暴而

積怒於燕足為寒心况又聞樊將軍之所在乎願太子疾遣

樊將軍入匈奴以滅口太子不聽武遂言燕有田光先生者

為人智深而勇沈可與謀事武因介光以見太子太子避席

而請曰燕秦不兩立願先生留意也田光曰臣聞騏驎壯盛

之時一日而馳千里及其衰也駑馬先之今太子聞光壯盛

之時不知臣精已銷亡矣雖然光不敢不以圖事所善荆卿

可使也太子即願交於軻光遂語軻急過太子史記荆軻衛

慶卿燕人謂之荆卿好讀書擊劍以術說衛元君衛元君不

能用軻嘗遊榆次與蓋聶論劍聶怒目懾之軻即出遂駕而

去游於邯鄲與魯勾踐博爭道勾踐怒而叱之荆軻嘿而逃

去亦不復會軻既至燕愛燕之狗屠及善擊筑者高漸離軻

嗜酒日與狗屠及漸離飲於燕市酒酣以往高漸離擊筑荆

卿和而歌於市中相樂也已而相泣旁若無人燕之處士田

光先生亦善待之軻許諾初太子送光出戒勿泄其言至是

光遂自刎以明言之不泄軻至太子謂軻曰秦有貪利之心

而欲不可足也非盡天下之地臣海內之王其意不厭今秦

已據韓臨趙禍且至燕燕小不足以當秦丹欲得天下之勇

士使於秦劫秦王使悉反諸侯侵地若曹沫之與齊桓公盟

則善矣不可則因而刺殺之彼大將擅兵於外而內有亂則

綱鑑易知錄

耶珍

荆軻索其於
期於宮殿
得平原笑若
三頭皆謀而
必得者也

君臣相疑以其間得諸侯合從破秦必矣唯荆卿留意焉軻
許之乃舍軻上舍丹日造門所以奉養軻無不至會秦滅趙
丹懼欲遣軻軻曰今行而無信則秦未可親也誠得樊將軍
首與燕督亢地名在涿州地圖奉獻秦王秦王必說見臣臣乃有
以報也丹曰樊將軍窮困來歸丹丹不忍也軻乃私見樊於
期曰秦王遇將軍可謂深矣父母宗族皆為戮沒今聞購將
軍首金千斤邑萬家將奈何於期太息流涕曰計將安出軻
曰願得將軍之首以獻秦王秦王必喜而見臣臣左手把其
袖右手搃張煬反擊也其胸則將軍之仇報而燕見陵之愧除矣
於期曰此臣之日夜切齒痛心也遂自刎丹奔往伏哭然已
無可奈何乃取軻首又嘗豫求天下之利匕首使工以藥

孝男子

焯以試人血濡縷血出如絲縷之細人無不立死者乃裝為遣荆軻

燕有勇士秦舞陽年十三殺人不敢忤視今為軻副軻有
所欲待與俱而人居遠未來軻未發太子疑其悔激之欲
令舞陽先往軻怒遂行太子及賓客知其事者皆白衣冠送
之至易水上既祖道高漸離擊筑荆軻和歌為變徵之聲士
皆垂涕又前為歌曰風蕭蕭兮易水寒壯士一去兮不復還
復為羽聲慷慨士皆曠目髮盡上指冠於是軻就車而去軻
至咸陽王大喜朝服設九賓而見之軻奉圖以進於王圖窮
而匕首見因把王袖而搃之未至身王驚起袖絕軻逐王王
環柱而走秦法羣臣侍殿上者不得操尺寸之兵左右以手
共搏之是時侍醫夏無且以其所捧藥囊提荆軻秦王倉猝

白虹貫日

子房一擊之
力刺軻為之
先鞭

綱鑑會編卷下
秦已始皇
形珍

不知所為左右乃曰王負劍負劍王遂拔以擊軻斷其左股軻引七首擿王不中自知事不就罵曰事所以不成者欲生劫之必得約契以報太子也於是左右前殺軻秦王不怡者良久已而論功行賞賜夏無且黃金二百鎰王大怒益發兵就王翦於中山與燕代戰易水西大破之遂圍薊史記後高漸離至秦秦王聞其善擊筑召見人有識其為漸離也秦王惜其善擊筑赦之使矐其目擊筑漸離乃以鉛置筑中扑秦王不中於是遂誅漸離終其身不復近諸侯之人

綱乙秦二十一楚二燕二十九亥魏二齊三十九代二年冬十月秦拔薊燕王走遼東

斬其太子丹以獻於秦

綱秦李信伐楚○**目**秦王問於將軍李信曰吾欲取荆楚度用幾何人信曰不過二十萬問王翦翦曰非六十萬人不可曰

魏三

將軍老矣何怯也遂使李信蒙恬將二十萬人伐楚翦謝病

歸頻陽今富平縣地

綱丙秦二十二楚三燕三十魏三齊四秦王賁音奔翦之子伐魏

引河溝以灌其城魏王假降殺之遂滅魏

綱楚人大敗秦軍李信奔還秦使王翦代之○**目**李信敗楚

軍引兵西與蒙恬會城父今亳州地楚人因隨之三日不頓舍大

敗之入兩壁殺數都尉信奔還王怒自至頻陽謝王翦彊起

之翦曰老臣罷病悖亂大王必不得已用臣非六十萬人不

可王許之於是翦將六十萬人伐楚王自送至霸上霸水本名滋水

在今西安府城東出藍田谷北流入渭秦始皇築宮於此城曰霸城水曰霸水以彰霸功翦請美田宅甚

衆王曰將軍行矣何憂貧翦曰為大王將有功終不得封侯

秦出兵七十萬國空矣有乘其志未固其危乎故曰担于取也

君臣以相
德安得不
連

故及大王之鄉臣請田宅為子孫業耳王大笑既行又數使
使者歸請之或曰將軍之乞貸亦已甚矣翦曰王怙將頂反
作中而不信人今空國而委我不有以自堅顧令王坐而疑
我矣

綱丁秦二十三楚四燕三十
丑一齊四十一代四年 秦王翦大敗楚軍殺其將項燕

○目王翦取陳以南至平輿今汝陽縣楚人悉國中兵以禦之翦

堅壁不戰日休士洗沐而善飲食撫循之親與士卒同食久

之問軍中戲乎對曰方投石超距跳躍也翦曰可矣楚既不得

戰引而東翦追擊大破之至蕲南蕲楚邑在今宿州南殺其將軍項燕

楚師敗走翦乘勝略定城邑

綱戊秦二十四楚五燕三十二齊四十
寅二代五年○是歲楚亡凡四國 秦滅楚擄楚王負芻

置楚郡按秦三十六郡無楚郡此蓋滅楚之時暫置耳後分為九江郡會稽三郡

綱己秦二十五燕二十三齊四十三
卯代六年○是歲燕代亡凡二國 秦王賁滅燕擄燕王喜

還滅代擄代王嘉○秦王翦遂定江南降百越置會稽郡治吳

今兩浙閩越之地皆會稽郡也○五月天下大酺

綱庚二十六年綱目是年 王賁襲齊王建降○目初齊君王

后事秦謹與諸侯信齊亦東邊海上秦日夜攻五國五國各

自救以故王建立四十餘年不受兵君王后卒后姓也本勝

相齊與客多受秦間金勸王朝秦不修戰備不助五國攻秦

秦以故得滅五國齊王將入秦雍門齊之城門司馬前曰所為立

王者為社稷邪王曰為社稷司馬曰為社稷而立王則王何

以去社稷而入秦王乃還即墨大夫聞之見王曰齊地方數

秦非能滅六
國六國君多
庸愚其臣
多受秦間
金懷詐
忠良不脩
政治不三
待

燕三代之五

燕三代

楚三代

秦并天下王
多
自是心後帝
王建國親
侯之制亦不
可復矣

自上帝尊神

千里帶甲數百萬今三晉大夫及鄢郢大夫不欲為秦者各數百王收而與之各數萬之眾使收晉楚故地如此則秦國可亡豈特保其國家而已哉王不聽至是王貴自燕南攻齊猝入臨菑民莫敢格者建遂降秦遷之共音恭今輝縣處之松柏之間餓而死齊人怨建聽姦人賓客不蚤與諸侯合從以亡其國歌之曰松邪柏邪住建共者客邪疾建用客之不詳也蘇洵曰六國破滅非兵不利戰不善弊在賂秦賂秦而力虧破滅之道也何則諸侯之地有限暴秦之欲無厭奉之彌繁侵之愈急至於顛覆理固宜然然齊人未嘗賂秦終繼五國遷滅何哉與嬴而不助五國也五國既喪齊亦不免矣嗚呼以賂秦之地封天下之謀臣以事秦之心禮天下之奇才并力西嚮則吾恐秦人食之不得下咽也悲夫有如此之勢而為秦人積威之所劫日削月割以趨於亡為國者無使為積威之所劫哉
綱王初并天下更號皇帝○且王自以德兼三皇功過五帝

乃更號曰皇帝命為制令為詔自稱曰朕追尊莊襄王為太上皇

綱除謚法○目制曰死而以行為謚則是子議父臣議君也甚無謂自今以來除謚法朕為始皇帝後世以計數二世三世至於萬世傳之無窮

綱定為水德以十月為歲首○目初齊人鄒衍論著終始五德之運始皇采用其說以為周得火德秦代周從所不勝為水德始改年朝賀皆自十月朔衣服旌旄皆尚黑數以六為紀以為水德之始剛毅戾深事皆決於法刻削毋仁恩和義然後合於五德之數於是急於法久不赦

綱分天下為三十六郡銷兵器一法度徙豪傑於咸陽○鑑

建亥
三代取相生
秦取相克

封建改為郡縣

綱蓋言編次一
秦始皇
志行

丞相綰姓王等言燕齊荆地遠不為置王無以鎮之請立諸

子始皇下其議廷尉李斯曰周文武所封子弟同姓甚衆然

後屬疏遠相攻擊如仇讎周天子弗能禁止今海內賴陛下

神靈一統皆為郡縣諸子功臣以公賦稅重賞賜之甚足易

制天下無異意則安寧之術也置諸侯不便始皇曰天下共

苦戰鬪不休以有侯王賴宗廟天下初定又復立國是樹兵

也而求其寧息豈不難哉廷尉議是於是分天下為三十六

郡內史三川河東南陽南郡九江郡會稽潁川碭郡泗水

薛郡東郡瑯琊齊郡上谷漁陽右北平遼西遼東代郡鉅鹿邯鄲上黨太原雲中九原雁門上郡隴西郡置守尉監掌

北地漢中巴郡蜀郡黔中長沙凡三十六郡治其郡尉佐守典武職收天下兵銷以為鐘鐻亦作金人十

二各重千石置宮庭中關中記云始皇二十六年有大人十

二見於臨洮身長五丈足履六尺皆

戎狄服始皇以為瑞乃銷兵器鑄為金人象之索隱曰各重

千石坐高二丈號曰翁仲漢世在長樂宮門董卓徙青門裏

魏明帝欲將詣洛陽載到霸城重不可致一法度衡石丈尺

後石虎徙之鄴苻堅又徙入長安銷之

徙天下豪傑於咸陽十二萬戶

綱築宮咸陽北阪上○目初諸廟及章臺上林皆在渭南及

破諸侯寫倣其宮室作之於咸陽北阪上南臨渭自雍門以

東殿屋複道周閣相屬所得諸侯美人鐘鼓以充入之

綱辛巳二十七年帝巡隴西北地至雞頭山今在平涼府西過回中宮名

在今隴州○作信宮信宮即長及甘泉前殿治馳道於天下

綱壬午二十八年帝東巡立石鄒嶧山封太山禪梁父遂遊海

上求神仙南渡江乃還○鑑始皇東行郡縣上鄒嶧山在今鄒縣

立石頌功業上太山自山陽至巔立石頌德從陰道下禪除地

巡幸

綱監會編卷一

秦始皇

百

志行

五百五

封禪之說始
于管仲而詳
載于司馬遷
於皆托之空
言見于行事
首著於好自
後漢之先武
唐高宗宋真
宗尤秦世如
備也

貪嗔癡
皆具

張良出

忠義之用可

王仙

事成則為子
房事敗則
為荆軻

糖祖龍
鬼侶居姓
之心子房
擊之乃也

為壇以祭日禪於梁父音甫大山下小山遂東遊海上祠山川八神南登瑯

琊作臺刻石方士徐市等上書請得齋戒與童男女入海求

三神山蓬萊方丈瀛洲也不死藥於是遣市發童男女數千人求之

始皇還過彭城今徐州齋戒禱祀欲求出周鼎泗水使千人没

水求之弗得封禪書周之九鼎入于秦或曰宋太丘社亡而鼎沒於泗水漢文十六年因新垣平之言治廟

汾陰欲祠出鼎徐廣曰是後三十七年鼎出汾陰又正義曰秦昭王取九鼎然一鼎飛入泗水泗水源出今泗水縣陪尾

入淮浮江至湘山祠即君山在洞庭湖中逢大風幾不能渡上問湘

君何神博士對曰堯女舜妻葬此始皇大怒伐湘山樹赭音赤色

也其山遂自南郡由武關歸

綱癸二十九帝東遊至陽武縣名今屬開封府韓人張良狙擊狙

物必伏誤中副車令天下大索十日不得遂登之罘山名在今福山

縣刻石而還○鑑初韓人張良五世相韓相釐王悼惠王凡五世及韓亡良散千金之產弟死不葬欲為韓報讎相開地相韓昭侯宣惠王襄王父平

始皇東遊至陽武博浪沙中今陽武南有博浪沙亭良令力士操鐵椎

狙擊始皇誤中副車從車也始皇驚求弗得令天下大索十日

綱乙三十一年使黔首自實田令民自具填畝實數壞城郭決隄防○

綱丙三十二年帝東巡刻碣石門在今昌黎縣壞城郭決隄防○

巡北邊遣將軍蒙恬伐匈奴○目初始皇之碣石使盧生入

海求羨門子高還奏得錄圖書符識曰亡秦者胡也乃巡北邊

遣蒙恬發兵三十萬人北伐匈奴

綱丁三十三年略取南越地置桂林今廣西桂林府南海今廣東廣州府象

郡今雷廉安南皆是○目發諸嘗逋亡人及贅壻賈人為兵略取南

綱監會編卷一
秦始皇
惠先

越陸梁地置三郡以適徙民五十萬戍五嶺大庾始安臨賀桂陽揭陽爲五嶺而陸德明南康記及唐書注云云各有小異

唐書注云云各有小異

綱蒙恬收河南即今河套地築長城○目蒙恬斥逐匈奴收河南

地爲四十四縣築長城起臨洮至遼東延東西袤南北萬餘

里暴師於外十餘年恬常居上郡統治之

綱彗星見

綱子戊三十四年燒詩書百家語○目始皇置酒咸陽宮僕射

周青臣進頌曰陛下神聖平定海內以諸侯爲郡縣無戰爭

之患上古所不及始皇悅博士淳于越曰殷周之王千餘歲

封子弟功臣自爲枝輔今陛下有四海而子弟爲匹夫卒有

田常六卿之臣何以相救事不師古而能長久非所聞也今

井田五以火廢
今寧夏河套
皆秦時河內
地

當時士習
之甚樸

沈儒之楊
已兆于以

青臣又面諛以重陛下之過非忠臣也始皇下其議丞相李

斯曰陛下創大業建萬世之功固非愚儒所知且越言乃三

代之事何足法也異時諸侯並爭厚招遊學今天下已定法

令出一百姓當家則力農工士則習法令今諸生不師今而

學古以非當世惑亂黔首聞令下則各以其學議之入則心

非出則巷議誇主以爲名異趣以爲高率羣下以造謗如此

弗禁則主勢降乎上黨與成乎下禁之便臣請史官非秦記

皆燒之非博士官所職天下有藏詩書百家語者皆詣守尉

雜燒之偶語詩書者棄市以古非今者族吏見知不舉與同

罪令下三十日不燒黥爲城旦所不去者醫藥卜筮種樹之

書欲學法令者以吏爲師制曰可

始皇

息先

綱已三十五年除直道。○目使蒙恬除治直道也。直道在今合水縣西子午山上道九原地名唐豐勝州地即今榆林抵雲陽今涇陽縣塹山堙谷千八百里數年不就。

綱營朝宮作前殿阿房。○鑑始皇以咸陽人多先王之宮庭小乃營朝宮渭南上林苑中先作前殿阿房阿曲也殿之四阿皆為房東

西五百步南北五十丈上可以坐萬人下可以建五丈旗周馳為閣道自殿下直抵南山表南山之巔以為闕複音道上下

有道渡渭屬連也之咸陽以象天極閣道絕漢抵營室漢天河也營室

二星名橫絕天漢至營室隱宮徒刑者七十餘萬人乃分作阿房宮或作驪山在今臨潼縣發北山石椁寫蜀荆地材皆至關中秦都咸陽東函谷關南嶢關武關西散關北蕭關故曰關中計宮三百關外四百餘於是立石東海

上胸漢東海郡有胸縣界中以為秦東門因徙三萬家驪邑五萬家

雲陽皆復不事十歲復除也除其賦役之事十年盧生說始皇為微行以辟惡鬼所居宮毋令人知然後不死之藥可得始皇乃令咸

陽旁三百里內宮觀複道相連帷帳鐘鼓美人充之各按署不移徙所行幸有言其處者死嘗從梁山宮望見丞相車騎

衆弗善也或告丞相丞相損之始皇怒曰此中人泄吾語捕時在旁者盡殺之是後莫知行之所在羣臣受決事者悉於咸陽宮

綱阮諸生四百六十餘人使長子扶蘇監蒙恬軍。○目侯生

盧生相與譏議始皇因亡去始皇聞之大怒曰盧生等朕尊賜之甚厚今乃誹謗我諸生在咸陽者吾使人廉察也問或為

自有正法

妖言以亂黔首使御史案問之諸生傳相告引乃自除犯禁者四百六十餘人皆阬之咸陽長子扶蘇諫曰諸生皆誦法孔子今以重法繩之臣恐天下不安始皇怒使北監蒙恬軍於上郡

綱庚寅三十六年隕石東郡○日有隕石於東郡或刻之曰始皇死而地分使御史逐問莫服盡誅石旁居人燔其石

綱辛卯三十七年冬十月帝東巡至雲夢祀虞舜上會稽祭大禹秋七月至沙丘崩丞相李斯宦者趙高立少子胡亥為太子殺扶蘇及蒙恬還至咸陽胡亥襲位九月葬驪山○日十月始

疑山在今寧遠縣浮江下渡海渚過丹陽秦縣今江寧府地至錢唐今杭州府

渡浙江上會稽祭大禹望於南海立石頌德北至瑯琊之罘西至平原津而病始皇惡言死羣臣莫敢言死事病益甚乃

令趙高為書賜扶蘇曰與喪會咸陽而葬未付使者七月始皇崩於沙丘在今平鄉縣界秘不發喪棺載輜輶車中車有牕牖閉之則濫開之

則所至上食奏事如故獨胡亥趙高與幸宦者五六人知之初始皇尊寵蒙氏恬任外將毅常居中參謀議名為忠信趙

高生而隱宮始皇聞其強力通獄法以為中車府令使教胡亥決獄高既雅得幸於胡亥乃與胡亥謀詐以始皇命誅扶蘇而立胡亥為太子胡亥然之高曰不與丞相謀恐事不成乃見李斯曰上賜長子書及符璽皆在胡亥所定太子在君侯與高之口耳事將何如斯曰安得亡國之言此非人臣所

秦所以亡也
胡亥也
立以扶蘇
外也扶蘇
在外以扶蘇
儒也
秦三之禍
自坑儒始
志昭矣

屢東巡為
木神也

始皇也
蘇立奉
志昭矣

綱目卷之五十五 秦始皇本紀

當議也。高曰：君侯材能智慮，功高無怨，長子信之，孰與蒙恬？
 長子卽位，必用恬爲丞相。君侯終不懷通侯之印，歸鄉里，明
 矣。胡亥慈仁篤厚，可以爲嗣。願君審計而定之。斯以爲然，乃
 相與矯詔立胡亥爲太子，更爲書賜扶蘇，數以不能立功，數
 上書誹謗怨望，而恬不矯正，皆賜死。扶蘇發書泣，欲自殺。恬
 曰：陛下使臣將三十萬衆守邊，公子爲監，此天下重任也。今
 一使者來，安知其非詐？復請而死，未暮也。扶蘇曰：父賜子死，
 尚安復請？卽自殺。恬不肯死，繫諸陽周。今真寧縣會蒙毅出禱山
 川，還亦繫諸代。代郡也遂從井陘抵九原，會暑，輜輶車臭，乃令
 從官載鮑魚一石以亂其臭。從直道至咸陽，發喪，胡亥襲位，
 是爲二世皇帝。九月葬始皇帝於驪山下，銅塞三泉，奇器珍

怪徒藏滿之，令匠作機弩，有穿近者輒射之。上具天文，下具
 地理，後宮無子者，皆令從死。工匠爲機者，皆閉之墓中。二世
 欲遂殺蒙恬兄弟，子嬰諫曰：蒙氏秦之大臣謀士也，一
 旦棄之而立無節行之人，是使羣臣不相信，而鬪士之意離
 也。弗聽。恬曰：吾積功信於秦三世矣，今將兵三十餘萬，其勢
 足以倍畔，然自知必死而守義者，不敢辱先人之教，以不忠
 先帝也。乃吞藥自殺，毅亦死。

蘇軾曰

李斯佐始皇定天下，不可謂不智。扶蘇乃始皇子，

蒙恬持重兵在外，使扶蘇不卽受誅而復請之，則斯高無遺類矣。以斯之智而不慮此，何哉？曰：嗚呼！秦之失道，有自來矣。自商鞅變法以誅死爲輕典，以芟夷爲常法。人臣狼顧脇息，以得死爲幸，何暇復請李斯之立胡亥？不復忌扶蘇者，知威令之素行而臣子不敢復請也。扶蘇之不敢請，亦知始皇之驚悍而不可回也。豈料其僞哉？周公曰：平易近民，民必歸之。孔子曰：有一言而可以終身行之。

其恕乎夫以忠恕為心而以平易為政則上易知而下易達然令行禁止蓋有不及商鞅者矣而聖人終不以彼易此者蓋以法毒天下未有不反中其身及其子孫者也

二世皇帝

名胡亥始皇少子在位三年為趙高所弒壽二十四

綱 壬辰元年

楚隱王陳勝元趙王武臣元齊王田儋元燕王韓廣元魏王咎元年

是歲建國凡五冬十月

月天赦○春帝東行到碣石並海南至會稽而還○夏四月

殺諸公子公主○鑑二世謂趙高曰吾已臨天下矣人生世

間譬猶騁六驥過決音隙也吾欲悉耳目之所好窮心志之

所樂以終吾年壽可乎高曰此賢主之所能行而昏亂主之

所禁也然沙丘之謀諸公子及大臣皆疑焉此其屬意快快

皆不服恐為變陛下安得為此樂乎二世曰為之奈何高曰

嚴法刻刑盡除先帝之故臣更置陛下之所親信則高枕肆

抄沒之始

志寵樂矣二世然之乃更為法律務益刻深大臣諸公子有

罪輒下高鞫治之公子十二人戮死咸陽市十公主死

陟格反裂

其肢體也死於杜

杜故杜伯國在今西安府城東南

公子將閻仰而大呼天者三

曰天乎我無罪昆弟三人皆自殺宗室震恐公子高乃上書

請從死先帝葬驪山之足二世悅以示趙高高曰人臣當憂

死不暇何變之得謀二世可之賜錢以葬

綱復作阿房宮○目徵材士五萬人為衛狗馬禽獸當食者

多調郡縣轉輸菽粟芻稿皆令自齎糧食咸陽三百里內不

得食其穀

綱秋七月楚人陳勝吳廣起兵於蕪勝自立為楚王以廣為

假王擊滎陽○鑑是時發閭左戍漁陽今薊州者九百人屯大

陳勝吳廣

綱 卷之二 二世 方三

澤鄉陽城

秦縣在今宿州南

人陳勝陽夏

今太康縣

人吳廣為屯長會天

大雨道不通度已失期法當斬假令毋斬而戍死者固什六七

且壯士不死則已死則舉大名耳王侯將相寧有種乎眾皆

從之乃詐稱公子扶蘇項燕為壇而盟稱大楚勝自立為將

軍廣為都尉攻大澤鄉拔之攻斬

秦縣在今宿州南

徇斬以東行收

兵比至陳卒數萬人入據之大梁張耳陳餘詣門上謁勝素

聞其賢大喜陳中父老請立涉

勝字

為楚王耳餘曰秦為無道

暴虐百姓將軍出萬死之計為天下除殘今始至陳而王之

示天下私願將軍毋王急引兵而西遣人立六國後自為樹

黨為秦益敵敵多則力分與眾則兵強誅暴秦據咸陽以令

真壯士之言

見陳耳陳餘

苟量止此

諸侯則帝業成矣涉不聽自立為王號張楚郡縣苦秦法爭
殺長吏以應涉謁者使從東方來以反者聞二世怒下之吏
後使者至上問之對曰羣盜鼠竊狗偷不足憂也乃悅

綱楚遣諸將徇趙魏以周文為將軍將兵伐秦至戲秦遣少

府章邯拒之楚軍敗走○鑑張耳陳餘復請奇兵略趙地勝

以所善陳人武臣為將軍耳餘為校尉予卒三千人徇趙又

令魏人周市徇魏聞周文陳之賢人習兵使西擊秦武臣等

行收兵得數萬人號武信君下趙十餘城餘皆城守乃引兵

擊范陽

今涿州

范陽人蒯徹說曰范陽令畏死欲降君毋誅殺

而以侯印授之則燕趙諸城可毋戰而降矣從之不戰而下

者三十餘城涉既遣周文有輕秦之意不復設備博士孔鮒

趙后王國

子順諫之不聽文行收兵車千乘卒數十萬至戲水名今臨潼縣界軍焉二世乃大驚少府章邯請赦驪山徒悉發以擊楚軍大敗之文走

綱八月楚將武臣至趙自立為趙王○目張耳陳餘聞諸將為陳王徇地者多以讒毀誅乃說武信君自立為趙王勝大怒欲族其家柱國官名房君姓蔡名賜房君號也諫曰秦未亡而誅武信君等家此生一秦也不如因而賀之使急引兵西擊秦勝從其計耳餘曰楚特以計賀王已滅秦必加兵於趙願王毋西兵而北徇燕代南收河內以自廣楚雖勝秦必不敢制趙不勝秦必重趙趙乘秦楚之弊可以得志於天下趙王從之因不西兵而使韓廣略燕李良略常山張騫略上黨

耳餘發言必中的可謂與王之佐惟所匡非其人

漢高帝紀

綱九月楚人劉邦起兵於沛今沛縣屬徐州自立為沛公○鑑沛人

劉邦字季隆準鼻也龍顏左股有七十二黑子悲也愛人喜施意豁如也有大度不事家人生產作業嘗繇役也咸陽縱觀秦皇帝喟然太息曰嗟乎大丈夫當如此矣單父音善甫今單縣人呂公

史失其名好相人見季狀貌因重敬之曰臣有息女願為箕箒妾秦始皇帝嘗曰東南有天子氣於是因東遊以厭之季即自

疑亡匿隱於芒碭二山名在徐宋之間山中呂后與人俱求常得之季怪問故呂后曰季所居上常有雲氣故從往常得季沛中子

弟聞之多欲附者季初為泗上亭長秦法十里一亭亭置長主督盜賊亭在今沛縣為縣送徒驪山始皇葬驪山郡徒多道亡自度比至皆亡之

乃解縱所送徒曰公等皆去吾亦從此逝矣徒中壯士願從

綱益會編卷十一 卷已二世 三

新蛇事想

中陳勝吳

廣留魚狐

鳴之及智借

以算人心耳

蕭曹出

何為主吏

曹名橋

此陰欲引沛

公也樊噲出

蕭曹弟一功

項伯王起

者十餘人季嘗被酒夜徑過澤中有大蛇當徑季拔劍斬蛇

有老嫗音喻夜哭曰吾子白帝子也化為蛇當道今赤帝子斬

之嫗因忽不見後人告季季乃心獨喜自負諸從者日益畏

之及陳涉起沛令欲以沛應之掾主吏蕭何曹參曰君為秦

吏今背之恐沛子弟不聽願召諸亡在外者以劫眾乃令樊

噲召季時季之眾已數十百人矣沛令後悔父老乃率子弟

殺沛令開門迎季立以為沛公旗幟皆赤由所殺蛇者赤帝

子故也蕭曹等為收沛子弟得三千人以應諸侯

綱楚人項梁起兵於吳○鑑項梁者下相今宿遷縣人楚將項燕

子也嘗殺人與兄子籍避仇吳中吳中賢士大夫皆出其下

籍字羽少時學書不成去學劍又不成梁怒之籍曰書足以

記姓名而已劍一人敵不足學學萬人敵於是梁乃教籍兵

法籍長八尺餘力能扛舉鼎才器過人會稽守殷通聞陳涉

起欲發兵以應之使梁將梁乃使籍拔劍斬守頭佩其印綬

門下大驚擾亂籍所擊殺數十百人一府中皆懼同伏莫敢

起梁乃舉吳中兵使人收下縣得精兵八千人梁自為會稽

守以籍為裨副將徇下縣籍時年二十四

綱齊人田儋自立為齊王○目儋故齊王族也與從弟榮橫

皆豪健宗強能得人周市徇地至狄狄城守儋詳詳作伴縛

奴從少年至廷欲謁殺之因殺狄令而名豪吏子弟曰諸侯

皆反秦自立齊古之建國也儋田氏當王遂自立擊市走之

東略定齊地

綱齊人田儋自立為齊王○目儋故齊王族也與從弟榮橫

皆豪健宗強能得人周市徇地至狄狄城守儋詳詳作伴縛

齊復國

綱趙將韓廣略燕地自立為燕王。○目韓廣至燕燕豪傑欲立以為王。廣曰：廣母在趙，不可。燕人曰：趙方西憂秦，南憂楚，其力不能禁我，且以楚之強，不敢害趙王將相之家。趙又安敢害將軍家乎？廣乃立，居數月，趙奉其母歸之。

綱燕軍獲趙王，既而歸之。○目趙王與張耳、陳餘略地，王間出為燕軍所得，囚之，以求割地。使者往請，燕輒殺之，有廝養卒往見燕將曰：君知張耳、陳餘何如人也？曰：賢人也。曰：知其志何欲？曰：欲得其王耳。養卒笑曰：君未知此兩人所欲也。夫武臣、張耳、陳餘，杖持也馬箠策也，下趙數十城，此亦各欲南面而王，顧其勢初定，且以少長先立武臣。今趙地已服，此兩人亦欲分趙而王，今君乃囚趙王，此兩人名為求之，實欲燕殺之。

實是三人心事

而分趙自立。夫以一趙尚易，燕況以兩賢王左提右挈而責殺王之罪，滅燕易矣。燕將乃歸趙王，養卒為御而歸。

綱楚將周市立魏公子咎為魏王而相之。○目周市定魏地，諸侯欲立之，市曰：天下昏亂，忠臣乃見，必立魏王，後乃可。諸侯固請，市終辭，乃迎魏公子甯陵君咎於陳，五反而後，楚王遣之，乃立以為王而已為相。

綱秦廢衛君角為庶人。○目初秦并天下而衛獨存，至是二世廢之，衛遂絕祀。

綱二年楚懷王心元趙王歇元齊王田市元燕王韓廣二魏王豹元韓王成元年○是歲楚王勝趙王武臣齊王儋魏王咎皆亡舊國一新國五凡六冬十月，秦兵圍沛公於豐，沛公出戰破之。○目沛公既破秦軍，令雍齒守豐而已之。薛、齒降魏。

綱十一月章邯追敗楚軍於澠池周文走死○楚田臧殺其假王吳廣進與秦戰敗死○田吳廣圍滎陽三川守子由拒之廣不能下裨將田臧等矯王令誅之獻其首於王王以臧為上將西迎秦軍戰死

趙王武臣死

綱趙將李良弒其君武臣○目李良已定常山還報復使略太原良還請益兵道逢趙王姊良以為王伏謁道傍王姊醉不知其將使騎謝之良慚怒殺王姊遂襲邯鄲殺趙王趙人多為張耳陳餘耳目者故二人獨得脫

趙王陳餘死

綱秦嘉起兵於郟今海州○秦益遣兵擊楚臘月楚莊賈弒其君勝以降於秦呂臣討賈誅之復以陳為楚○鑑二世益遣長史司馬欣董翳佐章邯擊楚臘月楚王至西城父音甫縣名故城

在今亳州其御莊賈殺之以降勝故涓人呂臣起攻陳殺賈復以陳為楚葬勝於碭諡曰隱王勝既稱王以苛察為務諸將不親附以及於敗

趙王立

綱春正月趙將張耳陳餘立趙歇為王○目張耳陳餘收散兵得數萬人擊李良良敗走客有說之者曰兩君羈旅難可獨立立趙後輔以誼可就功乃求得歇立之居信都今冀州

英布出

綱秦攻陳下之呂臣走得英布軍還復取陳○目布六今六安州人也嘗坐法鯨論輸驪山驪山之徒數十萬人布皆與其徒

長豪傑交通乃亡之江中為羣盜番陽秦縣今為饒州治令吳芮甚得江湖間心號曰番君布往見之其眾已數千人番君以女

張良復出

妻之使將其兵擊秦

綱沛公得張良以為廐將○曰楚王景駒在留在徐州沛縣沛公

往從之張良亦聚少年百餘人道遇沛公遂屬焉良數以太

公兵法說沛公公善之常用其策良為他人言皆不省良曰

沛公殆天授故遂不去

綱項梁擊楚王駒殺之夏六月立楚懷王孫心為楚懷王韓

公子成為韓王○曰廣陵秦縣今人江都人召平此召平是廣陵人與東陵侯召平及

齊相召平各別為楚徇廣陵未下聞陳王敗乃渡江矯王令拜項梁

為上柱國曰江東已定急引兵西擊秦梁乃以八千人渡江

而西東陽秦故城在今少年殺令相聚得二萬人以故令史

陳嬰素謹信長者欲立為王嬰母曰暴得大名不祥不如有

楚漢兵起

大桓以立六

國後封拜

守相為弟

一義

范增出

所屬事成猶得封侯事敗易以亡非世所指名也嬰乃謂軍

吏曰項氏世世將家有名於楚今欲舉大事將非其人不可

眾從之於是嬰及英布蒲將軍皆以兵屬梁眾遂六七萬梁

曰陳王首事戰不利未聞所在今秦嘉立景駒大逆無道乃

進擊殺嘉駒走死至薛故城在滕縣界沛公往見之梁予兵還拔豐

屬徐州縣名今屬徐州使項羽攻襄城不下已拔皆阬之居鄆今巢縣人范增

年七十好奇計往說梁曰秦滅六國楚最無罪自懷王入秦

不反楚人憐之至今故楚南公曰楚雖三戶舊說謂楚人怨秦雖三戶猶足以亡秦韋昭曰三戶楚大姓屈昭景也

又左傳云以界楚師於三戶杜預注曰丹水縣北三戶亭服

虔云三戶漳水津也括地志云濁漳水東經三戶津在相州

滏陽縣界後楚項羽果渡三戶津破章邯邯降羽秦遂亡則

是南公識廢興之數知秦今勝首事不立楚後而自立其勢

不長。今君起江東，楚蠡起之將，皆爭附君者，以君世世楚將，能復立楚之後也。梁然其言，乃求得懷王孫心於民間，為人牧羊。六月，立以為楚懷王。從民望也。都盱眙。縣名今屬鳳陽府以陳嬰為上柱國，梁自號武信君。張良說梁曰：君已立楚後，韓諸公子、橫陽君成最賢，可立為王。益樹黨。梁從之，立為韓王。以良為司徒，西略韓地。

魏王咎自燒死

綱章邯擊魏齊楚救之。齊王儋、魏相市敗死。魏王咎自殺。○鑑章邯擊魏王於臨濟。今高苑地魏使周市求救於齊楚。齊王儋及楚將項它。徒河反皆將兵救魏。章邯大破齊楚軍，殺齊王及周市。魏王咎自燒死，其弟豹亡之。楚楚予兵數千人，復徇魏地，立為魏王。田榮收兄儋餘兵，走東阿。章邯追圍之。武信君

立田市立

引兵擊破章邯軍於東阿下，追至濮陽，又破之。綱齊人立田假為王。○田假，王建弟也。齊人立以為王，而以田角、田間為將相。

甚其惡乃連殺其身

綱秋七月，齊王儋弟榮逐王假，立儋子市為王，而相之。○秦下右丞相馮去疾、左丞相李斯吏去疾自殺，要斬斯、夷三族。以宦者趙高為中丞相。○田二世數誚讓。責也左丞相李斯居三公位，如何令盜如此，斯恐懼，乃阿二世意，以書對曰：夫賢主者必能行督責之術者也。故申子曰：有天下而不恣睢，放也。命之曰：以天下為桎梏，能行督責，以獨斷於上，則權不在臣下。然後能滅仁義之塗，絕諫說之辯。力角反，超絕也然行恣睢之心，而莫之敢逆，如此羣臣百姓救過不給，何變之敢圖。二

綱益會編卷一 卷已二世 三 息

世悅於是督責益嚴稅民深者為明吏殺人眾者為忠臣刑者相半於道而死人日成積於市秦民益駭懼思亂郎中令趙高恃恩專恣多以私怨殺人恐大臣言之乃說二世曰天子所以貴者但以聞聲羣臣莫得見其面也不如深拱禁中與臣及侍中習法者待事事來有以揆之則大臣不敢奏疑事天下稱聖主矣二世乃不坐朝廷事皆決於高李斯以為言高乃見斯曰關中羣盜多而上益發絲治阿房宮臣欲諫為位賤此真君侯之事君何不諫斯曰上居深宮欲見無間高曰請候上間語君於是待二世方燕樂婦女居前使人告斯可奏事矣斯至上謁二世怒高因曰沙丘之謀丞相與焉今陛下為帝而丞相貴不益其意亦望裂地而王矣且其長

借事中傷
千古商人位
一轍

男由守三川楚盜皆其傍縣子以故公行過三川且丞相居外權重於陛下二世乃使人按驗三川守與盜通狀斯聞之乃上書言高罪二世曰趙君為人精廉強力下知人情上能適朕朕實賢之而君疑之何也斯又與右丞相馮去疾將軍馮劫進諫曰羣盜並起皆以戍也守邊也漕水運也轉陸運也作事苦賦稅大也請且止阿房宮作者減四邊戍轉二世曰君不能禁盜又欲罷先帝所為是上無以報先帝次不為朕盡忠力何以在位下吏按罪去疾劫自殺斯自負其辯有功無反心乃就獄二世屬高治之高安為反辭以相傳音附以辭語也遂具斯五刑論腰斬咸陽市斯顧謂其中子曰吾欲與若復牽黃犬俱出上蔡縣名今屬汝寧府東門遂狡兔豈可得乎遂父子相

綱鑑會紀卷一
秦紀二世
息死

哭而夷三族二世乃以高為中丞相事皆決焉

綱章邯擊破楚軍於定陶項梁死○鑑項梁已破章邯引兵

至定陶再破秦軍項羽沛公又與秦軍戰於雍丘今杞縣大破

之斬李由梁益輕秦有驕色宋義諫曰戰勝而將驕卒惰者

敗臣為君畏之梁弗聽二世悉起兵益章邯擊楚軍大破之

定陶梁死懷王徙都彭城并項羽呂臣軍自將之號羽為魯

公

綱楚立魏豹為魏王○章邯擊趙圍趙王於鉅鹿楚以宋義

為上將軍救之○目章邯以楚地兵不足憂乃北擊趙破邯

鄆張耳以趙王走鉅鹿秦郡今順德府地陳餘北收兵得數萬人軍

其北章邯軍其南趙數請救於楚楚王聞宋義先策武信君

魏豹立

懷王趙田
向印白將

英雄六一
能子

漢得天下
三本

必敗召與計事大悅之因以為上將軍項羽為次將范增為
末將以救趙義號卿子冠軍諸別將皆屬焉

綱楚遣沛公伐秦○鑑初楚懷王與諸將約先入定關中者

王之當是時秦兵彊諸將莫利先入關獨項羽怨秦之殺項

梁奮身願與沛公西入關懷王諸老將皆曰項羽為人慄疾

悍勇猾賊猾獸名無骨虎吞入則殘其腹中而出嘗攻襄城無遺類諸所過無

不殘滅不如更遣長者扶義而西告諭秦父兄秦父兄苦其

主久矣今誠得長者往無侵暴宜可下羽不可遣獨沛公素

寬大長者可遣懷王乃不遣羽而遣沛公收陳王項梁散卒

以伐秦

綱
三年楚二趙二齊二燕三魏二韓二年冬十一月楚次將項籍矯殺宋

志行

是為鉅鹿
之戰項伯
業而由起

宋冠軍原
無能便非
羽引兵渡
河大破秦
軍趙兵渡
有長平之
難矣如有
大戰鉅鹿
其無忌之
奪救邯鄲
千古無兩
不可矯治

而輕議也

耳餘構
之極

義而代之大破秦軍據其將王離○目宋義至安陽今曹縣東南地

非相州留四十六日不進項羽曰秦圍趙急宜疾引兵渡河

楚擊其外趙應其內破秦軍必矣宋義曰今秦攻趙戰勝則

兵罷我乘其敝不勝則我鼓行而西必舉秦矣因下令曰有

猛如虎狼如羊貪如狼強不可使者皆斬之遣其子襄相齊

送之無鹽故城在今東平州飲酒高會天寒大雨士卒凍飢項羽曰

今歲飢民貧卒食半菽而飲酒高會不引兵渡河因趙食并

力攻秦乃曰承其敝夫以秦之強攻新造之趙其勢必舉何

敝之乘且國兵新破王坐不安席掃境內而屬將軍國家安

危在此一舉今不恤士卒而徇其私非社稷之臣也羽晨朝義即其帳中斬之出令軍中曰宋義與齊謀反王陰

令籍誅之諸將莫敢枝梧營救也小柱為枝邪柱為梧共立羽為假上將

軍遣使報命於王王因以羽為上將軍鉅鹿兵少食盡張耳

數召陳餘餘不敢前耳又使張廉陳澤讓之要與俱死餘使

二人將五千人先嘗秦軍皆沒羽乃悉引兵渡河已渡皆沉

船破甑燒廬舍持三日糧以示士卒必死無還心與秦軍遇

九戰皆破之章邯引却遂擄王離時諸侯軍救鉅鹿者十餘

壁莫敢縱兵及楚擊秦皆從壁上觀楚戰士無不以一當十

呼聲動天地人人惴恐既破秦軍諸侯將入轅門軍前以車門為膝行而前莫敢仰視羽由是始為諸侯上將軍諸侯兵

皆屬焉趙王既得出張耳責讓陳餘問廉澤所在疑餘殺之

餘怒解印綬予耳耳不受餘起如厠客有說耳者曰天子不

綱監會編卷十 秦紀二世 志行

取反受其咎。君急取之。耳乃佩其印綬。收其麾下。餘遂與數百人去之。河上澤中漁獵。

綱春二月。沛公擊昌邑。

今金鄉縣

彭越以兵從。○目越昌邑人。常

漁鉅野澤中。為羣盜。楚兵起。澤間少年聚百餘人。請越為長。越不願。強請許之。與期旦日日出會。後期者斬。至期多後。越

欲誅最後至者一人。皆笑曰。何至是。越竟斬之。徒屬皆驚。莫敢仰視。乃略地收散卒。得千餘人。至是以其兵歸沛公。

綱沛公使酈食其說陳留。下之。○目沛公引兵西過高陽。

里名

在今杞縣西

高陽人酈食其。

音歷異基

家貧落魄。為里監門。其里人有

為沛公麾下騎士者。食其謂曰。吾聞沛公慢而易人。多大略。此真吾所願從遊。若見沛公。謂曰。臣里中有酈生。年六十餘。

長八尺。人皆謂之狂生。生自謂非狂。騎士曰。公不好儒。客冠儒冠來者。輒解而溺其中。未可以儒生說也。酈生曰。第言之。騎士從容言之。公至傳舍。

猶今館驛

使人召酈生。生至入謁沛公。

方倨牀。使兩女子洗足。而見生。生長揖不拜。曰。足下欲助秦

攻諸侯乎。抑欲率諸侯攻秦也。沛公罵曰。豎儒。天下同苦秦

久矣。何謂助秦攻諸侯乎。生曰。必欲誅無道秦。不宜倨見長

者。公乃輟洗。起攝衣。延生上坐。問計。生曰。足下兵不滿萬。欲

以徑入彊秦。此所謂探虎口者也。夫陳留。

秦縣今屬開封府

天下之

衝。四通五達之郊也。又多積粟。臣善其令。請得使之。令下。即

不聽。足下舉兵攻之。臣為內應。於是遣生行。沛公引兵隨之。

遂下陳留。號生為廣野君。常為說客。使諸侯。其弟商亦聚眾。

四千人來屬沛公。

綱夏四月沛公攻潁川略南陽秋七月南陽守齧音降降。○鑑

沛公攻潁川因張良略韓地聞趙將司馬卬欲渡河入關公

乃攻平陰即今河陰絕河津南出轅轅關名在今登封縣六月略南陽郡

守齧戰敗走保宛沛公引兵過之張良曰今不下宛宛從後

擊強秦在前此危道也公乃夜從他道還圍宛七月齧降引

兵而西無不下者所過毋得鹵掠秦民皆喜。

綱章邯以軍降楚。○鑑章邯軍棘原在鉅鹿南項羽軍漳南在平鄉縣

南秦兵數却二世使人讓邯邯恐使長史欣請事留司馬門

宮垣內兵衛所在四面有門有司馬主武事三日趙高不見有不信之心欣恐還

報曰高用事於中下無可為者今戰勝高嫉吾功不勝不免

非降而秦無將矣

隋煬死于宇文化及之手其覆轍甚相似

於死願熟計之。陳餘亦遣邯書勸其與諸侯為從約邯狐疑陰使羽約未成羽引兵連戰大敗之邯乃與羽約盟洹水之上已盟邯見羽流涕為言趙高羽乃立邯為雍王置楚軍中而使欣將其軍為前行。

綱八月沛公入武關趙高弒帝於望夷宮立子嬰為王九月

子嬰討高誅之夷三族。○鑑初趙高欲專秦權恐羣臣不聽

乃先設驗持鹿獻於二世曰馬也二世笑曰丞相誤耶謂鹿

為馬問左右或默或言鹿高因陰中害之也諸言鹿者以法後

羣臣皆畏之莫敢言其過八月沛公攻屠武關高前數言關

東盜無能為至是二世使責讓高高懼乃與其婿咸陽令閻

樂謀易置上更立子嬰樂將吏卒入望夷宮數二世曰足下

秦二世死

子嬰居無可如何之時乃終不動報色屠戮趙高所無赦之榮固可憐下

驕恣誅殺無道天下皆畔其自為計二世曰丞相可得見否
 樂曰不可二世曰願得一郡為王弗許又曰願為萬戶侯又
 弗許曰願與妻子為黔首比諸公子樂曰受命於丞相誅足
 下足下雖多言臣不敢報麾其兵進二世自殺趙高曰秦故
 王國始皇君天下故稱帝今六國復立宜為王如故便乃立
 子嬰為秦王九月高令子嬰齋當廟見受玉璽印也秦得和氏璧為璽命
李斯書其文曰受命於天既壽永昌號傳國璽子嬰與其子二人謀曰丞相高殺二
 世恐羣臣誅之乃佯以義立我我稱病不行丞相必自來來
 則殺之高果自往子嬰刺殺高於齋宮三族其家以狗
 綱沛公擊峽關破之

綱鑑會編卷十

